



С. П. БИБЛИОТЕКА
УНИВЕРСИТЕТА
САНКТ-ПЕТЕРБУРГА

11071

I

Mag. St. Dr.

P

1798



11071

juvan. pol.

XIV. f. 6.

ANDREAE MAXIMILIANI

FRED'RO

PALATINI PODOLIÆ

MONITA

POLITICO-MORALIA
ET
ICON INGENIORVM

EDIDIT VITAM AVTORIS PRAEMISIT
ET PRAEFATVS EST

L. MIZLERVS de KOLOF
REGNI POLONIÆ HISTORIOGRAPHVS
IN SERENI. REGIS POL. AULA CONSILIAR.
MEDICVS VARSAVIENSIS

VARSAVIAE
ANNO MDCCLXV
TYPIS MIZLERIANIS



90

ILLUSTRISSIMO, EXCELLENTISSIMO

REVERENDISSIMOQUE DOMINO

IOSEPHO ANDREÆ

ZALUSCIO

EPISCOPO KIOVIENSI
ET CZERNIECHOV

ABBATI WACHOC. IN POLONIA

FONTANETI IN BURGUNDIA

VILLARIÆ BETNACI IN LOTHARINGIA

RELIQVA

DOMINO ET FAUTORI SUO

COLENDISSIMO

NEC NON

NEC NON
ILLUSTRISSIMO ATQUE EXCELLENTISS.

DOMINO
IOSEPHO
COMITI IN TENCZYN
OSSOLINIO

GUBERNATORI SENDOMIRIENSI


DOMINO AC FAUTORI SUO

COLENDISSIMO

D. D. D.

EDITOR.

Reverendissime, Illustrissimi
atque Excellentissimi Domini,



Fure meritoque Vobis; ILLUSTRISSIMI VIRI, reddo id, quod mihi dedistis mutuo. Non enim ita cito forte libellus hic vidisset in Polonia lucem, nisi vos auctores mihi persuasoresque fuissetis, ut hoc opusculum, certe egregium, iterum typis exscribi curarem, sumptus in id benigne suppeditando. Quod si igitur hoc magni quondam in regno Senatoris scriptum & iuventuti Polonæ & maturis etiam viris usui erit & commodo, VOBIS gratiæ sunt habendæ, TV, ILLUSTRISIME PRÆSUL, iam ita patriam respectu litterarum ornasti, ut vix videaris habere, quæ addere possis. Non solum enim

enim continuo pro scientiarum in Polonia flore laboras, sed etiam sumptus, quantum fieri potest, magnos in hoc ponis, conditor bibliothecæ in Polonia Regina. Præter ea viros litteratos commendatione, humanitate, consilio adiuvas, foves, sustines, optime huius gnarus, quanta ex amplificatione scientiarum in patriam redundet utilitas. Et Tu, illustrissime OSSOLINI, non virtute tantum, verum etiam tanta in rebus patriis doctrina iam es ornatus, ut hoc plane aetatem Tuam superare videatur. Iam gravi officio Tribunalis Radomiensis Mareschalci fundus, Præsides Episcopo Kiowensi, consanguineo Tuo, (cuius fuisti tribunalis ultimi Præsides & Mareschalcus) & amplæ provinciæ Sendomiriensis gubernator, nullum est dubium, quin ad summos in patria honores adscendas per merita, si tantum ipse illum gloriæ et honorum campum tibi amplius aperias. Sic Vos, illustrissimi viri, antiquissima utrique Vestræ pro-sapia, e quibus magni in republica viri pro-dierunt, plus splendoris affere, quam ab iis obtinere videmini. Ad extremum, ut
quam

quam diutissime Polonia vestra virtute, labore, doctrina fruatur, sanitatem VOBIS longævam, felicitatis humanæ omnis fundamentum, apprecor, me autem gratiæ Vestræ, protectioni et amicitiae, etiam atque etiam commendo, qui eo, quo par est, animo submisso sum.

ILLUSTRISSIMI VIRI
VESTRORUM NOMINVM

Varsoviæ cultor obsequiosissimus
Ibid Sept. MIZLERUS de KOŁO
M.D. CCLXIV.

Præfatio

PRAEFATIO.

Nouam Tibi, lector beneuole, ob
Noculos pono clarissimi in Polonia
Senatoris, *monitorum Politico-moralium*
editionem; quæ cuius sit præ ceteris
pretii, tuum est iudicare. Variæ
iam, & apud externos potissimum,
libelli huius aurei exemplaria in lucem
fuerunt prolata, in ipso Poloniæ regno
antea nullum, in Borussia Polona uni-
cum, ut infra in vita auctoris viden-
dum. Quod res ipsas hoc in opuscu-
lo contentas attinet, facile apparet, mo-
nita maxima ex parte ad reipublicæ li-
bertatam ab auctore fuisse accommoda-
ta, ita ut magis ad vitam beatam in li-
bera republica facere, quam in mo-
narchia, ubi vnius dominatu omnia te-
nentur, ex usu esse videantur. Credo
ego vero, ubique posse ea vsui esse, si
paucis mutatis secundum res circum-
stantes cum iudicio adhibeantur, id
quod

quod tam multæ exterorum editiones
affirmant.

Scimus ex Nepote, non eadem omnibus
esse honesta atque turpia, sed omnia ma-
iorum institutis iudicari: non admira-
buntur igitur, auctorem in Polonorum
virtutibus, & rebus politicis mores eo-
rum secutos. Neque enim regni senator
vel nuncius in comitiis liberæ reipubli-
cæ Polonæ ob id male audit, si obloqua-
tur & contradicat, si quæ contra le-
ges fieri existimet. At id quidem aliis
in regnis nefas habetur. Monita ergo
hæc politica eo in sensu sunt diiudican-
da, quo ea scripsit auctor. Afferam v-
nicum tantum exemplum. In parte I.
numero XVII. auctor dicit: *pluris est*
blandam negationem retulisse, quam moro-
se obtinuisse concessum. Nullus dubito,
quin multi credant, hanc sententiam
omnino esse falsam. Quis enim homo
mediocris vel nullius fortunæ malit
blandam negationem referre, quam
moroſe obtinere concessum. Sed au-
ctor de regni proceribus, ni fallor, hoc
scripsit,

scripsit, qui sæpius mediocria a Rege petunt, & illi certe malunt blandam negationem referre, quam morose obtinere concessum. Et sic de variis aliis, quæ omnia ad amussim examinare hic non est locus. Latinitatem auctoris quod attinet, pauca adhuc habeo quæ dicam. Fatendum, eam non esse semper puram ac tersam, & pro iuuentute Polona, quæ nunc longe maiori studio elegantem veterum Romanorum sermonem colit, minutum specimen adiiciam, ex parte tantum prima, ubi dictum:

I. *virtuosi nomen*. Sed a virtute nemo dicitur, vsu Latinorum, virtuosus, melius *virtute præditus*.

III. *properanter*, Latinius festinanter.

V. *Impossibilia*, melius, quæ fieri non possunt.

Satagenter, aduerbium plane barbarum, dicitur Latine, *sine anxietate*, sine difficultate.

IX. *per risum habe*. Nemo Latinorum dixit, per risum habere, sed irridere,

re, ludibrio habere, in risum conuertere.

XII. *quam nescitiam simula*. Nescitia, vox plane barbara, vt nescientia, dicitur Latine inscientia, inscitia, ignorantia.

XV. *zelus*, vox Græca, melius *amulatio*.

XXI. *Satagentius*, eiusdem farinae, ac *Satagenter*.

ibid. *ruinati*, est Latinitatis culinæ Polonæ, auctor dixit, *de ruinatis et in integro non visis*, nempe ædificiis: dicitur Latine de collapsis ædificiis.

XXVIII. *discursus familiares*, barbarum vocabulum, vti discurrere, pro disserere, vel disputare. Latine *sermones familiares*. Discurrere enim est vitro citroque currere.

ibid. *affectedatus*, loco nimis exquisitus, vel odiosus.

XXX. *secundum possibilitatem*, melius, quantum fieri potest.

XXXIII. *circuitive*, plane barbarum, Latine per ambages, per circuitionem.

XLVIII. *Honoratio* pro veneratione.

LXXIV. *opinio diuitiarum et nummositarum*.

tis. Nummositas vocabulum est plane barbarum. Latine dicitur: opinio diuitiarum & numorum copiae. Nummosus recte dicitur, qui multis numis praeditus, vel bene nummatus.

De his, & qui in sequentibus huius libelli partibus, leguntur Soloecismis, plura non adiciam, & facile sibi cultioris Latinitatis amatores ab iis cauebunt. Sed tantum abest, ut illustriss. auctoris Latinitatem obelo velim notare, ut potius, si nucleus sit sapidus putamina negligenda esse existimem. In tanto auctore res, non verba consideranda.

Ad extremum laetus animo meliora in Polonia ratione scientiarum artiumque tempora certus spero. Rex enim noster Serenissimus, STANISLAUS AUGUSTVS, inter virtutes Regias omnes, & illa ornatus est, ut amore non solum scientiarum artiumque teneatur, sed & a iuuentute omni doctrina institutus doctissimusque sit. Humanissimus

mus simul, iustissimus ac generosissimus. Ille qui per virtutes plane Regias ad Solium adscendit, ille etiam virtutes & merita ingeniorum excitare praemiisque afficere quam optime didicit. Atque adeo maior nunc erit scriptorum etiam libertas, qui antea vel ob minimam rem vexabantur. Non semel hoc expertus sum ex mera inuidia. Quis credidisset me publice citatum & iudicatum in iudicio regni Mareschalcali fuisse ob sequentia, quae scripsi in collect. magnae omnium historiarum Poloniae scriptorum Tomo I. p. 476. respectu Curlandiae, nempe Serenissimum principem Regium *Carolus*, ducatum illum magis augustissimae Russorum omnium Imperatricis Elisabethae gratia, quam Polonorum obtinuisse. Tota Europa, hoc verum esse, sciuit, Varsaviae autem nonnulli ex nimia forte sapientia, me priuatum, status iura laesisse putarunt. Quis credidisset, in crimine status mihi fuisse positum, scribenti; Imperatrix Russorum omnium. Quis credidisset, male

male acceptum iri, quando in annali-
bus Ioannis Casimiri Regis, p. 57. de
Moschis, seu Russis hodiernis ad veri-
tatem scripsi. Quis credidisset, vitio
mihi dari, quando magni illius hero-
is, sed erga Poloniam male animati,
consilia, quo modo Polonia facile oc-
cupari posset, lingua Polonica euulgauit,
non obstante præfatione, vbi dictum
quem in finem. Et tamen hæc om-
nia sunt facta. Sed satis de hoc.

Gaudeamus potius, Musas Po-
lonas iam feliciora expectasse tem-
pora, quæ interregni tempore ne
minimum quidem fuerunt turbata, quo
omnia ita pacate, tranquille, prudentis-
simeque fuerunt peracta, vt nullum in
historia Polona extet exemplum inter-
regni, quod huic comparari possit. V-
nusquisque summa fruebatur securita-
te, nemo, nisi pacis publicæ turbator,
læsus. Hæc otia nobis, si a prouiden-
tia diuina discesserim, Dii Poloniæ, Cel-
sissimi principes *Czartoriscii*, cum Sere-
nissimo nunc Rege & Celsissimo Pri-
mate,

Russia & Borussia adiuti, atque
in primis magnæ *Catharinæ* Imperatri-
cis, consummatissimi Ministri & Ora-
toris, illustrissimi comitis a *Kayserling*,
consiliis prudentissimis fulti, fecerunt.
Benedicite, Musæ, his magnis, felicissi-
misque Reipublicæ Polonæ seruatori-
bus ad sera vsque tempora, & plaudi-
te. Tu vero, lector beneuole, vale, &
plura in posterum, quam antea, a me
expecta. Scribebam Varſaviæ Idibus
Septembris, anno M. DCCLXIV.



❖❖❖❖❖

VITA
ANDREÆ MAXIMIL. FREDRO.
Castellani Leopoliensis & deinde Pala-
tini Podolia.

ANDREAS MAXIMILIANVS FRE-
 DRO, ex antiqua oriundus prosapia,
 cuiusque familia per sex in Polonia flori-
 it secula, nunc autem extincta, inter prin-
 cipes doctorum suo tempore virorum
 merito refertur. Gentem Fredrorum ex
 Italia duxisse originem scimus ex historia.
 CLEMENTIS nempe, episcopi Crusvi-
 ciæ, ex Italia cum fratre BONIFACIO an.
 999. venientis, patet, in Italia vitam e-
 git, *Mierz* dictus. Hic *Bontfacius*
Mierz, varios oportet ut habuerit descen-
 dentes, per tria secula in Polonia floren-
 tes, Bonieccii tunc temporis a stemmate &
 rure *Bencza* * dicti, cum *Fredro* nomen
 adhuc erat ignotum, & de his nihil certi
 habe-

(*) Insigne seu stemma *Fredrorum*, antea *Bo-*
niecciorum, gentilitium fuit unicornium, seu
 monoceros albus, in tabula cerulea, quem
 Poloni in doctrina de insignibus *Bencza* di-
 cunt.

❖❖❖❖❖

habemus, quod scribamus, cum istis tem-
 poribus nil literis memoriæ mandabatur.
 Haud accurate igitur scripsit *Franciscus*
Glinke in viuario (*zwierzyniec iednoroz-*
cow) quando dixit: fratrem *Clementis*
 episcopi habuisse filium *Mierz* II, qui
 duos genuit filios, *Nicolaum* & *Bogus-*
laum, utrosque canonicos Cracovienses.
 Sed non solum plures debuit habere filios
Mierz II, verum etiam vi calculi inter
Mierz II & *Dobieslaum* nouem ad mini-
 mum intercedere debuerunt generationes.

Bonifacii ex posteris *Dobieslaus*, *Fre-*
dro primum dictus fuit, an. 1338 aulæ
 mareschalcus *Casimiri* Magni Regis, cu-
 ius gratiam consecutus, tanta premebatur
 inuidia, (sunt verba *Franc. Glinke* in vi-
 uario. plag. B4.) viri cuiusdam *Ger-*
mani, ut nulla reuerentia palatii prin-
 cis, verbali primum contracto litigio, ar-
 ma in *Dobieslaum* fringeret *Germanus*,
 sed *Dobieslaus* valentior, arte declinato
 aduersarii gladio, & sui iuris facto, affi-
 xit incruento verbera *Germani* caput, ut
Germanice exclamaret repeters, *Frid*
Herr, *Frid herr*, *Frid herr*, quod petitis
 pacem significat, unde ab eo vocabulo, *Do-*
bieslaus pro venustate iocantis aulæ ac
 Regis, appellatus *FRIDER*, inde serio ab
 (b) omnibus

333

omnibus FREDRO & ab eo FREDROVII.
 Filius Dobieslai, Andreas Castellanus
 Haliciensis, ex Iarochna Ghotkonis Ducis
 de Bybel filia, genuit NICOLAUM, Suc-
 camerarium Camenecensem, seu Podoliæ,
 qui pater fuit IOANNIS FREDRO in
 Pleszowice, Palatini Russiæ, nati circa
 an. 1448 ex Anna Kierdeiowna, & mor-
 tui ex vulneribus in bello Valachico sus-
 ceptis an. 1497. Fratres habuit, AN-
 DREAM, Palatinum Podoliæ, virum ma-
 gni in patria nominis, IACOBUM, Suc-
 camerarium Camenecensem, cuius filius
Laurentius ad Bajazetem, Turcarum
 Principem fuit legatus, & HENRICUM.
 Hic maxime errat *Franciscus Glink*, qui a
 quarto filio Nicolai Succamerarii Podo-
 liæ, Henrico, deducit tanquam filium
 FRANCISCUM, qui pro coniuge habuit
 Catharinam, Succamerarii Premisliensis
Dersniak filiam. Hic autem Franciscus
 non fuit filius Henrici dicti, sed IOAN-
 NIS Palatini Russiæ, id quod probant
*acta Premisliensia, feria tertia ante fe-
 stum sancti Iohannis Baptistæ an. 1509.*
 IOANNIS igitur, Palatini Russiæ, filius,
 & auctoris nostri atavus fuit NICOLA-
 US, qui genuit ex Catharina Kormanic-
 ka, subiudicis Premisliensis filia IOAN-
 NEM,

334

NEM, auctoris nostri abavum, hic vero,
 ex Kormanicka etiam, STANISLAUM
 illius proavum, & Stanislaus ex Catha-
 rina Morawicka, ANDREAM tribunum
 Premisliensem, nostri avum, qui filium
 habuit ex Elisabetha Wilczynska GEOR-
 GIUM, Dapiferum Premisliensem, au-
 ctoris nostri patrem. ANDREAS vero
 MAXIMILIANUS noster in matrimo-
 nium duxit Catharinam Gidzinskam, re-
 gni venatoris filiam, ex qua suscepit fili-
 os tres, & duas filias, ex quibus *Theressia*
 nupsit Laczynskio, succamerario Novo-
 grodenfi, Anna vero *Michaeli* Duci *Czar-
 toryscio*, Capitano Cremenecensi, &
 deinde *Friderico Sapieha*, Palatino Tro-
 censi, qui pater fuit Cancellarii Lithuanicæ,
 magni nostris temporibus in Polonia Mæ-
 cenatis. Ex tribus vero filiis STANISLA-
 US steriliter mortuus, GEORGIUS au-
 tem Castellanus Leopoliensis, ex vidua
 Palatini Lublinensis *Rey*, nullam habuit
 prolem, & *Iosephus*, Castellanus itidem
 Leopoliensis post fratrem *Georgium*, ex
Siemianowska, vexilliferi Sandomir. filia,
 duas tantum filias, quarum una *Stanislaus*
Rupniewski Castellano Malogostensi nup-
 sit, & nunc vidua Varlavie vitam tran-
 quille agit, altera Leopoli religiosa.
 (62) Gentis

❧ 5 ❧

Gentis *Fredrorum*, quantum scio, quatuor fuere lineæ, & non solum principalis, in linea recta a *Dobieslao Fredro*, curiæ Mareschalco, descendens, cum *Iosepho*, Castellano *Leopoliensi*, auctoris filio, extincta fuit, sed & secunda linea, descendens a *Sigismundo*, *Ioannis Fredro*, Palatini *Russiæ*, auctoris nostri tritavi, filio, post sextam generationem cum *Ioanne Fredro* tribuno *Premisliensi*, cuius coniux fuit *Orzechowska*. Sic & tertia linea, a *Ioanne*, Subdapifero *Premisliensi*, fratre *Andrææ* tribuni *Premisliensis*, descendens, cum *Alexandro*, episcopo *Premisliensi*, qui fratrem *Iosephum* habuit sterilem; & tandem quarta, a *Petro* *Ioannis* nunc dicti subdapiferi *Premisliensis* fratre, cum *Ioanne Fredro*, capitaneo *Crosnensi*, cuius soror fuit *Catharina*, *Hieronymi Zaluski*, Castellani *Ravenfis*, illustriss. com. *Zalucii*, *Kioviens.* episcopi patrui, consors. Pater vero illius fuit *Sigismundus Fredro*, Castellanus *Sanocensis*, mater autem *Sophia Wasieczynska*. Ex hac *Catharina Fredrowna*, *Hieronymus Zaluski*, Castell. Rav. suscepit filium *Iosephum*, gubernatorem *Ravensem*, & duas filias, *Catharinam*, *Stephani Garczynsk.*, Castellani *Iunivladislaviensis*,
us,

❧ 6 ❧

sis coniugem, & *Theressiam*, quæ *Castellano Varlav.* *Adalberto Wessel*, nupsit, principis Regiæ *Constantinæ* Fratre germano.

Hæc sufficiant, quæ diximus de familia illustrissimi nostri auctoris & antiqua eius prosapia, ob quam vix ac ne vix quidem posteris se commendasset, nisi ob virtutem, doctrinam, prudentiam & merita in rempublicam magni esset faciendus, qui non solum vir probus, sapiens, doctissimusque, sed & Senator rei publicæ & diligens & prudens & patriam amans fuit, ex Castellano *Leopoliensi*, paulo ante mortem tempore, factus Palatinus *Podoliæ*.

Patris auctoris nostri frater, *Iacobus Maximilianus Fredro*, regni Referendarius similiter ac auctor noster habuit laudem in Polonia in re litteraria, cuius elogium legitur in operibus *Potocianis*, ab illustriss. Episcopo *Kioviensi* comite *Zaluscio*, Bibliothecæ *Varlav.* publicæ conditore, et rei in Polonia litterariæ summo amplificatore editis, centur. clariss. virorum p. 126, qua data occasione de auctore nostro etiam quædam memorantur, his verbis: „lugere non cessarent hactenus etiam orbata subfellia, vix reparabilem tanti viri excellum, nisi in nepo-

te (*) *Andrea Maximiliano*, Castellan-
no Leopoliensi, prouidissent fata: ne
aut rei litterariæ & clarissimæ Fredo-
viæ domui alter *Plutarchus*, amplissi-
mo ordini inconcussus & tenax propo-
siti Senator, rerum sacrarum religioni
inter tumultuarios eam oppugnantium
fluctus periclitanti deesset cultor.

Ceterum fuit pius, laboriosus, sobri-
us, grauis & patriæ fidelis, quam super
omnia amauit, ita vt nunquam neque
præmiis, neque pollicitationibus cor-
rumpi potuerit. Et hanc ob causam
non solum exterorum factionibus tan-
quam heros se opposuit, sed etiam ubi-
que veritatem profiteri, tum publicis in
negotiiis, tum inter amicos, minime du-
bitauit, id quod maxime, cum esset a.
1562 comitorum mareschalcus, proba-
uit, quo tempore Dapifer fuit Leopo-
lenis. Cum Cosaci claustrum patrum
Reformatorum Premisliæ funditus euer-
tissent, iterum illud exædificauit, forti-
que cum muro circumdedit, ibique hu-
matus

(*) Nempe ex fratre. Pater enim auctoris no-
stri quinque habuit fratres; *Stanislaum*, *Pe-
trum*, *Iannem*, iudicem Premisliensem, *Ni-
colaum* Episcopum Valachia, & *Iac. Maximi-
lianum*, regni Referendarium, qui omnes pro-
le caruerunt.

matus est. In bonis suis calvaria locum
ad instar Hierosolimitanæ pietate ductus
erexit. Apud Zboroviam & Beresleczo
sufficientem militum numerum contra
Tartarorum irruptiones suo sumptu a-
luit.

Tartaris regionem vastantibus, innu-
merisque ad incitas redactis incolis, au-
xilium his fuit, cum haud contemneret
pecunia. unum vim ad collegium Soc. Iesu
Premisliense inter pauperes distribuend-
am misit, *Iohanne Casimiro* Rege, om-
nibus tempore belli redditibus exuto, le-
gationem in Hungariam suo sumptu cum
splendore & magnificentia obiit. Ex his
& scriptis eius haud obscure apparet,
magnum auctorem nostrum fuisse in re-
publica Polona virum.

Adiciamus nunc catalogum omnium
magni huius viri operum paulo accura-
torem, quem eo facilius conficere potui,
cum omnes libros e bibliotheca Zalu-
sciana benigne suppeditatos habui atque
adeo varias eorum editiones, quas non
oculis lustrari solum, sed maxima eti-
am ex parte perlegi. Sunt autem se-
quentes:

I. *Andr. Maximil. Fredro* gestor
populi Poloni sub Henrico Valesio, Po-
lorum,

lororum, postea vero Gallia Regi. Dan-
tisci Sumptibus Georgii Forsteri S. R. M.
Bibliopola. M. D. C. LIX. cum privil.
S. R. M. Poloniae & Sueciae. in 4to ma-
iori. Alphab. vnum, plagulae sedecim.

Hæc historia quatuor annorum Ioan. Castmire
Regi, a bibliopola dicata. Splendide typis est ex-
pressa, sed variis erroribus typographicis refer-
ta crassioribus. Describit auctor clarissimus stilo
satis terso, sed non omni ex parte puro, histori-
am interregni post mortem Sigismundi Augusti,
in qua in primis notandum: Oratores Impera-
toris Romani senatorum cuidam secreta pramia
obtulisse, & bono in Archiducem Ernestum a-
nimo esse per humanitatem iussisse, qui vero Se-
nator respondit: muneribus impervium animum
teneo, Oratores, Polonus sum. Si hæc vestrae
erga me benevolentiae signa sunt, gratus lubens-
que accepto, similia amicitiae testimonia a me
expectate, nulla in cætera spe. Et ob hoc fa-
ctum Orator Galliae, Ioan. Montucius, in oratione
sua ad senatum habita, inuehit in Oratores Impe-
ratoris, & inter multa alia illud primum est, inquit,
quod comitia vestra numerosissima, a peste illa, id
est, largitionibus & corruptela (quæ Romana co-
mitia infecerant) fuere semper & sunt alienissi-
ma, atque inde magnum vestro nomini integrita-
tis ac erga patriam fidei gloriam comparastis. I-
dem Orator Gallus hæc verba memoria digna in
oratione sua protulit, cum multa eaque maxima
Polonis promitteret. Si de fide nostra, de qua
aimus, dubitatur, nos legatorum persona depo-
nita,

sita, in arce custodiri non abnuimus. Sic tem-
pora mutantur & nos mutamur in illis!

Narrat auctor etiam fideliter dictum Zborovii
liberius ad Henricum Regem p. 116. Cum nem-
pe Parisiis pacis dissidentium in religione fieret
mentio, tres oratorum, protestatarum esse contra,
dixere; nec posse inter pacta conventa accepta-
ri. Ad ea respondit Rex: se in eo nihil conclu-
dere posse, in quo legati non convenirent. Tum
Ioan. Zborovius, vnus ex legatis, isque diversæ
religionis homo, obuersus ad Montucium, qui
nomine Henrici legatum in Polonia egerat, uti-
que, inquit, ni vos legati nomine Principum
hanc conditionem acceptassetis, hicce princeps
nobis contradicentibus in Regem non poterat
eligi. Notavit Henricus Montucium cum Zbo-
rovio acerbius colloqui, sed cum verba sermo-
cinantium, in parte audire non posset: quid te-
cum loquitur, ad Montucium conversus, inquit,
hic Polonus orator? Tum Zborovius præoccu-
pans responsum Montucii, nec quidquam cun-
ctatus; Alo, inquit, Rex Serenissime; ni hi o-
ratores tui hanc conditionem dissidentium de
religione, uti cætera omnia, nomine tuo accep-
tassent, nobis contradicentibus, Rex eligi non
potuisses, imò ut iam approbaveris, Rex Poloniae
non eris.

Afferit etiam auctor ea, quæ illo interregni
tempore in utramque partem fuere disputata,
vtrum indigena vel Piasus, an extraneus prin-
ceps eligendus? p. 89 vsque ad 100, & pag. 181
argumentum maxime memoria dignum pro
eligendo Piaso profertur, huius tenoris: utilis
est cum Regem habere, qui absque nobis aut di-
ves,

„ves, aut fortis esse, atque ideo etiam iratus no-
„cere non possit.

Data occasione auctor bellum Valachicum sub
idem tempus gestum, contra Tarcorum Impera-
torem per Iuanum vel Iyoniam, Palatinum Vala-
chiae, p. 189 vsque ad p. 248 diligenter describit.

Finit tandem hoc opus, cum electione Ste-
phani Bathorei, & nescio qua ratione finis ope-
ris cum his praetationis verbis minime quadrat, in
qua auctor dixit: *porrigam ego hic paucorum an-
norum gesta, sub quatuor Regibus, usque ad decem
sum Vladislai quarti, & initia sceptrorum Ioan-
nis Casimiri.*

Editio huius libri prima, Dantisci apud Forste-
rum in 4to, nitide etiam typis exscripta, a. 1652,
sed erroribus typographicis, ut secunda, scatur, in
lectoris tamen usum errata typographica in fine
sunt adposita.

Tertia editio, in 12, anno 1660. ibidem &
apud eundem, melior videtur prima ac secunda, &
in titulo additum est: *Liber unus, ab ipsomet au-
ctore recognitus & correctus.* In ipsa libro nihil
est adiectum, nisi in praefatione, quando dictum:
*porrigam ego paucorum annorum gesta sub quatuor
Regibus, haec verba: si tempus suppetat, quod non
factum fuit, quantum scio.* Et auctor noster non
quatuor Regum historiam, prout in animo habuit,
sed vnus tantum scripsit historiam, *Henrici Valesii.*

II. Andreæ Maximil, Fredro, Castel-
lani Leopoliensis, Scriptorum seu togæ &
belli notationum Fragmenta, Accesserunt
peristromata Regum Symbolis expressa.

Dantisci

Dantisci Sumptibus Georgii Försteri. S.
R. M. Bibliopolæ. MDCLX. cum privi-
legio S. R. M. Poloniae & Sueciae, in 12
finit cum pag. 381.

Pulcherrimus est hic libellus, sapientissimis con-
siliis repletus, & vbiq; profunda veræ politiæ
eruditio elucet. Neminem, vel Senem, vita in au-
la practica subactum poenitebit, hunc libellum
legisse, & iuniores legendo eum, selegendo, &
in succum & sanguinem plane conuertendo, ex
paruo libello magnum sibi comparabunt thesau-
rum, in vita practica, vtilissimum. Ex vnico hoc
illustriss. auctoris libello nobilis iuuenis Polonus
domi plus discere potest, quam si in Gallia iter fa-
ciens sexcentos libros recentiores istos legat, qui
tantum oblectamenti animique causa scripti sunt,
in quibusque præter historiolas lepidas & ingenio-
sas descriptiones pauca contineantur, quæ ad ve-
ram sapientiam & vitam beatam faciant.

Contenta huius libelli sunt.

- I. Principum Christianorum norma, adiecto mili-
tari monito.
- II. Ratio legationis mittendæ, agendæ, recipi-
endæ, appposito discursu de loco Poloniae le-
gatorum.
- III. Quomodo viuendum penes Principem.
- IV. Seditio militaris & provincialium sopienda,
tum quomodo obuiandum, ne fiat.
- V. Responsum in gratiam cuiusdam sermonis
priuati, bonone fiat reipublica Poloniae? Vbi
non pluralitas vocum, verum consensus pon-
deratur.

VI.

- VI. Methodus lectionum filiis suis instruendis præscripta.
 - VII. Hastatus eques præstat equite ferentario.
 - VIII. Lineamenta humanæ mentis.
 - IX. Qui in republica plurimum agendo valent.
 - X. Cautio reipublicæ, seu durationis omen.
 - XI. Rerum publicarum ruitarum Signa.
 - XII. Minores aut magnæ virtutes, diuerso modo in animis vulgi se habent.
 - XIII. Diuersis ingeniis diuersè vtendum. Qui non valet in vno, præstat in altero.
 - XIV. Refutantur Scriptorum quorundam scommata, maligne aut per leuitatem in Poloniam gentem iacta.
 - XV. Librorum legendorum ratio.
- Sequuntur *Peristromata Regum, seu memoriale principis monitorum Symbolis expressum*, quod salutari pro principe doctrina refertum. Hæc peristromata continent:
- I. Peristroma, de bibliotheca Principis,
 - II. de Principis cura circa religionem & pietatem.
 - III. de amore veritatis in Principe.
 - IV. de gratia Principis.
 - V. de arbitrio posnarum & præmiorum in principe.
 - VI. de præsentia & absentia Principis.
 - VII. de Principis consiliis secretis.
 - VIII. de Principis liberalitate.
 - IX. de agricultura eiusque cura.
 - X. de populositate siue numero populi.
 - XI. de necessaria meditatione belli in pace.
 - XII. de dissimulatione Principis.
 - XIII. de concordantia & nexu causarum.

- XIV. de coercendis Erroribus.
- XV. de avaritia & opibus iniuste collectis.
- XVI. de indagando & cognoscendo populi genio.
- XVII. de lenta festinatione.
- XVIII. de maiestate ex cumulo virtutum meti-enda.
- XIX. de securitate Principis.
- XX. de meditatione mortis.

Non possum non hic ex quarto peristromate de Rege *Bathoreo* quid adicere, animi causa pro lectore.

„Non ignorauit eam gratiæ vim (nempe si Rex „cum subditis humaniter agat, eorumque sibi amorem conciliet) *Stephanus Bathoreus*, Rex noster, „qui bellicosus princeps dum esset, dicere solebat; *se tot equitum turmas sine publici æris dispendio in aciem educere posse, quoties posset accommodata in rem vultus Serenitate, levare pileum.*

„Cum enim haberet in usu, vt se non infrequenter communicaret optimatum convictibus, hunc „blando alloquio, illam leni aspectu, alium nutu, „singulos verbo dignabatur, *comitare & alloquiis officia provocans*, tum in maius argumentum gratiæ, (sed hæc intra regiam grauitatem) propri- „nato per prægustatores Regio poculo, omnium „rapiebat animos & parabat sibi amores, leuabat „insuper prompte pileum in maius condimentum „comitatis, & simul futuri belli magnificum inter- „serebat discursum, sic optimates principis sui comitate deliniti, in eo, quod gratissimum erat bel- „licoso animo, promptum studium pollicebantur, „hic cohortes peditum, ille equitum hastatorum „turmas

„turmas, dein alii ferentiorum subsidia; simul
 „Stephanus loquentium observabat affectus,
 „prompta levatione pilei, grata sibi esse, quæ af-
 „ferrentur, testando, munificum se data occasione
 „vicissim præstaturus, ut ille prompta gratia, tan-
 „tum assequeretur (nam supra mercenarium ex-
 „ercitum, ex gratuitis optimatum subsidii, cum
 „hic magna eorum potentia sit, decem aut
 „amplius militum milia subsidio belli educebat,)
 „quantum alter pro imperio assequi non potuisset.

Alterà editio sub inscriptione: *Scriptorum, sen-
 zoga & belli notationum selecta*, prodit Franco-
 furti ad Moenum, sumptibus Georgii Erhardi
 Martii, typis Joh. Dieterici Fridgenii in 12. a.
 1685. Nihil est in hac editione additum, nisi bi-
 bliopolæ dedicatio, Principi *Christiano Ernesto*,
 Marchioni Brandeburgico, scripta.

Idem libellus lingua Germanica prodit sub ti-
 tulo: *Staats und Sittenlehre*. Sunt paginæ 448.
 in 16. Francofurti, Mart. Hermsdorf Sumptu,
 typis Jo. Hauff. 1684.

Alterà editio Germanica cum Latino prodit an.
 1698, sumptu Mart. Hethii, typis Joh. Dieterici
 Fridgen.

III. *Monita Politico moralia & Icon
 Ingeniorum*. Dantisci in Bibliopolio *Forn-
 steri* in 12. 1664. continet paginas 171.

Hanc editionem maxime adhibuimus, cum hæc
 nostra nouissima typis exscriberetur, conferendo
 omnes alias, ubi defectus, vel error typi insignis
 inveniēbat, id quod sæpius accidit.

Secunda editio ibidem prodit an. 1679. in 12.
 continet paginas 206.

Tertia

Tertia editio Francofurti, impensis Martini
 Hermstorffii. in 12. an. 1687. continet pag. 206.

Quarta editio sine Icone ingeniorum, Viennæ, Ho-
 nori illustr. Dom. comitis de Rovarellis S. C. M. e-
 phebi, dum suprema Philosophiæ laurea in antiq. ac
 celeb. Univerf. Viennensi à R. P. Gabr. Frölich e Soc.
 Iof. AA. LL. & philosophiæ Doctore, eiusdemque
 Professore Ordinario, solenni ritu condecoraretur,
 dedicata, ab applaudētibz condiscipulis comma-
 gistris a. 1692. mens. Aug. in 12.

Quinta editio Francofurti sumptu Martini
 Hermsdorf, typis Petri Begeressii an. 1694. con-
 tinet pag. 165. in 12.

Sexta editio ibidem per eosdem an. 1697. in
 12. continet pag. 206.

Septima editio Vesaliæ impensis Jacobi a We-
 sel. an. 700. in 12. pag. 256.

Octava editio Ingolstadtii typis Thomæ Grassi in
 12. an. 1701. pag. 251.

Nona editio Francofurti ad Moenum, impensis
 Wolfg. Christoph. Multz, typis Matthiæ Andreæ
 an. 1719. in 12. cont. pag. 213.

Decima editio nostra.

Praeter dictas editiones extant monita hæc in
 illustriss. Cancellarii *Sapieba* Sûada Latina, Tom.
 III. Part. H. p. 198.

Transductio Gallica sub titulo: *Instructions mo-
 rales & Politiques* par l'eissier, à Cologne sur la
 Sprée chez Ulrich Liebert, imprimeur de s. s. E.
 de Brandebourg. MDCC. in 12. pag. 245.

Translator huius libelli in cognitionem illius
 venit, per illustriss. Dominum *Valkenier*, de quo
 sequentia memoriæ in præfatione mandavit: „un
 „des plus habiles & de plus éclairés ministres de
 la République

„la Republique de Hollande, qui s'est rendu céle-
 „bre par diverses Ambassades, qu'il a exercées avec
 „beaucoup de gloire, & par les beaux livres qu'il
 „a mis au jour, a toujours dans sa poche un Exem-
 „plaire de ces instructions, qu'il ne se lasse jamais
 „de lire & de relire. C'est cet illustre Ministre,
 „qui m'a fait connoître ce Traité qui n'avoit pas
 „pénétré dans la France meridionale, ou je suis né.

Braunius de Scriptorum Poloniae vir-
 tutibus & vitiis p. 221. hæc de auctore no-
 stro scribere non dubitavit: „ zelus eius
 „pro religione Romana contra dissiden-
 „tes vbique prominens, apud clerum illi
 „auctoritatem, & solita persecutorum
 „fidelium merita, denique reuerentiam
 „apud omnes peperit, vt errores vel ve-
 „ritates conclusionum eius, nemo ad ob-
 „russam facile exigere velit. Lecta apud
 „alios scriptores vir ille non sibi soli
 „seruare voluit, sed amicos quoque in-
 „struere, imo feros adhuc nonnullos Sar-
 „matas, literarum humaniorum dialo-
 „gismo mansuefacere. Hunc certe sco-
 „pum non male ferit, sed vt religionis,
 „ad pompam externi cultus penitus a-
 „dornata, zelus, vt patriæ mos, vt amor
 „sux genis, affectus eius inflarunt, ita
 „mens a se ipsa, aut ab aliis Scriptoribus
 „auerta, concoxit, & inipetum sententi-
 „is verborum fluxus addidit. Qui apho-
 „rismos

„rismos hosce, demptis istis præiudici-
 „is, ad normam veritatis resolueret valeret,
 „mox, qui veri, qui falsi sint, pronun-
 „ciare potest.

Parum iniquius clarissimus *Braunius*,
 Scriptor ceterum satis accuratus, de no-
 stro illustrissimo auctore fert iudicium,
 qui non adeo, quantum memini legere,
 dissidentes in religione Christiana cala-
 mo est persecutus. Et si vitium est, pro
 religione sua æmulari, certe eodem vi-
 tio laboravit *Braunius*, qui haud paucis
 in locis suorum scriptorum idem fecit,
 quod obicit *Fredroni*, id quod in causa
 fuit, vt a Scriptoribus catholicis plus sæ-
 pius etiam quam par est vituperetur. Vi-
 ri sapientes a nimia ista æmulatione &
 persecutione, maxime religionis causa, ab-
 horrent, videntes per aliquot secula nil iis
 amplius fuisse effectum, quam vt animi
 fratrum Christianorum magis inter se
 fuerint exacerbati. Studeamus potius
 Seruatoris nostri præcepta obseruare di-
 ligentius, qui inimicos amare, & nemi-
 nem, qui eum sequantur, religionis cau-
 sa damnare iubet.

IV. *Militaria vel axiomata belli. ad
 harmoniam Togæ accommodata. Pars
 prima, Amstelodami in 4. apud Forste-
 rum*

~~103 103~~
rum ann. 1668. continet pag. 220.

Punctum primum de potentia populi, quam illustr auctor accurate explicat, & in his ponit: I. In auctoritate gentis. II. Populositate seu abundantia populi. III. In opibus priuatis. IV. In re frumentaria. V. In armis. VI. In armorum exercitio.

Non possum non hic sapientissima illustris auctoris verba, quæ ad comparandam genti auctoritatem faciant, adducere, scribentis., „Publici Historiographi, habendi, rectâ prudentiâ, acta gentis, bonaque civium nomina posteritati transmissuri ad gloriam, ignauorum ad reprehensionem, inde bonis calcar ad meliora, malis ad peiora frenum, amore gloriæ, vel metu ignominie. Posteriora super hæc tempora populi erudiuntur, ex antea actis præteritorum quid in præsens mutari, quid corrigi debeat, quid antea successit in peius, quid in melius.

Punctum secundum, de arario, id est, de septima parte potentie rerum publicarum.

Punctum III. quid suscepto bello agendum?

Post-

~~103 103~~
Punctum IV. de itinere exercitus
Punctum V. de castris & exercitio, tum de consiliis belli exequendis.

Punctum VI. quid modo evocandus hostis cunctabundus?

Punctum VII. quid ante prælium agendum?

Sequitur additamentum ad tractatum militare & appendicis loco extra materiam belli adiecta 1.) complementum Politico-Moralium. 2.) Prærogativa popularis status. 3.) Sermo de impudentia, eiusque causis.

Hæc pars prior inuenitur etiam inserta in Tom. III. Scriptorum rerum Polonicar. collectore C. T. Ludovici, Sor-niz. Misnensi.

Andrea Maximiliani FREDRO, Palatini Podolia militarium seu axiomatum belli ad harmoniam togæ accommodatorum cum XXXII. figuris anais & explicatione omnium terminorum architectura militaris genuinis Polonis vocibus redditorum. Tomus secundus Lipsiæ Typis Jacobærianis MDCLVII. in fol. Alphab. I. plag. 9.

Hic liber posterior de re militari, præxin ad genium Polonorum continens, hæreditario iure ad auctoris ex filia nepo-

(c2

tem

tem, Illust. Dom. *Georgium Łęczyński*, Castellatum Leopoliensem deuenit, qui codex authographus per manus Illustrissimi Episcopi Kioviensis, I. A. Zaluscii, dato ei prius apographo recte descripto, Serenissimo *Augusto II.* Regi optimo A. 1731. sub tempus exercitationis militaris generalis (vulgo *Campement*) in Varavia viciniis, dono fuit oblati in spem futuræ impressionis; sed ea haud facta, munificentia (elissimi Principis *Jablono-vii*, Palatini Novogrodensis, Regni Senatoris literatissimi & Mæcenatis generosissimi, in lucem fuit editus, per *Hiac. Jos. Piancki*, in equitatu M. D. Lit. centurionem, & Cels. Princ. Palat. Novogr. Secretarium, virum doctum, rei militaris gnarum, & in edendo hoc opere diligentissimum, qui id Domino suo inscripsit.

Contenta huius libri posterioris sunt. Punctum I. de acie & prælio, & furore belli.

II. Quid agendum post prælium, vel victoriam, vel acceptam cladem; post amissas, partasue prouincias.

III. de obsidionibus castrorum, ciuitatum, item defensionibus & quæ circa versantur.

IV.

IV. de maritimo bello in genere.

V. de architectura militari Mechanica. Appendix continet terminos Polonicos in puncto V. omisso.

*V. Consideracye okolo porzadku Wo-
iennego &c.* hoc est, *considerationes ne-
cessariae circa ordinem militarem & mo-
tionem bellicam generalem*, edidit *Fran-
ciscus Glinka*. Accedit *œconomia bellica*,
& *quomodo exercitus Reipublicæ in bono
ordine manuteneri quæat*. *Sluckii anni.*
1675. in 4to, continet pag. 117. adie-
ctum est scriptum, *quomodo fluuii Pina
& Muchawca uniri possint*.

II, qui in re militari Poloniæ refor-
manda nostris temporibus laborant, non
sine usu insigni opera Fredro nostri le-
cturi erunt.

VI. *Przysłowia mow potocznych abo
Przestrogi*, hoc est: *Proverbia sermone
trita, seu consilia moralia, Politica, belli-
ca, pro commoda Poloniæ lingua edita.*
Cracovia apud hæredes Luc. Kupisz. a.
1664. in 8vo, continet pag. 70.

Hæc tertia & vltima editio auctior,
& perfectior. Prima fuit impressa Cra-
coviæ apud hæredes Christoph. Schedel:
a. 1658. in 4to. Secunda ibid. apud viduam
Luc. Kupisz, sumptu Forsteri bibliopol.

(63)

a. 1659.

a. 1659. in 4to. Ambæ non adiecto auctoris nomine, id quod factum est tertia in editione, per Stanislaum Januszkiewicz, presbyterum.

Powtórne przysłówia &c. hoc est: *Secundaria proueria* numero CCXI. extant in Fr. Glinka, *Zwierzyniec Fredrow* pag. 321. vsque ad finem.

In prouerbiis multas inesse veritates nemo est, qui dubitet. Hic proueria in Polonia uisitata, maxima ex parte collecta sunt, sed & multa etiam ab ipso auctore excogitata. Exempli gratia: Kto mowi: nierządem Polska stoi, sam ma nierząd w głowie; hoc est, qui dicit: Poloniam regi confusione, istius ipsum caput est confusum.

VII. *Vir consilii*, monitis Ethicorum nec non prudentiæ civilis, præudente apparatus oratorii copia ad ciuilitèr dicendum instructus, Illustrissimi ac Excellentissimi D. D. Andreæ Maximiliani de Pleszowice *Fredro*, Palatini Podoliæ opus posthumum. Accessere alia quædam Miscellanea eiusdem authoris. Leopoli typis Collegii S. J. Anno Dei nati 1730. in 4to, alphabetica duo plagula quindecim.

Liber hic eloquentiam practicam in Regno

Regno libero laboriose satis docet, & æquo iure potuisset inscribi, Orator, seu Rhetorica pro usu in republica libera, quam Vir consilii. Multa inueniet doctus lector haud contemnenda hoc in volumine, quod sumptibus grati nepotis, Magnif. D. in Kutkorz *Łęczyński*, Vexilliferi Zydaceuiensis, prodiit, qui postea Senatorium in ordinem adlectus est, qua Castellanus Leopoliensis.

Joanni III. Regi, hoc fuit opus manuscriptum dicatum, ideoque dedicatio adiecta ab initio est.

Adiunctus est eiusdem auctoris *Lydius pseudopolitica* & *obliqua virtutis*, nec non *miscellanea*, in quibus binæ literæ Joan. Zamoycki, exercit. Polon. imperatoris, ad Carolum Sudermaniæ Ducem, Livoniam invadentem a. 1602 inueniuntur, ut & *Joannis III.* Regis responsum, cum auctor hoc opus ei obtulisset manu exaratum; tandem *parergon*, quod ex nonnullis epistolis & *præcustoditione in casum belli Turcici* lectione digna, consistit.

Tria autographa exemplaria olim, post obitum edenda, reliquit auctor, vnum Vniuersitati Cracoviensi, alterum Zamoyscensi, tertium hæredibus. Hoc postremum ad Illustriss. Com. Zaluscium, Episcopum Kiouiensem deuenit, dono


— 25 —
 dono prædicti Castellani.

Codici autem impresso huius libri, quem Illustriss. Excellent. Domino Referendario tunc Regni, nunc Episcopo Kioy. Palatinus Russiæ *Joan. Jablonowski*, Ser. Regis Stanislai avus maternus Principum Jablonoviorum patruus, propria manu tale inscripsit honorificentissimum mnemosynon: *Fredro renovatus veteri amico meo, eruditorum Poloniæ Principi, Josepho Zaluski*, consanguineo meo optimo A. 1730

Et hæc sunt opera clarissimi doctissimi-
 que in Polonia viri, dignissimi quondam Regni Senatoris.



ANDREÆ



ANDREÆ MAXIMILIANI
 FREDRO

Castellani Leopoliensis

MONITA POLITICO MORALIA.

Seu

Quomodo viuendum cum paucis, cum
 populo, salva virtute, gratia,
 & auctoritate.

Pars prima

POLITICO-MORALIUM

I.

DEUM publice & cum apparatu cole, ut tibi facto, aliisque proficias exemplo, virtuosi nomen, non ex vano paraturus, eoque potens.

II. Sobrius sis, ut eueniant tibi res sanæ, & sobriæ.

III. Omnia serio fac, & cum gravitate, nunquam obiter: Immo lente fac, nec properanter. *Currendo, non rependo, fit*

A lapsus.

lapsus. Deus cum magnificum opus mundi aggrediretur, & momento in vnico, pro summa potestate potuisset creare perfectum totum, prout potuit, immo fecit, sed cum humano modo factum orbi re-præsentat, sex velut dies insumsit operi, vt monstraret mortalibus, magna nisi sensim posse fieri correctâ, perfectâque: vel quia magis magnificatur opus, cui non obiter immoramur faciendo. Vis rem bene habere? Lente fac, & sæpe corrige. De ipsa experire, reperturum te vesperi, quod corrigas, quod mane actum, aut habitum ex perfecto credidisti.

IV. Sis publice munificus, sine iactantia & prodigalitate, *perdere multi sciunt, donare nesciunt.*

V. Non impera; non pete, nisi quæ obtinere speras, qui impossibilia petit, non vult habere, & simul vult offendi. Idque per alios petes, nec satagenter: Non obii-ce statim auctoritatem, sæpe quæ nimis petimus, nobis neganda præcavemus.

VI. Non promitte, nisi quæ præstare potes, ne leuitatis arguaris.

VII. Non dic nisi quæ vera, & sine invidia audientium.

VIII.

VIII. Frustra minas intendis, si timeri non credis, potius præoccupâ contemptum minarum, dissimulatione.

IX. Meminisse magis oportet, quam irasci aut dolere. Infra tuum animum esse doce, quæ acciderunt, ac potius per risum habe.

X. Nec te lauda, nec vitupera, ab hoc contemptus, ab illo invidia paratur.

XI. Non mirare, non canta, non lude, vt leuiusculus.

XII. Non sæpius quære, potius scientiam, quam nescitiam simula.

XIII. Quæ tibi difficilia aut ignota obii-ciuntur, tacendo excipe. *Stultus quoque si tacuerit, sapiens reputabitur, (Prov. Salom.)*

XIV. Non crebrum, lentum, non affectatum, & prope ænigmaticum sit allocutum: Sed tamen librata nimis & eluctantia verba, fastidium (immo suspensionem) pariunt audientibus, & cathedram sapiunt, solutior nonnihil sermo, magis familiaris est, velut de Petronio Tacitus: *Cuius dicta, factaque, quanta solutiora, & quandam sui negligentiam præ se ferentia, tanto gratius in speciem simplicitatis accipiebantur.* Circa

familiarē vitæ commercium cum amicis, in condimentum conuictus, probauerim, in publicis tamen actibus, grauitas sermonis præstat.

XV. Si vitium loquacitatis pervincere studeas, statue, non quid prudenter loquaris, sed quamdiu per intervalla tacendum, (licet opportune dicenda videantur) & vinctes; Alias opportuna dicere cum studes, ad importuna erumpes, recte ille ait, *Loqui me aliquando pœnituit, tacuisse nunquam.* In nonnullis tamen loquitur bonus candor & zelus, in nonnullis inquis genius, et dicacitas, dum in quascunque aures inciderint, vt confessorum intimorum iudicemque sine discrimine personarum sibi statuunt, vnde produntur et irridentur.

XVI. Nonnulli dum esse sinceri nimis volunt, incauti fiunt, proditores verius sui quam in amicitia aperti, cum dicenda, tacenda, pariter effutiant per leuitatem.

XVII. Quisquis blando vultu dicentes audit, iisque comiter respondet, pariter agit, ac si humanos animos, in potestate sua, referendis affectibus, dum vult, habeat. Quæ virtus inter potiores (civium) parandis hominum et Provincialium animis,

mis, censeretur debet: si vero secus rugosa fronte, obiterque dicentem audias, respondeasve, licet in gratiam postea facturus, quid iuvat? Et si obtineat qui cupit, cum a nolente et moroso profectum habet animo, non vt datum, sed velut extortum, ac potius proiectum. Ut pluris sit, blandam negationem retulisse, quam morose obtinuisse concessum. Exinde usurpari vulgo dictum. *Et si non obtineat, habeat tamen velut acceptum, qui se amice audiri videt.* Tum illud: *Æger animus dum ad satisfactionem enarrauerit quod vult, æquiparatur obento.* Vidit orbis, nunc et olim, viros Principes, alias magnis animi dotibus præditos, sine huius virtutis condimento, parum valuisse, in vulgus, aut (quod peius) in odium publicum incidisse. Exinde recte, de Toletano Albæ Duce, quidam obseruatum reliquit, vt propter suum triste & fastuosum [neque ideo ciuile aut sociabile] ingenium, ne ab iis quidem amaretur, quibus benefecerat.

XVIII. Vestitus propius magnificentiam sit, & auctoritatem, quam quæsitam ostentationem, aut luxum.

XIX. Gestus gravis, non melancholicus, aut effuse hilaris.

XX. Absentia sæpe auctoritatem tueare, *Continuus aspectus, minus verendos homines, assidua satietate facit.*

XXI. Verissimum axioma. *In ignotis magis dilatari animum.* Exinde sæpe æstimamus magis longinqua, quam proximiora, audienda, quam audita: Tum videntia, quam visa, habenda, quam habita, pollicita, quam data aut accepta, scienda quam scita: Et futura, quam præsentia. *Sic*, Majestati maior e longinquo reuerentia, et omne ignotum pro magnifico. *Sic*, Auctorum ignotorum opera, magnifice habentur, viso auctore vilescunt, magisque post funera inclarescunt facta, & virtus nostra et nomen: *Sic*, maior de absentibus personis opinio, nam satagentius ab ignoto quæritur; aut imaginamur: *Quis ille*, quam ut dicatur semel in præsentia: *Hic est*, nec gradus amplius datur, quo vadat animus, cum visum et scitum, plene sub oculis habetur. *Sic* (per varia eundo) pericula castrorum, magis terrent longinquos domi, quam milites pro vallo stantes, et vulnerum spectatores. *Sic*, nova subsidia,

medio

medio in prælio ex ignoto in hostem immissa, licet pauca, sed quia sub specie ignotarum insidiarum veniunt, plus terrent hostem, quam acies numerosa, oculis subiecta. *Sic* puerorum minorennium aliquando delectamur plus ætate, quam adulatorum. Hi enim actu monstrant quales sint, aut quales amplius esse non possint, circa illos, latius spes extenditur; Quales futuri sint, immo ominamur (sperando maiora ex ingenuitate) quales reuera futuri non sint, *Sic* ruinas antiquarum struendarum, miramur magis, quam forsan æstimaremus ex integro stantes, nam integrum quod est, oculis totum subiacet, et limitat (aut circumscribit) mentem, ne ultra procedat animus, tam imaginatio, quæ latius extenditur, quam sensus: De ruinatis et in integro non visis, plus imaginamur, extendendo mentem per diversa, quam forsan erat in rei veritate. *Sic* absentium ambigui sermones, sunt magis læsivi, dum sub latiore interpretatorem cadunt, in præsentia effati condonantur levitati verborum, seu ingenuitati dicti, tum circumstantiis personarum, temporis, rerum, loci, iocorum, discursuum,

A 4

occa-

occasionis, quæ sæpe minuunt offensam, dum in præsentia, prout in se sunt, capiuntur, neque delatorum malignitate torquentur, si præsertim illi exaggerando studiose, iram succendere amant, cui rem deferunt. Sic vana licet spes ex licentia discedendi, et expectatio futurorum, tum incertorum pollicitatio, plures quandoque affectus habet, quam certum bonum; quam merces et stipendia, ut verissime a quodam sit observatum, et a me alibi dictum. *Gratius esse hominis animo ascendere in parvis, quam persistere in magno, et per partes, quam per totum; tum illud. Quæsita in pretio, vulgaria habitaque contemnuntur: In pluribus opinione laboratur.*

XXII. Non dictum, factumque repetere, quo maior insit ex raritate verbo rei que auctoritas.

XXIII. Cum granibus ambula, leuiculorum conuersatione delectaberis quidem, sed tandem deturpaberis.

XXIV. Non æstimatedos, iuvenes, minores, temulentos item, verbo, multo magis conuersatione, vitabis.

XXV. Quæ cum dedecore in præsentia dicuntur, aut fiunt, modeste reprehende,

aut

aut abi, subtracturus ab ea indignitate oculos et aurem, multo minus ipse fac, ne velis placere assensu, quod est prope leuitatem.

XXVI. Negotia [*quoad tute poteris*] per alios tenta, fac, impera, vide, cura; leuiorem jacturam rei credas, quam auctoritatis, immò admonebis corrigendos, non ipse, sed per alium, sic vitabis præsentem exacerbationem, nec facies periculum tuæ præsentiae, quæ nisi opinionem (quousque sit non vulgaris) ex raritate habet, grauioribus tantum negotiis seruanda, ut semper penes te restet, quo in maius, dum vis, rem vrgere possis. Non astum exinde, ut nonnulli Commentariorum inique interpretantur, sed potissimum perspicacitatem Tiberii [ap. Tacitum Annal. I.] obseruare licet, qui exercitum in Germaniis tumultuantem, *tantum per filios adiri voluit, Maiestate salua, cui maior et longinquo reuerentia, simul adolescentibus excusatum, quædam ad Patrem reuocare: Resistentibus Germanico aut Druso, posse a se mitigari vel infringi. Quod aliud (nota verba) subsidium? Si præsentem Imperatorem spreuissent.*

XXVII. Nunquam effunde totam simul familiaritatem et amorem, vel effusu-

rus,

rus, lente fac et pederentim, potius intendatur amicitia, quam intensa sit. Habenda petitur, habita, ut vulgata, relinquatur, et satietate vilescit. Errauit ille, de quo annotatum: *Milites suos commilitones, novo blandoque more appellans, dum affectat charior fieri, auctoritatem principis emolliuerat.* Sub initiis præsertim cauebitur, effusione officio aut fauore, tum gratia, ne aliquem prosequaris; sed facies intra moderationis terminos: dum enim intensi actus lassantur, quæ agenda tractu temporis sequuntur, vix iisdem principiis respondere possunt, pro iniuria vero reputatur, diminui, tum auferri, in cuius possessionem semel inuolauit animus.

XXVIII. Hinc sequitur, ut non solum affectus *Amoris* (aut secus *Iræ*) sed *prudentiam* ipsam per modica, nec affectate ostentemus, dum æstimari volumus; nam pro vana ingenii ostentatione, dum per familiares discursus, effundunt se totos aliqui, nimii commemorandis rebus, loquaces et affectati, quasi nihil in posterum *pro subsidio novæ objectionis* relinquentes, dum opinionem prudentiæ, et exinde auctoritatem sibi parare cupiunt, potius

tius eam perdunt, similes forensibus licitatoribus, cum leuioris momenti res et crepundia ad nundinas ferunt, per obvia fora institorias tabernas ponunt, alias non quærendi, nisi emptores quærerent ipsi, et essent inobuia. Jam vero, pretiosarum mercium venditores, ditiores lucro negotiantur, eo ipso æstimationem mercibus posituri, dum sine ostentatione, satis habent sciri de mercibus, et quæruntur ut vendant, non quærunt affectate emptores. Quidquid igitur æstimatum haberi volumus, in affectu nostro bono (aut secus contrario) seu in ratione agendi, lente, tum per modicas partes exerceamus, ne plene satiemus, semper aliquid in potestate nostra in posterum reservaturi, quo in maius [dum pro tempore volumus] a nobis res intendatur. *Totum spiritum suum profert stultus: At sapiens reservat aliquid in posterum* (Proverb. Salomon.) et Eccles. *In ore fatuorum cor illorum, & in corde sapientum, os illorum.*

XXIX. Non vitupera amicum, non lauda, non reprehende, nisi in magnis, idque raro, moderate, & in secessu, vel (si tute poteris) per alium, factum tamen, non personam ventilaturus.

XXX. Consilium nisi quod rectum scieris, idque tantum requisitus porrige? Verum dator consilii, naturam accipientis, (seu cui consulitur) induat, prout secundum possibilitatem, media, capacitatem, aptus est ille faciendo: secus, frustra fere consulas, dum iuxta te modo, non alterum, aut saltem non ex utroque, agendum vocas.

XXXI. Non intercede aut pete pro alio, nisi re perpensa, an iusta sit, & obtentu possibilis, ne periculum auctoritatis subeas, si non obtineas, potius intercedere cauebis.

XXXII. Non litiga verbo, sed potius subride (etiamsi contrarium aliquis loquatur) non velis videri nimis sapiens: magni viri auctoritas, non in disputando, sed agendo consistit.

XXXIII. Tacere qui scit, scit esse prudens. Taciturnitas est magnæ prudentiæ mater. *Qui animo ignavus, procax ore;* quibus os ferreum inest, cor sæpe plumbum habent. Verum nonnullis, taciturnitas & agendi secretum ex dissidentia, aliis est ex metu, ut cum ex dissidentia sui, verentur, ne per inanimadvertentiam aliquid prodant, totum silent, opportunaque trans-

transmittunt, similes Zeuxis imaginibus, qui ad ostentationem artis, imaginum pingebat vela, ut subintelligeretur velatum aliquid, dum nihil erat; sic illi obtendunt rebus inania arcana, nunquam directe, sed nisi circuitivæ agentes, vel quia metuant, vel quia inertiam impotentiamque agendi prodere verentur. Fossam saltu traiectioni, impetum saltus cursu intendunt: etiam animus agentis, zelo quandoque intendatur oportet, & apertior sit, pro confidentia sui, & pro ingenuitate, præstaturus ardua. Quid diffidit, metuit. Mollia, secretaque, cauta quidem sunt, sed quædam nisi fervidius tractentur, haud obtinentur, immo irritantur in peius, cum dolus, malignitas, vel etiam metus, occultis secretisque (immo circuitivis) subesse creditur, prout vere circuitiva ingenia, plus astutiæ, quam prudentiæ, vel cautionis habent.

XXXIV. Quæ imperfecte calles, non fac coram, immo perfecta fac, quæ non vulgaria & raro.

XXXV. Magna loquere, & à levi discursu studiose deflecte.

XXXVI. Facta secretus tene, facienda multo magis.

XXXVII.

XXXVII. Vitia quæ vitare non potes, latebris dica, omnia, quæ scis reprehendi, fac in privato, & *semotis saltem arbitris, turpis sis.* Non ea tamen est infirmitas naturæ humanæ, quin vitare vitium non possis, dum velis, frustra naturam culpaturus, ipse culpandus; Vitare igitur turpia debes, quo magis altiori honoris subsistis gradu, minoribus magis quodammodo turpes esse licet, secus in maiores honestosque, omnium oculi conuertuntur & succensent, vti facilius maculam noueris in puriore cristallo, quam in olla.

XXXVIII. Rectius plerumque impertinentia demendo in nostris moribus, in affectibus, & ratione agendi, quam addendo opportuna, paratur æstimatio & habetur auctoritas: Velut hortulani, plus addunt horto decoris & amœnitatis, amputando fentes, euellendo vrticas, purgando vias, disponendo plantas per ordines, quam substernendo fimum in fecunditatem, quam copiose serendo: Excessu magis vitiorum homines laboramus, quam virtutum imperfectione. Prius quid non facere mali, quam quid facere boni, præceptis decalogi etiam docemur.

XXXIX.

XXXIX. Raucus aut balbus, rarius loquaris, vnde illusionis materies.

XXXX. Causas dictorum factorumque non redde, sed potius intelligantur.

XXXXI. Sperent a te homines, ac simul vereantur: æque seuerus, atque clemens videaris.

XXXXII. Nec præsume, nec te minoris æstima, angulis & latebris ingerendo,ingere te (sed modeste tamen) primoribus. *Nemo contemnitur, nisi quis prius seipsum contempserit,* quomodo credis alios te æstimaturos, nisi te ipsum æstimas, & in leuiuscula abiicis, tibi magis proximus, quam alius tibi? Recte quidam ait: *Non est hoc superbire, Maiestatem Regni, & potestatem auctoritatemque publicam sibi concessam, conseruare velle inuiolatam, imo hoc est sapere.* Verum perspicacitate vtendum, ne superbiam morositatemque, cum auctoritate confundamus, & quod est incivilitatis parandæ auctoritati adhibeatur, ne alios pro vnica æstimatione tui, immodestius aut scrupulosius laborando, mille inimicos tibi superbus pares, et eueniat, quod rebeli angelo, dum supernis bonis honoreque non contentus, vult insuper esse

similis

similis altissimo, totum suum quod habuit, predidit. Cauebis igitur morosam gravitatem. Hæc in privatis; In publicis vero actibus, consultum fuerit, ut qui debitos tibi honores denegat, (præsertim si conscius sis necessariæ tibi gravitatis) etiam vi & astu quodam, eos oportet præripere aliis, quam ea de re verbis contendere. Qui dubitat, merito ipse sibi diffidit: qui dissimulat, tacite fatetur suam indignitatem, & modestia postea pro ridiculo habetur; sed qui de facto, animo forti & constanti, tum bona cum gravitate [tamen sine intempestivo affectu] primas præ aliis occupat, quæ sibi debentur, nec offeruntur tamen; facili deinde negotio eas servat, & retinet in posterum. Ut quondam Germanorum legatis contigit, qui cum ingressi theatrum Pompeji, legatos nationum, senatores inter sedere cernerent, inter eosdem senatores, sessum scandacter proripuerunt, subiungentes; Nullos mortalium, armis pro Romanis, aut fide, ante Germanos esse, quod comiter a senatu exceptum, ut ea legatorum civilis æmulatio, postea cederet in argumentum et possessionem loci.

XXXXIII.

XXXXIII. Nouarum rerum, aut inauditarum, immo nouorum rumorum, a domo, immo ab externo, certam notitiam quære, quod parit admirationem scitæ curiositatis.

XXXXIV. Modica castigatio exacerbat nonnunquam magis, quam corrigit, ut tutius sit, quandoque non punire, si seuerius corripere nolis. Non sine causa Salomon arguit intempestiuam clementiam, dum vocat *Misericordias* (aliquorum) *crudeles*. Bonis vere nocet, quisquis pepercit malis, sed hoc pro statu rei, et temporis: Scias tamen, quia *pæna nisi prohibet flagitium, laus vero & præmia prouocant virtutem, & accendunt animos.*

XXXXV. Nunquam totum simul effunde, et proinde exarma rigorem, sed velut maiorem in tempus dissimula (lentius corripiendo) quasi maius telum penes te relict, in terrorem exercendum, dam velis.

XXXXVI. Delinquentem aliquem (cujus correctio ad te pertinet) non te puniendum ai, antequam puniendum manu teneas, immo propius nescientem sis, ne præmonitus caueat, contraria (per desperationem veniæ) munimenta quæsiturus,

B

aut

aut magnorum intercessionibus prouocando, quibus sine offensa recusare non possis, aut capitalis hostis [præ metu] euadet, ad hostem transiturus.

XXXXVII. Ea pollicere, quibus præstando sufficias, ne postea difficile aut graue sit præstare, in maiorem offensam sperantis, potius non pollicere, sed fac, quod factururus sis.

XXXXVIII. Prudenter quidam, honorationem sui tacite inculcauit, cum subornato quodam lixa, comptæque in eam scenam vestito, palam deiici iussit pileum, decentiam morum, et superioris obseruantiam exprobrando. Item Marschalcus ille Regius, adornatum lixam, scipione pulsauit, quod palatium Regis importune ingressus fuisset, non vocatus, quo inculcauit verecundiam, importunis intrusoribus, et quæ possint fieri in eam formam.

XXXXIX. Metuendorum nomen acquirere utile aliquando: sed modo licito querendum, per aliquam ostentationem virium et potentiae, ut potius vereantur homines tuam auctoritatem et potentiam, non timeant, ne in odium incurras.

L.

L. Quæ populus affectat, tibi vero displicent, idem sentire te prius simula, et interdum lauda, post (facta quasi recollectione) despecte, sed sine rigore; nam qui directæ multitudini se opponit, frangitur aut vincitur ipse, quam vincis; (vel ut subtiliter quidam: *Qui realis solummodo est, aut nihil prestat, sed irritat tantum; hic excessiua virtute opus habet, tum potentia & auctoritate, qua vincat omnem inuidiam.*) In quo satius prudentes nautas imitari præstabit, qui aduersis ventis, non directam opponunt proram, velut contra vim reluctaturi, nec aduersam relinquunt puppem velut fugientes & ex inertia cessuri, sed per latera inclinando nauem, hac illacue sinuando vela & cursum, eludunt tempestatem, & simul assequuntur portum, quem volunt, ac proinde illudunt ventis; sic populi imperum, non aliter eludas, aut in rectum (prout in rem opus) reducas, quam per molliora, nec tamen molliter acturus, vel affectate, (quod æque periculosum) sed grauitate.

L.I. Immo dicentibus modice assentiaris, licet aliter post hæc sensurus, lente in tuam sententiam quemque pertrahendo.

B 2

L.II.

LII. Quæ in publicum necessaria, primo vero aspectu ingrata populo, proponere vis, cura per alium proponi, & affectum primum populi in eum effundi: tum postea modesta cum ratione, sequere ipse idemque petes, sed sine affectu, quasi minus curaturus, etiamsi non fiat, naturale enim, ut magis negentur (velut magis æstimata) quæ maxime petuntur, quæ minus curantur, ut vilia, facilius ex neglecto habeantur.

LIII. Illi plurimum potentia consilii valent, multaque præstant in suas partes, qui cum sint potentia & auctoritate graues, per alios, non per se rem tentant & consulunt, velut nescii, & taciturni, sed ex insperato metuendi.

LIV. Cura ut humanus & civilis habearis.

LV. Si quis beneficium vel operam aliquam a te petat, & si scias plerasque in eo dari difficultates, non obice illas, ne recusare opem videaris, & te parum beneuolum petenti præstes, potius in ipsius negotii cursu, eas difficultates, qui petit, deprehendat ipse & suæ petitionis arguatur; offerentur enim cum tempore occasiones,

quæ

quæ promissum infectum reddant, tu vero promptæ humanitatis titulum non amittes.

LVI. Prima constans cum auctoritate repulsa, adimit plerisque importunam in posterum audaciam.

LVII. Obæto morbo, multa per absentiam, aut parantur, aut vitantur.

LVIII. Patrocinando alienis illatis, plura in publico consilio obtinentur, quam per se rem directe tentando, licet aliquem multa ratio cum auctoritate sequatur, quidquid ideo optas fieri, alium auctorem inferendæ rei ex compositio substitues, tum alter amicorum, atque tu ipse patronum te pro auctoritate præstabis, qui vero proprium allatum fortius vrgent, præsumptionis notantur, veluti consilii sui, quod ipsi adferunt amatores, neglectores alieni, quod est prope inuidiam. Jam vero secus, ut ab alio illata, tutius vrgere poteris, liberius suadendo. Bonos tamen auctoritate viros, proponendæ rei quæres, ne contemptu auctoris, bene licet illata, in contemptum trahantur, ut ne tu postea patrocinando, rem stabilire possis.

LIX. Quod alibi in observationibus bellicis dictum: *Vtendum recenti terrore in hostes,*

B 3

hostes, hic item per familiaritatem verbi dici potest, *recentem terrorem etiam apud suos met civis multum posse*, ut a prætextu impositi recentis metus (si dextre instando liciteque utaris) pecuniarum collationes, tum operas in corrigendis peruetustis munitio- nibus, bonas item leges, facilius minore- que invidia apud populum obtineas, quæ alias per alterationes, turbas, odia, immo vix quidem assequare, si absit metus.

LX. Absentia tui, meliorem suscita & tueare amicitiam, immo & auctoritatem, literas tamen non intermitte & nuntios, pollicere tui præsentiam, trahe interim & pone moras. Luna solis amica, decus & lumen quod habet, illi debet, quo remo- tior tamen, plenius perfectiusque lucet, proximius admota, decrescit, vel si plane concurrant, luna penitus amittat lucem, aut sol necesse abeat in eclipsim; Sic vere amicorum magnorumque virorum mutui congressus, aut crebrius negotiorum com- mercium, maiore iactura amicitiae, tum auctoritatis fiunt, quam ut novum ali- quod argumentum in maius stabiliendæ paretur: sæpe vnus in altero non reperit in præsentia, quod sibi absens pollicebatur, unde

unde vere dictum: *minuit præsentia famam, sæpius, absentia prodest*; Miraris? legi, vidi, probavi.

LXI. Modica munuscula offeres ami- co, non simul, sed rarius ac potius mino- ra prius, dein maiora, maxima nimis sero, ut diutius dando sufficias, partim ut sem- per restet, quod maius speret a te amicus, nec relinquat, quam suo damno. Vsu pro- batum axioma: *Gratius esse hominis ani- mo, ascendere in parvis, quam persistere in magno*.

LXII. Maximum rigorem prius inten- de in speciem, temperaturus post ea ad fa- miam clementiæ.

LXIII. Experientia probatum, magis appeti eorum amicitiam, plusque ab ho- minibus æstimari, qui neglectius eam ser- vant, modo amant, modo offendunt, of- fendendo & amando non assidui (non ta- men leues) modo potentia terrent, modo comitate trahunt. Neque causam repe- rio, quam ab oppositorum ratione, quod magis eluceat, & sapidior reddatur ami- citia, quasi tunc magis optandæ, dum a- mittitur, aut secus euenit, ut eorum ami- citia minus æstimetur, qui de paranda aut reti-

retinenda studiose & appetenter nimis laborant, ut aliquando necessarium sit, non nihil suboffendere, tum modice negligere amicum, quo magis retinere vis (quam ut perpetuo adhaereas) sed non diu aduersa fronte & vultu, ne posthabearis.

LXIV. Sæpe, quod preces non possunt, minæ (apte accommodatæ) operantur.

LXV. Non moliaris, nisi quæ præstare potes, ne prodas impotentiam.

LXVI. Si aliquid aduersi tibi accidat dic potius, sponte te accepisse, quam ut supplantari nolens videaris, veluti inualidus, & obuiæ impetitioni expositus, potius fortunam tibi obedire doce.

LXVII. Alienanti se amico a te, aut clienti sine causa, sponte media offer reconciliandi, potius bonis quibusque modis, eum in amicitia retenturus (medium tamen inter gravitatem) quam ut acerbiter pro acerbitate reddas, quæ magis abstrahit, quam retinet in amicitia amicum, nisi alias potenter pervincas.

LXVIII. Minæ vigilantiam aduersarii acuunt, ad cauendum, immo præueniendum, tu si taciturnus es, plura præstabis,
non

non tamen ut noceas, verum ut caueas tibi, quod est penes virtutem.

LXIX. Potius capiat per modica, aut sensim speret amicus, quam ut totum simul habeat. Non enim obligant, quæ data, licet maxima, sed quæ dabuntur, licet modica. Animus hominis, imitatur oculorum situm, quos cum anteriori parti corporis ingessit natura, non ea quæ post se sunt, sed quæ ante posita, vident; sic ille pensat, non accepta, sed accipienda.

LXX. Redditurus mutuum beneficium pro beneficio, moram adiice, ne dare videaris in recompensam dati, sed velut in obligationem futuri.

LXXI. Exprobranti offensam amico non serio excusa, excusatio prope metum est, et loci inferioris signum, responde potius, neque illius esse exprobrare, neque tuum excusare.

LXXII. Religiosos in pretio habe, quatenus tuarum partium sint, deuincies vero illos beneficiis, et comitate.

LXXIII. Immo concionatores ad te trahe, qui bona narrent, et populo (quoduis utile in publicum) persuadeant, aut quod non vis, sermone (sed extra in-

uidiam et illius offensam) publice dituant.

LXXIV. Opinio diuitiarum et numerositatis, parit aestimationem, teges igitur tuos defectus, & arte aliqua honesta (sed procul ab ostentatione) omnibus imponens, ut bene de te credatur.

LXXV. Propositurus aliquid difficile populo, causas honestas propositionis, per privatos rumores prius disseminabis.

LXXVI. Quantum in amico donodurus destinasti, praestat cum iis aliquando honeste comessando consumere, cui diutius sufficies; quod vero diutius durat, magis in oculos incurrit et obligat, adde, quia unica commessatio, potest plures simul obligare, vnicum donum, hominem vnicum obligat, immo aliorum (accipere praesumentium) inuidiam prouocat.

LXXVII. Mirum dictu, quantum latior mensa, et liberalior conuictas, paret amicorum, hocque per artes politicas, inter conciuies crescendi, studium cui adest, ut velut in alias virtutes incuriosi, hanc praecipue viri Politici, in quouis venerentur et ament, aut sine illius condimento, caeteras obiter transeant, immo vitia nonnulla

nulla, hoc obiecta fucō, dum mollius accipiuntur, sponte dissimulent. Sic igitur intra magnanimitatem erogare, lucrum facere est, immo nonnunquam conducibilis, ultra parsimoniae terminos in eo procedere, ad vsque confinia effusionis, modo ne sit factum, intra affectatam prodigalitatem, cum decoctione bonorum extrema: velut multos apud nos vidimus, sic creuisse, floruisse, et intra ciuium fauores praestitisse, ut optimam amicorum et fortunae, colligerent messem, cum haud parce ciuium animis, seminarent sua. Certissimum enim magnitudinis signum est, maximeque incurrit in oculos vulgi, tum in affectus, vel et posse pascere multos, eoque multis bene velle. Nec mirum, si CHRISTUM, vulgi sequens turba, in Regem creandum rapere voluit, (*Johannis 6. cap.*) cum tot hominum millia, ex suo diuino penu, non pauidet modo prompte ad saturitatem, sed fragmentorum copia, magnitudinem conuiuii et Domini pascentis diuitias loqueretur. Sed intra dicti reuerentiam sacra maneant, profana liberius nobis loqui licet. Non ab alia occasione, primitiui Poloni, Piastrum olim e plebeia

plebeia domo, ad purpuram euocauerant, quam cum diuinum quiddam illa ætas inesse viro crederet, cui pro modico agello quem colebat, ad stuporem vsque Comitiorum (neque enim sine speciali miraculo, teste historia factum) tantum alimentorum, ad vsque superfluitatem, humaniter excipiendis aduenis sufficeret, ut plus erogando, plus semper illi restaret, et simul, magnitudinem cultioris animi, in eo viro cum metirentur, qui sic esse cuperet cunctis amicus et hospitalis.

LXXVIII. Astutis, arte simili aliorum astus eludere, mos est; ideoque secum in amicitia facile conueniunt, dum retaliare sciunt: rectiores nesciunt, nisi plerumque deferendo coniectum, et rem cum illis plane vitando, donec in meliores amicos incurrant. Vulpi cum vulpe, vrsus vni cum altero, aspidi cum aspide, haud mirum si conueniat, cervis equisve, nisi cum mitioribus, aut sibi similibus vinere secutum est.

LXXIX. Dum sunt nonnulli facatæ faciei liberalioris coniectus, præsertim si habeant aliquas species virtutibus similes, ipsi subdoli, et modis illecebrarum potentes

(vel

vel quorum vultus est opportune mendax, tum in speciem probitatis sermo (et facilis, haud spernendus capiendis hominibus hamus) facile eo condimento trahunt plerosque in sui laudem, tum in amicitiam. Non tamen altioris mentis homines, verum illos ex simplicioribus, qui velut minutiores aues, facile capiuntur visco: Recti vero et prudentes viri, non illa exteriora morum, et fallaciarum inania, sed intimum introspiciunt pectus, et nisi solidiorem virtutem, tum amicitiam pensant: Quanquam coniectus liberalioris amicitias, si penes rectam virtutem & prudentiam, alicui pectori insedit, miros effectus, parandis amoribus hominum, totumque in animos potest.

LXXX. Videntur esse nonnulli amica-biles, recti, prudentes, dextrique agendo, et plane cum virtute, magis, quam sunt; immo nonnulli non videntur esse, cum vere sint, nisi tempus et occasio aperit virum, ut prima iudicia de hominibus sæpe nos fallant, velut de ingenio nationum subtiliter quidam: *Hispanos factis & moribus magis videri intolerabiles, quam vere sunt: Gallos magis esse forte, quam videretur.* Sed

inest

ineſt cauſa, circa horum amœnitatem, illorumque triſtitiam (vel grauitatem actionis et morum) prout huius aut illius, ſumus æqui penſatores. Niſi igitur falli vis, ſuſtine ſuadeam calculum, ſeu damnaturus, ſeu probaturus, et a tempore tui actione, iudicium expenſa. NERO flagitiis & ſcleribus velamenta quaſiuit. GALBA, maior priuato viſus, dum priuatus fuit, & omnium conſenſu capax imperii, niſi imperaſſet. (Tacitus parſim:) VESPASIANUS, ſolus omnium ante ſe Principum, in melius mutatus eſt. OTHO, contra ſpem omnium, non deliciis, neque deſidia torpeſcere, dilata voluptates, diſſimulata luxuria, & cuncta ad decorem imperii compoſita, eoque plus formidinis afferebant falſæ virtutes, & vitia reditura. Mucianus luxuria, induſtria, comitate, arrogantia, malis bonisque artibus mixtus, nimiae voluptates, cum vacaret: quoties expedierat, magnæ virtutes: patam laudares, ſecreta male audiebant, apud proximos, apud collegas, variis illecebris potens. In Vitellio: Multa grata ſane & popularia, ſi a virtutibus proſciſcerentur, et argute idem de Pompeio: Pompejus occultior, non melior. Hæc alii, ſed addam ex meo,

et

et ab experientia. Plerique ſunt boni, donec, qui corrumpat, non adeſt, immo ineſt ſemper aliquibus male faciendi animus, ſed deeſt occaſio; boni ſunt, dum malos eſſe non licet, aut præpediuntur. Recte Salluſtius de quodam: *Ore probo, animo inuerecundo*, Et Velleius: *M. Lepidus, forma, quam mente, melior.*

LXXXI Mirari debui dictum (verum ſatisfactum mihi ab experientia) quod argutia Italica nuper prouerbio circumtulit: *requiri ad gradum proſperioris fortuna, ut inſit alicui nonnihil ex fatuo & Intraſo*: Nam hoc modo, cito inuolatur in nouitiã, et confidentiam intimiorem *Aulæ*, tum *Vulgi*. Non promerentur hi quidem virtute, ſed arte ſuffurantur gratiam, ad modum naturamque omnium et ſeculi, facilius ſe componentes. In impertinentia ſe ingerunt non vocati, ludicra, ſeria, pari importunitate tentant, et quandoque ſuccedit, vt pro tempore non diſpliceant. Non offendunt alios: nec etiam acerbioribus ipſi offenduntur: Verum intra iocum et amicitiæ libertatem, facile habent et condonant totum. Alloquio faciles, reſpondendo (per mixturam leuium mendaciorum)

amœni,

amiceni, prompte indomesticantur, non multo apparatu recipiuntur, neque sunt *morosi in ceremoniis, & formulis*, haud quæsitum sui cultum requirentes, dumque non facile succensent personis et rebus (obuiis parabilibusque per omnia contenti) censura eorum non timetur, ex imposita confidentia, et ex eo amantur.

* Adde, si forte super hæc, sint *audaculi*, multum honoris et præmiorum sibi arrogant, et obtinent per importunitatem (dum facile obloquia subdolis succedunt ex impudentia) et occasionibus *instanter* non *desunt intrusi*. Directa vero virtus agit totum cum modestia, intra verecundiam, et dum importuna cauet, opportuna quandoque intermittit; sed hoc non ex virtute vitium, verum seculi, et eorum est, inter quos vivitur, dum rectam non prompte noscunt, nec acceptant. Tamen illa solidior est agendo, tandemque post tempus cognita, plus æstimatur. Illi priores, sæpius, (vileiusculi) ludibrio habentur, et in seriis minus ponderis habent; mensarum nisi sodales

* Genus duplex intrusorum: *servile vel audaculo-*
vium: prioris generis sunt *aliis*, hi sibi utique me-
liores.

sodales, ludicrorum alumni, non nostri, sed fortunæ tantum amici, prout certe tum hæc mutantur, nosque decipiunt, ad alios transiuri, unde plus utilitatis speratur.

LXXXII. Aliud est: *esse innotentem*, aliud *habere praxin evadendi*. Aliud est: *scire imponere*, aliud: *iustam habere causam*. Aliud est: *esse fortem, prudentem vel bonum*, aliud *videri*.

LXXXIII. Divinæ potestatis & prudentiæ (non hominis) opus: æquilibrium rerum tenere, causas combinare aduersas, tum ex contrariis elicere bonum. Frustra ingenium hominis laboret, aut perspicacia contendat, ad certam regulam se componere, & publici status vel privatæ actionis, ea in parte formare sibi *maximas*, nisi confundi velit, seipsam (serius citiusue) periculo inuolutura; immo illud est meticolosi tam versuti, quam perspicacis animi signum. Exinde vere dictum: *Media via nec amicos parat, nec inimicos tollit*. Qui oppositarum partium, huius illiusque simul amicitiam quærit, aut utriusque simul offensas (*per obliqua*) vitat, poterit aliquanto tempore scenæ servire;

C

detecta

detecta deinde larua, vt fallax hypocrita & versipellis deceptor, ab utroque odio habebitur. Sic intuitu emergentis boni, qui oppositas sibi (personarum aut populorum) potentias, dein amicitias, & offensas, æqua lance conseruare studet, ne inter se committantur, tum, ne vna noceat alteri, aut secus, ne sit infra alterum, ad æquilibrium moderamenque causarum nequaquam sufficit diu, quin altera inualeat, partem oppositam, & simul fauorem consilii, oppressuram. Sic, vereri aliquem suboffendere, non tamen quæ sunt parandæ amicitia penitus facere sed potius per obliqua tacito irritare; aut secus renare in rem suam assequi, quod est alterius partis cum dispendio & offensa simulque se amicum profiteri velle, odium verius conciliat, quam intentum parat, nisi aut rem habendam plane, ut (fortius pro æquitate vrgendo) gratiam partis posthabeas, alias neutrum assequeris. Sic, diffidere alicui, & simul (intuitu speciosæ cuiusdam amicitia, tum securitatis) non sibi satis cauendo prouidere; immo amicitia titulum affectate querere; ac deinceps dissimulanter agere, nec amicitiam habebis, nec res tu-

as statues in securo. Sic, publico bono tuendo, & simul priuatis commodis aucupandis allaboraturus, alterum non obtinebis plane, publicum vero bonum certo certius subvertes. Sic, veritati (tum virtuti) aut auræ populari; Legi (tum iustitiæ) aut populo; Principi, aut vulgo; Debitæ actioni, aut (parte ex altera) parandæ opinioni nequaquam sufficies, nisi totus in alteram (tamen æquio rem partem) agendo incumbas, sequiorem studiose oppugnaturus, aut si res suaferit (*rebus modotuis, alia ratione diligentissime ut prouisum sit*) posthabiturus saltem; vulgo dum places, rem agendam pessumdas, dum secus ad rem probe agendam te componis, vulgi censuram mereberis; vnde vetus (præsertim in bellicis) monitum tulit. *Malo te sapiens hostis metuat, quam stulti ciues laudent.* Sic, (nisi alias tanta potentia vales, vt parte vtraque posthabita, negatiue te erga vtrasque habere possis, per quæta media securus) tibi neutralitas fœderum non proderit, verum alteri parti *deliberatissime* adhærendum. Sic, Artibus status totum se dare, & conscientia legem non transgredi, DEO placere & simul ad

illecebras mundi se velle componere, nec huius, nec illius legis, æquus assertor futurus, scripturæ potius censuram mereare: *Neque frigidus, neque calidus es, incipiam te euomere ex ore meo.* Non quod præster, aut mere bonum, aut debere esse mere malum (velut oblique Politicæ Doctor Machiavellus docet) verum quod grauior malitia ab affectata intra virtutem & nequitiam neutralitate, tum mistis (boni simul aut mali) actibus oriatur, immo affectatior (sub pallio virtutis) nequitia subfit, & aliorum vexatio, quam si vtrique, simpliciter malus sis; vt per omnia rectoris prudentiæ sit, & conscientiæ, ab vtriusque partibus versandis, se totum separare, aut in vnicam æquiores tamen se totum transferre & agendo instandoue (ex norma virtutis tum prudentiæ) fortiter incumbere, res vero suas (interim) consilio & prudentia stabilire, in quieto. Qui alias partium rerumque oppositarum simul fautor, commoda vtrinque venatur, rerum præuicator potius, & interuersor pacis, immo *Sophistico Politicus*, quam *Catholico Politicus*, vocandus, seipsum astu inuoluturus, quo exercere studuit alios; velut

lut multa eius rei exempla apud Historicos habeas.

LXXXIV Debitum officii, præsertim vero honoris, erga pares, adeoque magis erga superiores, studiose adimplebis, nec transmittes neglectum: Eri enim aliquando præstari sibi nolint (velut incuriam simulantes) aut verecunde palam recusent, non sit, vt plane habere non oportent, immo sic potius, promptitudinem tacito experiantur, in offensam alias tracturi, ni obtineant: Aut si exsequaris (modo non fiat affectate, sed pro honoris debito) tanto obligatiores, in posterum habebis. Cape; exequere; non improbara dico.

LXXXV. In aduersis, ne sis nimium mollis verbo, aut animo deiectus; Nec secus (in speciem generositatis, & infracti animi) iocabundus neglector, transitorie despicieus, quæ famæ, tum securitati parandæ seruiunt, aut momentis inualescunt, vti enim hoc leuitatis aut supiniæ incuriæ, tum parui iudicii, sic illud pusillanimitatis, abiectæ mentis, aut ignauix, signum est, immo, propositi in probrum animi, certum iudicium; potius agas totum, intra perspicaciam, cautus, prudens

& grauitur: Qui considerat, prouidet; qui negligit, sæpius rem perdit; nihil agentis, neutiquam, *assa*, (vt aiunt) *columba* venit.

LXXXVI. Senum actio, aut iuuenum conatus longe differunt; Iuuenes garriunt aut clamitant, senes agunt; Sonum illi, pondus hi, rerum captant. Iunioribus pro calore ætatis, properantia placet, & audax magnanimumque videtur, quod sæpe temerarium, præuidentia senioribus & cautio maturior inest: vnde sæpius sunt cunctatores, rarius periclitantur, aut euentu falluntur, in occasiones modo ex tacto intenti, velut somnium & inertiam simulantes. Iuuenes iracundi, in offensas properi; viri maturiores dissimulatiui ac sæpius pacati, aut si tandem actio requiratur, intra prudentiam, & cum cura fortes. Illi res mirantur, multa vident, aliqua sciunt, nec tamen probe discernunt, hi facta aut facienda æque penetrant, noscunt & dignoscunt. Iuuenes pro ingenuitate primæ ætatis, dolum rebus subesse minime suspicantur, vnde facile deceptionibus expositi pro nimia securitate, maturiores, viri, quia plura per aduersa sæpius dece-

pti, euentuum gnari, pigmenta rerum & rationum spernant, superficialia omittant, verum larva detecta, introrsus res ipsaque fundamenta inspiciant & scrutantur, peritos venatores imitantes, vulpesne? aut lepus? tum ferox aper, vel certe nobilior ceruus impresserit gressum, per ipsa vestigia species ferarum noscitur. Instant igitur, prout res & occasio suadet, aut secus, passibus suspensis in res vadant. Non temere aduersa casuum reputat, quem forma nonnunquam decepit, ait quidam; sed rectus alter: *Mihi fortuna multis rebus ereptis, usum dedit bene suadendi.* Iuuenes deinde suauiloquio plerumque laborant, & talia libenter audiunt in cætera incurii discursibus per inania rerum vagantur; quæstionculis lasciuunt & ludunt; nam sæpius ex imperfecta scientia, de rebus dubitant, proinde vexant res magis, quam agunt, incipiunt, dein deserunt; senes perseverant constanter, dum a fine res capiant, nec ideo tentant frustra, minime ex voto finienda, sed deliberate aggrediuntur; quia vero non hærent in mediis (verum scopum rerum petunt expediti) super obiecta breuiloquio decernentes, hinc iuue-

nes succensere amant senioribus, velut rudi minerua negotium agentibus, dum pro suo ingeniolo, & pro curiositate eos metiuntur, pigmentis ipsi rerum & verborum assuefacti; inest tamen senibus consummatio peritia; licet teneant aliquando simplicia & proximiora in medelam, sed quia præstare magis credunt, quam longe quæsit. Adde breuibus, tata, aut secus periculosa, ante tempus seniores prævident, & ex vero indignant, si præsertim ipsi pro paranda peritia non otiosam, verum per negotia exercitam ducunt vitam, grauiumque Historicorum lectioni dum immorantur, quæ suppleant ætatem. Iuuenes super hæc reguntur affectibus, ac præsertim respectibus primo crescentis fortunæ ducuntur, senes potentius suis affectibus & appetitui dominantur, ideoque commode alios regunt. Dicam verbo, iuuenum actionem esse amcenam, & quodam cum condimento vernalibus diebus similem, maturi viri, laboriosæ (sed cum fructu) æstati assimilantur, magis enim serium, grauem (ac proinde tristiore) modum actionis habent, seueriores sunt, verum in virtute constantiores, iuuenes agendo molles

les, & sapius leues. Hinc viris maturioribus expeditius res succedunt, dum non tenentur a negotiis, nec hærent, sed tenent illa, & regunt ipsi pro arbitrio. Velut peritos Automatarios (horologiorum id est fabros) si videas, non satis mireris, crassa & fuliginosa manu, nec certe delicatiore palpatu, subtilissimas horologiorum rotulas, audaciter eos versare, per minutas partes distrahare, dein velut nulla artificii cura & attentione, promptam manu in pristinam formam redigere, quæ omnia ignarus artis delicatissimo licet contactu, disturber verius, quam ut recte expediat, aut si forte aliquis, crebro intuitu, ex arte se percepisse aliquid putat, ut etiam laborantem arguere non dubitet, dum tamen rem tetigerit ipse, nec prima, nec media scit, multoque minus postrema, promptius est aliena redarguere (vel sugillare potius) quam sua probe facere. Iuuenum consilia modusque agendi, vinis recentibus similes, quæ plus dulcoris, plus etiam fecis habent, palatui grata, stomacho & sanitati nociva, aut licet quoquo modo clarescant, minus tamen ex virtute habent, quam per annos defecata; quod

quod sequens dies, iuniores erudiat, viri
maturiores hostie iam sciunt. Ideoque
commodè rem claudò, recta cuiusdam
(in iuuenem proterue loquaculum rebus
que obstrepentem), indignatione. Post
annum, fore si te prudentiorem putas; cur
non me iidem cautiorem credis, qui tot
annis multisque casibus te supero. Cum
omnia honestarum animi iuuenes habu-
erint, rerum experientiam (prout eueni-
unt) nondum habent, eoque senibus in-
feriores sunt, affectata ludicrae illis.

placent, maturis res tantum,
& seria.



Pars

Pars Secunda.

POLITICO-MORALIUM

I.

EXprobraturus aliquid publice priuati-
mæ, amico aut populo, potius ter-
reas & trahas exprobrationem, vt in-
terea obtineas quod vis; dissimulata enim
timentur, euulgata, vt iam transacta, con-
temnuntur.

II. Retenturus alicuius amicitiam non
statim dum iniuriam accipis, exprobrabis
illam, ne leui occasione alienes amicum.
Omnino tibi diffidet ille, qui te offensus
videbit, vt necessario auerti debeat metu,
vel conscientia facti, vel consilio, dum te fa-
cilem videt in offensam.

III. Beneficium aut officium, aut pensio-
nes etsi plures in annos alicui proro-
ga-
re in animo habeas, assignabis tantum an-
nuas, vt si necessitas suaserit sine offensa
auferre possis, dum velis, partim si proroga-
ueris, velut iterato beneficio, accipientem
deuincias prorogatione.

IV.

IV. Ignei homines ingenui, tum leuiculi; licet per alia tibi opportunos, caue, ne tibi adherere velis, seu sint amici seu clientes, immo dum adueris, festinanter honesto prætectu eos procul amouebis; nisi enim mature feceris, amoueri postea non poterunt, nisi magno tui fastidio, ut sapius difficili negotio implicari debeas, amouendo. Rem ipsam in meis casibus expertus, scribo.

V. Etiam illa ingenia clientum, multi periculi, & efficiunt nobis, quæ sunt prope importunitatem, audacule sese intrudendo, suadendo, petendo, accusando, hos aut illos laudando, curiose abdita rimando, tum rebus imponendo, præsertim dum sciunt, & amant per dicacitatem, ingerere suauia, cum vero suauiter loquuntur, & speciosis quæstionculis, sensum tentant; facile nobis (sine sensu) nolentibus imponunt; quorum mox nos perniteat, ut non aliter eam pestem loquendi, aut hominem vites, quam non audiendo, aut te plane auertendo, vel quod præstat, procul relegando loquacem. Non alias magis CHRISTUS indigne tulit, Petrum corripiendo, quam dum in importuna

tuna (per speciem confidentiæ (curiose se ingereret: *Hic autem quid?* Tulit enim prompte responsum indignationis, & correctionem. *Quid ad te? tu me sequere, si eum volo maxime, quid ad te?* &c.

VI. Cum vnus aut plures studium aliqua in re obligant, aut amicitiam offerunt, vel aliquid præstare faciles, quod in rem sit, vt *recenti* promittentis affectu, vrge intentum, non differendo in tempus, frustraneum ea in parte dilationis (seu, ut vulgus ait, *discretionis*) nomen, certo certius per momenta tempestere hominum affectus, & remitti potius, quam intendi, ut sæpe (vitio mobilitatis humanæ) alii in horas simus, posthac difficiliter optatum habituri, quod ante sponte oblatum vidimus. Ast promittit ille (inquit) propensum se fore in tuas partes? falleris; presentis ea vis est affectus, non futuri, qui bono casu (ut brevi abiturus) oblatus, qualis vero ille futurum postea, ipse qui obligat, ignorat; mutato vero affectu, mutabitur intentum, frustraberis igitur, quod obtinere sperasti, nisi extra dilationes assequi rem coneris. Nonnullis immo, bene & amica loqui, sæpius

sæpius consuetudo, aut potius modus loquendi est, non modus affectus, & quo effusiores sunt snaviloquio, eo magis in amicitia fallunt. Cautus ideo sis, pensandis veris amicis, & ab opere potius, non a verbo ponderabis, eo citius præteruolaturis, quo promptius extra deliberationem efferuntur, quasi nullas radices ab intimo amico & affectu petant duraturas; verum in superficie modo linguæ, cum salua abitura & nata.

VII. Non amici solum affectus, sed contrarii, in recenti maximam vim habent. Falluntur exinde, qui sperata prima reconciliatione, submissiorem sperant alteram, quæ potius tanto minor futura, quo magis procrastinabitur. Vt enim omnes res, recenti sensu, grauius intenduntur, sic qui intulit iniuriam, nouitate delicti, vel a conscientia recentis facti propius pœnitentem est, quam si euulgato pudore, & consumpta ignominia depudere didicerit, cum ipsum vulgus (per familiaritatem rumoris) primo rem minus mirari, dein acerbius loqui, postremo dedignari factum definit. Sæpe ideo pœnituit multos, non admisisse primam reconciliationem, ut nul-

lam

lati postea haberent, cum maximam sperarent, præoccupabis vero prudenter, modesta facilitate, neque reijcies pœnitentem, similior tamen reuerti, ne pecces facilitate.

VIII. Ratiùs vtaris eodem curru, strato, cubiculo, mensa, domo, exercitio. *Nimia familiaritas parit contemptum. Continuus aspectus minus verèdus homines a fiducia satietate fatit.*

IX. Res adhuc in questione. *Vtram amari præstat, an metui.* Dicant quod volunt alii, mea sententia, vt DEUM, sic hominem non recte amet, nisi metuat simul, aut saltem nisi reueretur. Non igitur seruiliter te demittes & effundes in officia amici, neque nimis eris affectator, aucupandis amoribus alicuius, quod penes contemptum est, sed ages grauius, partim, vt quæras amicitiam, partim vt tua quæretur. Honorabis, sed vt honoreris, immo aliquando (idque intra grauitatem & extra affectum) amicum modice negliges. Timeat negligi, si ipse te negligat, & non amari, nec honorari, nisi ipse studiosè te amet & honoret. Qui te igitur non reueretur, nec recto, ne durabili amore, dum facit magis pro discretionè & volun-

voluntate sua, quam pro merito tuo. Addo (pressius loquendo) quod amari, est in aliena potestate (*prout nostri actus cum bona gratia & affectu ab aliis acceptantur*) ut vero metuamur, esse in potestate nostra, non ut semper, quando volumus, amemur, semper vero metuamur, dum volumus præferri si incurratur in homines, ut cum ad normam virtutis, legisque præse ipsam, omnia fecerimus, aut rem non intelligunt, aut pro malignitate secus interpretantur, cum in tanta depravati seculi malitia, clementiam rectoris, delinquentium insolentia superat, ut necessaria correctione in aliquos opus sit, tunc iustitiam, severitatem vocabunt, nosque (pro sua malitia non merito nostro) oderint, cum ne Divina quidem, licet proba semper & optima, malitiosi hominum probent, aliquando plere, grandinare, æstuar, non ad suum beneplacitum, sed ex arbitrio cæli factum, illubenter ferunt, cum illud in terræ fecunditatem pro gratia, aliud in pœnam, pro iustitia, immitat Deus, nec unquam argui possit. Ac proinde præstat inhaerere causæ, quæ a nobis dependet, quam quæ ab alterius venit discre-

discretionem. Non tamen metus absque amore securus, immo obsit omnino, nisi metus ille valeat, qui ab æstimatione nostri provenit, sponte in animis hominum, per actus honestos & graues, adhibita prudentia & comitate, non vero (ut nonnulli falso arbitrantur) a potentia nocendi. Dicam amplius, metus nisi erga superiores est (quos aliquacunque re prævalere nobis arbitramur) amor non potest esse nisi erga inferiores, aut saltem erga pares. Si vero superiores a nobis amentur, potius Cultum aut Reverentiam dicas, quam absolute Amorem. Quod vero aliquorum belli Ducum virorumque egregiorum, excessiva severitas Manlii, Corbulonis olim, & inter recentiores Ducis Albani, Comitæ Fuentii, aliorumque, inter recti exempla sit, impossibile, si hæc sola trux austeraque, sine aliarum humaniorum virtutum condimento inesset, tantum auctoritatis in suos paratum fuisse, ut necesse, penes excessivam severitatem, excellentes quoque virtutes, pro contestatione magnitudinis exercuerint. Sæpe latet vitium proximitate boni, immo altioris virtutis interuentu pensatur. Erant in multos se-

D ueri,

veri, sed in bene meritis liberales, labores castrorum imperando immoderati, sed nec sibi ipsis parcentes, fortes simul & successu, in admirationem felices, iussorum exactores austeri, verum erga promptos & obediētes grati, & pro comitate imperatoria nimium accepti, deinde erga afflictos, egenos, iniuriatos, inferiores opem poscentes victosque, prompti, liberales, iusti, minime auari, magnanimi, moderati, licet alias contra tumidos & insolentes, insurgendo graues, demum nec bellando flagitiosi, nec vincendo insolentes. Si vero illi non aliud sciissent, quam flagra, secures, cruces, funera loqui, nec apud suos ex auctoritate obediētiā, amoremque, nec in externos admirationem factorum, virtutisque suae parauissent, sed velut ferae syluestres, nisi nocere scientes, terrori fuissent & odio. Aliqui praeterea pro indulgentia naturae, ita sunt formati, ut non in animo tantum, quidquam magnum illis, impresserit, sed per exteriora quoque occultam grauitatem in facie aspectu, alloquio, corporisque forma diffudit, quae sola primo intuitu aestimationem pariant, & velut praecursores sint in animos hominum, & in affectus, parandis

amo-

amoribus, ac praesertim conciliandae auctoritati, antequam altior virtus se exerat & innotescat, prout de Corbulone observatum tulit Historicus. *Corbulo omnium ora in se verterat, corpore ingens, verbis magnificus, & super experientiam sapientiamque, etiam specie inanum validus.*

X. Interdum parum negligē compellendo dicto, scriptoque, timeat amicus aliquando negligi, & posse offendi, sed statim familiariter recipe, ne diutius neglectus affuescat sine te, ut vero aurum purius post ignem, sic motu melior sit amicitia, vina etiam meliora, quae penes dulcorem, sunt modice acra.

XI. Dum frustra nitēris impedire aemulum, malis eum iuuare, & operam ultro offerre, ut potius opinionem amicitiae obtineas, quam ut frustra impedisse illudaris, quo impotentia tua prodatur.

XII. Cum alicui potenti aemulo resistere non potes, potius quæres amicitiam (procul tamen a suspitione quærentis) cuius sub titulo, facilius rebus obuiam ibis, & illi resistes. Quoadusque enim inimicus est, contravenire aperte studet, dum vero speciem amici induet, lædendæ

D 2

amicitiæ

amicitiæ verecundia tenebitur, ne tuis intentis contrarius sit, tu vero interim, quod in rem habere voluisti, sensim aliud agendo perficias, semota omni fraude amicitiae & dolo.

XIII. Omnia capere valenti, totum dat, qui parum negat; potius sponte offer, quæ extra offensam negare non potes, ut quoquo modo gratiæ tuæ debeantur, quam ut inuitus dare necesse habeas, nullo expensu in rem tuam commodo.

XIV. Distrahe potentes a latere æmuli, immo eius intimos, domesticos familiares, consanguineos, parando tibi munificentia, mensa, comitate, unde tibi omnia æmuli nota.

XV. Da bona verba, palam, & in absentia.

XVI. Nescientiam simula rei, quo magis omnia scis.

XVII. Vide, non videndo, omnia.

XVIII. Non asperneris conuictum æmuli, sed tamen rarius congregere.

XIX. Minora quandoque consilia communicabis.

XX. Nunquam verbo carpe præsentem, immo tuere famam, si opprimatur.

XXI.

XXI. Etiam offensus, offensam diffimula & velut non agnosce. *Vnicum remedium iniuriarum, si non intelligantur*, qui secus interpretando iniuriam extendit, velut scalpendo suum vlcus, per impatientiam, sponte dolorem auget.

XXII. Nunquam exprobra suspectam amicitiam.

XXIII. Rarius congregere cum æmulis, aut congressurus cum omni apparatu grauitatem indue & cum cetera clientum.

XXIV. Vita consanguineos & clientes æmuli, etiamsi fidam operam polliceantur, fac tamen, quasi non vitando.

XXV. Patiaris aduersarium, non agnosce, & velut loco amici habe, omnibus beneuolentiæ signis præoccupando, & insidias muneribus anteuertendo.

XXVI. Maximum præsidium rerum humanarum ex dissimulatione. Tiberius inter omnes suas virtutes *Dissimulationem* adamauerat, tu etiam quoad potes, stude dissimulationi, si sapias. *Qui nescit dissimulare, nescit regnare.* Ludouici XI. Regis Galliarum dictum ad filium Carolum VIII. testamenti loco. *Dissimula igitur Dissimula.*

D 3

XXVII.

XXVII. Temerarie ambitiosus, turbandis, *stultus pertinax*, perdendis rebus accommodatissimus, fuge quoad potes talium consilia, multoque magis conuietum, ne impingas in errores.

XXVIII. Peccant, qui nimia lenitate dulces, cum enim effuse dant se populari auræ, aut omnem infimæ plebis rumorem affectant, contemnuntur, virtuosi quidem hi sunt natura, sed etiam molles, ideoque ad res gerendas parum valent. Prudens rigor rebus non obstat. Mordent sanguisugæ, dum profunt. Nec enim aliqua difficiliora obtinebis, nisi pro tempore, aliquod inconueniens, in vrgendum adhibeatur. Idem consilii medicis inest, vt in morbis malignis & vrgentibus, admisceant potionibus, de venenatis pharmacis, commouendis promptius pellendisque noxiis humoribus, verum adhibent simul diligentissime excellens correctiuum, exquisitam dosin, perfectissimum temperamentum, sine qua cura, medendo plus nocent. Instabis igitur opportune vrgentiore verbo, dextra ostentatione potentia, minaciore vultu, intra tamen auctoritatem; mox vbi terrueris modice, rursus

sus in molliora descedendo, amceniore fronte, faciliore alloquio, tum obuio conuietum, irritamenta amicitia ostentabis.

XXIX. In malis mœstitiam, in bonis dissimula effusam lætitiā.

XXX. Quemque diem examina, an amicam paraueris, (aut amiseris) & cura vt pares.

XXXI. Summa auctoritas nisi penes potentiam & fortunas, in minoribus pro superbia habetur. *Cauebis igitur morosam grauitatem.*

XXXII. Talem apparatus mensæ, vestium & reliqui sumptus instrue, qualem semper habere potes, & a minori potius incipienda omnia suaserim, quæ posthæc factururus es maiora, ne eo maiorem incurras in contemptum, quo magis laudatus fuisti, si idem esse, quasi lassus, desinas.

XXXIII. Non demisse seruias maiori, sed reuerenter, et sedulus sis, penes potius, quam perpetuus; Magnorum aliqui, recepta amicorum obsequia, non ad gratiam vrbانيتatemque colentis, sed ad debitum, superbiamque suam referunt, et statim acceptorum obliuiscuntur.

XXXIV. Eos etiam in amicitiam pertrahe, qui plus apud alios possunt.

XXXV. Non prompti fiat tui aditus, non obuia comitas, ea tamen moderatio-
ne rerum, ne superbiæ titulum tibi parias.

XXXVI. Facilitas amittit auctorita-
tem.

XXXVII. Oblatum munus potius lu-
bens & animose accipe, quam seruiliter
gratus, partim debere te, partim deberi
tibi gratiam, doce.

XXXVIII. Iube punire, non specta.

XXXIX. Non increpa, sed grauiter
admone, & toruo aspice oculo. Absit
vero facias contumeliose, nam exacerbas
magis, quam corrigis, certe medicus, aspe-
ritate curandi, horrorem medicinæ ægro
imponit magis, quam inducit sanitatem,
vt ægrotare lenius nonnunquam accipia-
tur, quam per acerba sanari, nemo sana-
uit vulnus scalpendo, verum vngendo, &
molliter obtegendo.

XXXX. Seueritas amittit assiduitate au-
ctoritatem.

XXXXI. Sine strepitu aut acclamatio-
ne (seu exprobratione) puni delinquen-
tem, sæpe vero lenius & modeste, quasi
inuictus facere videare; est prostrasse satis,
posse prosternere, dum velis.

XXXXII.

XXXXII.. Maiorem aliquando pœnæ
apparatus, verborum seueritas, tum ex-
aggeratio, imponit austeritatem Domino,
& infamat punientem, quam ipsa pœna.
Si igitur pro merito delicti punias, mol-
liter saltem loquaris, flagitium, non per-
sonam osurus.

XXXXIII. Potius quandoque dicto
contrarius sis, quam semper seruiliter as-
sentiaris, doce aliquid tibi displicere, pro
libertate sentiendi, quod est prope gene-
rositatem. Sed plerumque ab homini-
bus (a Principibus verò præsertim) ii pro
sapientioribus, immo pro melioribus ha-
bentur, qui ad eorum sensum & volun-
tatem magis accedunt ac loquuntur, deci-
pi malunt, quam non ad gustum suaderi.

XXXXIV. *Bonum habetur ex integra
causa, malum ex singulis defectibus*, ait qui-
dam. Quasi dictum velir, ad rem bene
habendam, omnia impedimenta amoueri
debere; minimus defectus si obstat exse-
quendo, etsi reliqua bona media videantur,
res tamen haberi non poterit & inten-
tum.

XXXXV. Sæpius cum titulo, quam si-
ne, alloquere, quemque pro merito de-

D 5

center

center honoraturus, nec tamen affectate, ut similiter te compellendi & honorandi insinues. necessitatem, aut secus (velut importuna ceremoniarum) si negligas, alios idem erga te omittere, teque contemptum haberi posse doces. Quæ civilitas mutui honoris, adeo in animis hominum valet, ut non privatis modo inter se civibus, sed magnis Principibus erga sibi subiectos, non sit per incuriam transmittenda, nihil enim magis offendit animos, aut verius exacerbat, quam contemptus personarum, si pro merito non honorentur, velut ille ad Principem: *Cur* (inquit,) *ego te habeam ut Principem, cum tu me non habeas ut Senatorem*, neque Iulium Cæsarem aliud præcipitavit in necem, accelerando coniurationem (quæ differri aut sopiri poterat) quam Senatorum Consulunque contemptus, quod reliquum offensarum erat. *Accedentibus* (ait Plutarchus in vita Iul. Cæs.) *ad Cæsarem sedentem pro nostris Consulibus, Prætoribus, totoque Senatu, Cæsar non assurrexit, tanquam si cum privatis hominibus colloqueretur, quod non Senatum modo, sed populum, offendit, civitatemque*

uitatemque ideo rati (per ignominiam Senatorum,) ludibrio haberi. Magna igitur cum tristitia discesserunt e curia quotquot discedendi facultatem habuere, adeoque Cæsar sensit indignationem eam, ut statim domum abiret, reductaque a collo veste, vociferatur, se paratum esse ad præbendum (si quis necare ipsum vellet) iugulum &c. &c. Ferunt vero, cum assurgere Senatui vellet, eum ab amico, aut verius adulate quodam suo, Cornelia Balbo, prohibitum, monente (vide nequam adulateorem) ut se Cæsarem esse meminisset, seque ut præstantiorem coli pateretur. Nihil igitur magis offensam in animis mouet, quam si honores aut tituli contemptim auferantur personis, immo magis, si pro malignitate dicacitatis, adiiciantur scommata, præsertim in ingenuos ciues, qui eo magis delicatioris sunt animi in offensam, quo magis suæ virtutis sunt conscii.

XXXXVI. Famulitium sit tibi decorum; equus, cibus, & honestamenta domus.

XXXXVII. Nunquam privatus fias, aut quasi incognitus.

XXXXVIII. Quanquam inter aduersa, salua

salua virtutis fama, non vultu demisso aut supplex, sed ex memoria prioris fortunæ agendum.

XXXXIX. Æquale matrimonium, pro auctoritate.

L. Liberos bona educatio & bona fama, parentibus solatium & æstimatio.

LI. Domesticos clientes, veraces potius habere, quam blandiloquos, qui tibi ex fide referant & præcaueant, si aliquid in populo de te spargitur, ut eas recte facto obuiam, seu ipsi diluant, vel excusent. Falluntur, qui illos, nimium placere volentes, in amoribus habent, venditores potius suæ famæ, quam amicos, permittit sponte (si sapias) referri tibi modeste omnia extra metum & offensam, ne ignarus sis obuiando vel præueniendo, immo te ipsum corrigendo: vera enim exprobrat aliquando vulgi obreptatio, quæ ipsi amore nostri, aut nostrorum, tum per incuriam, in nobis, nostrisque, non aduertamus, domestici vero coram nobis taceant, aut præmonere erubescant. *Vult volens decipi, qui nisi blanda sibi narrari cupit.* Deinde domesticos tuos,

tuos, non nimis molliter, sed in actione occupatos habebis, ne innutiantur otio, occasionibus posthac emerfuris, futuri inutiles, desidiosi, insolentes, dum pro iniuria reputabunt, si ad actionem aliquam vocentur, semel desueti: idem innuit perspicacia Salomonis (Prou. cap. XXIX. *Qui delicate a pueritia nutrit seruum suum, postea sentiet eum contumacem.* Honorationibus igitur domesticis, per honestiora munerum, inferioribus, per minora seruitiorum vteris.

LII. Incessus lentus & grauis, vox submissa, cum opinione Maiestatis.

LIII. Semper vera loquere. *Mendacium seruile peccatum est;* immo naturam furti habet furtum rem aufert alienam, mendacium verbum congruum furatur veritati, prout commune proverbium Polonum fert. *Mendaces consequenter esse fures.* Immo sunt leues, garuli, infidi, inconstantes, versuti: simulatiui, fallaces, venales, iniusti, nam fere idem (ex non recte agendi) vitii suppositum habent. *Veritas mater virtutum est,* exinde cum omnia recte facit, *DEUS veritatis* vocari voluit; in diabolo, quia obliqua omnia

omnia et contraria sunt, patris mendacii, supremum titulorum habet. Quem igitur rectum virum probatum cupis, vide, an dicto verax sit; vix enim fieri potest, vt facto obliquus fiat. Veritatem semper probo et suadeo; verum in aulis Regum, ingrata vt plurimum veritas est, pauci sunt veri amantes *Josaphat*, sed plures *Achab*, prout certe, si veniat in aulam verax *Michas*, indignationem Regis experiatur (*odi eum, quia non prophetat mihi bonum, sed malum*; III. Regum cap. xxii.) aut incurrendam in colaphum adulatoris *Sedecias*. Abeffe igitur a consilio pr  stat (pr  sertim si odio multo, nullo fructu, veritate laboretur) vel cum ades, veritas omnino loquenda est, pr  stat amittere gratiam, quam conscientiam, immo pr  stat agere *Michas*, quam falsarium *Sedeciam*.

LIV. Sati   te submelancholicum aut grauem potius, quam iocosum agnoscant effusque hilarem, comitatem tamen serua, cum illis pr  sertim, qui ad mutuam humanitatem, non ad suam fastum, referunt omnia arroganter.

LV. Quod scis per obtrectatores detrahendum tibi (quod tu   domui aut in moribus

moribus casu obueniat) potius pr  occupabis sponte fatendo, non detrahent, neque loquentur in exprobrationem, qu   fateris, aut in quo te ipsum sponte sculpas, aut per iocum habes.

LVI. Caue ne vnquam conqueraris, etsi pro impatientia doloris opportunum credas, deesse enim tibi aliquid, sponte fateris, circa amicos, vel circa fortunam, proditor tui ipsius, &   gritudinem animi simul detegis, etiam ignotis, vt qui te omni ex parte felicem credidere, magis inde   stimaturi, iam secus aliquid demptum credent, in leuipendium. Omnes ideo hilari vultu excipe, quasi omnia ex optato fluant, non alia re magis inuidos tibi confundes, qui alias tibi aduersa optarunt.

LVII. Non in vestitu superfluo aut domo exquisitis mobilibus ornata (modo h  c sint necesse circa honestatem) verum in virtute et morum constantia, viri Politici auctoritas consistit.

LVIII. Seueritate sis grauis, blandientibus incorruptus, aduersus minantes inuictum habeas animum.

LIX. Omnibus sis cognitus et comis, multos sæpe conuictui, raros secreto intimiori admitte.

LX. Obseruantiam tui in minimis firma, in præsentia maiorum, vt exemplum honesti reliquis inculces.

LXI. Plura sæpe in nos peccantur, dum complacemus, quam dum contrariamur.

LXII. Honores et præmia ipse tribuas, pœnas vero aut redargutiones (si quæ irrogari iusto debeant) irrogari cures ab aliis, vt aliorum inuidia, acerbus, sis tui merito munificus et amabilis.

LXIII. In consultatione, dum contrariæ emergunt opiniones, qui mediam attulerit, plerumque omnes in suam trahit sententiam, non quod melior ista, sed quod ad medium, quam ad totalem assensum adduci se plerumque patiantur homines.

LXIV. Cum magnis viris et Principibus extraneis, notitiam quære, et communicationem literarum, aut internuntiorum inferes.

LXV. Structuræ non vulgares, statuar, templa magnifica, famam auctoritatis retinent, et parant opinionem, item sapien-

tum

tum monumenta nomini dicata. Nam quæ maiores requirunt impensas, nisi a generosis pectoribus facta veniant, præsertim cum non sui lucri, sed publici commodi intuitu impenduntur, ad famam posteritatis. Sic *Zeuxes* pictorum præstantissimus, picturas suas excellentes, nullo pretio exposebat, ciuibus eas gratuito daturus, vt magnitudinem animi testaretur, immo forsân quod arbitraretur, operam suam eo æstimationis ascendisse, vt omne pretium superaret.

LXVI. propositurus aliquid populo aut amico, quod in rem mutuam sit, potius quæres modos, vt petaris, non petas.

XLVII. Consulebat ille non leuiter suæ auctoritati, qui inter colloquendum, stabat aperto capite, ne sedendi aut tegendi capitis, minoribus foret necessitas.

LXVIII. Histrionum & leuium ludorum, non sis spectator, tamen nonnulli honestæ popularitatis loco ducunt, habere intra domesticorum numerum, ioculatores & histriones lepidos. Ait *Marius apud Sallustium*. Sordidum me & incultis moribus aiunt, quia parum scite conuiuium exorno, neque *histrionem ullum*, neque

E

pluris

pluris pretii coquum, quam villicum habeo; nam ex parente meo accepi, munitias mulieribus, viris laborem conuenire, arma, non suppellectilem decori esse.

LXIX. Voce oppressos, defende potius, quam opprimas, & patronum miserrorum publice age.

LXX. Loquaces & leuiusculos, tum vinolentos, noli laceffere verbo.

LXXI. Legatos extraneos, honorifice domi tuæ excipe, quo famam nominis spargant, & ab iis cura salutari.

XXII. Postula magis, quam supplex roga (quia facilius res sic habentur) ac potius per alios, nec vnquam oblitus tui. Illaudatum alias, Othoni (apud Tacitum) *Qui protendens manus, adorare vulgum, iacere oscula, & omnia seruiliter pro dominatione.*

LXXIII. In publico populi consilio, multa obiecta sæpe soluuntur tacendo, multa respondendo, immo multa non audiendo.

LXXIV. In grauioribus causis, aut quaestionibus, tum obiectis, si melioribus consiliis res flecti non poterit, *non quid respondeas: sed quemadmodum non respondeas? cogita.*

LXXV.

LXXV. Qui multa respicit, nihil agit, dum consilio, seu dum facto opus est. In consultando præsertim illi, qui mere in partem assentientium transeunt, aut qui mere contrariantur, probantur: ambigui vero, seu neutrales, (vel vt vulgo aiunt, *non totaliter resoluti*) neque apud populum neque apud Principem parant sibi auctoritatem, vtrique parti suspecti. Recte dictum: *Media via, nec amicos parat, nec inimicos tollit.* Tum illud: *Tremula manu vitrum capiendo, quo magis frangere quis cauet, frangit.* Merito succenset Tacitus (Histor III.) Vitello, eiusque produci, dum in hanc illamque partem studiis distenditur & expendit diuersa, cautus nimium esse cupiens, proditor sui verius factus, *quod inter ancipitia deterrimum est, dum media sequitur, nec ausus satis, nec prouidit.* Eo collimat dictum (apud Ecclesiastem cap. xi.) *Qui obseruat ventum, non seminat, & qui considerat nubes, nunquam metet.* Resolutus ideo sis facere serio, quod aggredieris, non tamen aggredieris, nisi factu licita, ne dum inuoluere vis, periculo inuoluaris. Licitis Deus adest.

LXXVI. Apage cum amicis, qui sæ-

E 2

pe

pe reconciliantur: Aut cum domesticis, qui crebro deprecantur.

LXXVII. Maiora negotia apud populum tibi tractanda affere, minutiora relinques minoribus. Quædam digito opus habent mouenda, non brachio.

LXXVIII. Etiam si omnia refutanda sint, aliqua tamen approbato, ne omnino contradictorius esse videaris, salua tamen virtutis fama.

LXXIX. Primis iniuriis ni resistas cum gravitate & virtute, contemneris. *Veterem qui fert contumeliam, inuitat nouam.* At quomodo, non procaciter, verum prudenter resistendum? tu videas.

LXXX. Passio plerumque in nobis dominatur, & zelum putamus, dicendum seu faciendum aliquid, nobis usu venit, verbo inuehimur, velut correcturi, & exacerbamus potius, sæpe detrahimus, sæpe diffamamus, sæpe irritamus materias & personas, quod agere pro modestia, aut intra dissimulationem, magis in rem fuerat. Veritas, omnisque modus agendi stylum subtilissimum referat, non cuneum, qui findit magis, quam penetrat. Cum nimis iusti esse affectamus, in iniustitiam impin-

impingimus. Sævitia quandoque est, dum punitionem putamus, nec est correctio, sed exacerbatio, aut alienatio amici morosa. Cum rigide, vel (vt aiunt) *Morose ad pulvisculum usque*, repetimus nostra, non fit vt aliena cum nostris non inuoluamus, impertinentium verius raptores, quam exatores iusti. Sæpe deinde potentiam credimus, cum inferre iniuriam possumus, aut secus accipere credimus, nisi inferamus: nec repulisse est, nisi alter iniuriarum patiat. Quæ igitur minore damno aut scandalo dissimulari possunt, dissimulanda prudenti viro suaserim, qui priuatam aut publicam pacem, quietem mentis, pacatam conscientiam habere cupit. Eo fere collimat dictum: *A iustitia recedendum nunquam in parvis, qui velit saluum eam in magnis*, non enim sic erit iniustitia, sed dissimulatio iusta. Idem vult Spiritus S. apud Ecclesiastem: *Noli esse iustus multum, neque plus sapias, quam necesse est.*

LXXXI. Proxime sequitur, virtutis etiam zelum temperandum, idque amore in maius promouendæ; vt dum nimio ipsius (prout debemus) ducimur amore, tamen secundum tempora & personas, prout,

prout res agenda venit, suauius (cum vitii quadam dissimulatione) sensim animis hominum eam insinuemus, quod non est recedere a virtute, sed eam prouehere in maius. Scriptura docet alios hominum acerbius increpitos, alios per similitudines suauiter reductos. potius quam retractos. Sic CHRISTUS, dum bonum Patremfamilias representat, intemperantem zelum seruorum arguit, & dissimulare docet. *Sinite, ne forte colligendo zizania, eradicetis simul cum eis & triticum.* Sic erratum a nostris in Moschouia, intempestiuo, ne dicam, insolenti religionis zelo; cum enim Demetrius Magnus Dux Moschorum, Poloniam virginem in vxorem duxisset, occasione Catholicæ Principis aliqui Polonorum iactanter ad inuidiam vsque Moschorum schismatis, ritum Catholicum dum promouendum contendunt, Demetrium Ducem, nouamque nuptam, in exitium præcipitarunt, Poloniamque cruento implicarunt bello. Sed magis profana nobis seruiant in exemplum, Seueri mores Galbæ Cæsaris, licet recti, sed non pro tempore adhibiti, exitio fuerunt, *quibus impar ætas erat.* Cum forte circa flagitationem mili-

militaris donatiui, magis animose, quam in rem opportune diceret, *se militem legere, non emere*, dum rigidus recti prisque moris assertor affectat fieri, non affecuturus, simul rem, seque perdidit: Consultius alias facturus, si intra dissimulantem, importunitati nonnihil in tempus concessisset, & delinuiisset humaniori verbo flagitantes, sensim alia via cum tempore in melius reducturus. Neque a virtute Imperatoria sic recessisset, sed intra prudentiam regendi, habuisset totum. Etiam in asserenda libertate, circa obseruationem antiquarum legum, vel aliquid nouum stabiliendum, temperato, & recollecto zelo opus; secundum res, tempora, aut personas agendo: ne dum reducere ad normam rigide contendimus, potius malum, resque irritemus. Qua in re summa perspicacitate, iudicio valido, ac super omnia, experientia opus est. Nec possunt in eo valere, nisi sedata, defæcataque ingenia, *quæ non quid debeat fieri, vel prout aliquando factum est, sed quid nunc recte possit, ex æquo pensant, et magis, e particularibus causis, rei-que propinquieribus, quam ab uniuersalibus, maximis (quæ in particulari fallere amant,*
& iudi-

Et iudicium consulentis non leuiter arguunt; nam uniuersalia multas exceptiones habent, Et multas circumstantias requirit imitatio, ideoque sæpe nos fallit) consilia eruendo, & quæ non habendi cupidine, aut spe inani, sed magis possibilitate certa, beneque consulto, res metiuntur, *dum ratio appetitu superior est.* Aliquando enim suauitas agendi, aliquando rigor, aliquando vtrumque simul, vel demum nihil agere, sed dissimulare in tempus, & ferre malum, prodest: ne dum præcociter vnicum vitamus, multo maiora, immo plura incurran- tur, res irritando: vt hoc casu seruiat di- ctum: *Malum bene positum ne moueas.*

LXXXII. Ignæ nonnulli tum inque- tæ mentis, tum sibi non otari, sed age- re complacent, dum quieta, non sinunt quieta, aut nisi res turbent, & in aliena (quæ sæpe deuorant) inuehantur, se diem perdidisse suæque arbitrantur; & pro iniuria reputant famam potentiæ ex aliena iniuria aucupantes. Vt igne Sala- mandra, sic nonnulli asperis & discordia viuunt, *quæ alii flagitia, hi remedia vocant: In id nati, ut nec ipsi quiescant, nec alios si- nant.*

LXXXIII. Potius non videre te iniu- riam

riam, simula, quam dum vides, vindicare illam opus habeas, ne si agnitam molliter dissimulaueris, peius contra te in poste- rum peccetur.

LXXXIV. Si impetu in aliquid nouum fertur populus, cui resistere non possis, sa- tis penes virtutem habeas, si non assenti- aris.

LXXXV. Quæri exinde potest, quid securius, & in rem magis opportunum: an præcipui vnus, vel saltem aliquorum in Republica, an vulgi aucupari fauo- rem? Non disquirendo hinc illinc, con- stat, qui totos vulgi fauoribus se dedere, ab ipsomet vulgo proditos, oppressos. In cuius gratiam, cum omnia feceris, sem- per aliquid in maius vulgus requirit, vel ni sufficias, antea bene fecisse damno est. Quod vero maius, dum abutitur vulgus bonorum virtute & opera (semper eos casibus obiectando) facit velut indiscreti equites, cum bono equo læti, intemperan- ter vtuntur, & nimio cursu fatigant, non parcendo labori, nec alium substituentes, eum perdunt, quod in vitis Gracchorum (apud Plutarchum) obseruatum habeas, & ratio in promptu. Nam facilius pau- corum

corum genium noueris, parauerisque tibi fauorem, facilius gratiam demerearis, aut iratos placaueris, facilius cum paucis agas, suadendo, dissuadendo, orando facilius obtineas, dum se citius pro paucitate expedire possunt, decernendo. In multitudine secus, communitas frontem non habet, quæ non tam facile de malefactis erubescit, dum dispersim ignominia, in tot capita vadit, ad vnius vero Principis personam (non diuisim) tota infamia (eiusque posteros) directe spectat, eoque magis afficit. In populo deinde, diuersa sunt subiecta, inclinationes, affectus, studia, quibus impossibile ex æquo ut satisfacias, dum pro diuersitate ingeniorum, suspicantur vana, aut secus interpretantur, cum non intelligunt rem, plures vero pro malignitate. Offenditur quidem Princeps veritate, sed magis offenditur, & simul furit populus, vni dum places, alterum fere offendis, nam in amores, odium, æque facile vulgus fertur, non ut studiose velit, sed vno alteroue impellente. Quod vero grauius, si in aliquid bonum fertur populus, omnes volunt, nec omnes (vnus alium circumspicientes) curam adhibent;

adhibent; iam si nocere cupiant, quisque pro se manum studiose adhibet in vltionem; ad nocendum vniti ad benefaciendum tepidi & distracti. Ex eadem ratione forte *Machiauellus*, ingratiorem fieri populum censet, vnica Principis persona. Dixerim iudem, præstare fauorem aliquorum præcipuorum in Republica, (sed quem non per flagitia & obliqua demerearis) fauoribus vulgi. Addo super hæc, si non altioris alicuius boni, aut virtutis intuitu (quæ sola sibi ex conscientia recte facti præmium est) sed aucupandæ vulgi gratiæ & popularitatis, rectum aliquid in publicum facias, falleris. Sæpius odium pro gratia redditur: rem experram ipse habeo, quam loquor. Si profana parui sunt, en cape in rei documentum altiora, quia sacra; Nemini magis, quam operatori salutis *CHRISTO*, fraudi fuit populi plausus & gratia: hodie ut Regi, filio David, in vrbis ingressu, palmis & substratu vestium, in pompam triumphi, vias sternentis; mox intra dies aliquot subita mutatione crucifigendum petentis. Sic fere vulgus, cuius boni, aut prauī affectus, nunquam modicis continentur.

LXXXVI Afflictis palam condole, sed tamen sine iniuria affligentis.

LXXXVII. Honores non pete ipse, oblatos specie recusantis accipe, non multo exultantis animi signo, nec etiam tristi, vt ingratus, sed grauitate. Per amicos petiturus non ore tuo, pro fama modestiæ, tum vt videaris, *magis te posse officium gerere, quam nimis velle*, quod venustatem actioni imponit, & dantem magis promptum reddit. Vis adhuc altius, vnicam artem disce: non quomodo ambienda quæras, sed quomodo sorte contentus, non ambias vltra, pacatus: plura sic vtique (immo omnia) lætus contemnere potes, & quasi ex alto animi despicere, non omnia vero destinata, ambiendo adipisci, eoque de non habito tristis, & stans loco velut inferiore. Habet velut omnia, qui non vltra cupit, in animi mensura, non fortunæ. Sat satis habendorum modus.

LXXXVIII. Apertis horreis, leua pretia frugum.

LXXXIX. Nobiliores exules, tum a fortuna desertos excipe domo, & necessariis procura. *Alii diuidunt propria, & diti.*

ditiores sunt, alii rapiunt non sua, & semper in egestate sunt, inquit sapiens.

LXXXX. Pupillis honestarum familiarum, sumptus educationis prouide.

LXXXXI. Si a populo voce opprimaris, modestiam obice cum grauitate & reprehensione generosa, quam vt frustra acerbius contendas, vnus a multis facile contemnendus, nec alia tutius via, furorem populi euades.

LXXXXII. Miseris sis aditu facilis, & intentus querelis, licet subrustice & tædiose conquerantur, nam loquax vt plurimum dolor est, da bona verba, grauiam tamen potius, quam mollia, condole saltem, ni iuuisse sufficis, nemo vtique verbo pauper est, quod æque afflictis gratum, ac si iuuentur, aut secus nouam iniuriam sibi inferri putent, si transitorie audiantur. Princeps igitur, aut quicumque sunt viri honesti, in omni vitæ suæ actione, teneant recte agendi præceptum. *Nihil sibi esse salubrius, tum ad amorem populi parandum accommodatus, quam humanioribus responsis etiam infimæ sortis homines ab se dimisisse*; salua tamen grauitate, ne obuia facilitate vilescat.

LXXXXIII.

LXXXIII. Inter *militares* de armis loquere, inter *doctos* de virtute, doctrina, libro, honestate, personis, rem & sermones accommodaturus; *Hilares*, liberalius suauiterque excipias: *Seueros* aut *morosos* contractius, & breuibus tractabis, cum facile multi sermonis nauseam habent. *Ambitiosis* honorem deferens, reuerentius agendo, perinde ac si eos multi facias: Cum *modestis* & *sinceris*, simplicitatem dicti quæres, nam facile dolum suspicantur, si verborum inuolucris, & ambagibus affectatis vtaris: *malignos*, *astutos*, *leuesque*, quoad potes, vitabis, sed procul a notavitantis, ne offensos habeas; vniuersim vero, secretorum tuorum (loquendo) cautus eris: insuper inter *æquales* dignitatem ex paritueare, ne posthabearis, non tamen semper ad numerum, & Stoica grauitate, ne arrogantiae nomen parias: inter *inferiores*, faciliorem tui copiam præstabis, vt ameris, non nimius tamen aut effusus, ne satiætatem inducas, sed proprior grauitati. Erga *Superiores* nonnihil submissus te geres, non tamen immemor tui, verum *intra venustam generositatem*, nec vt abiectus, aut adulator, tum deformi obsequio laborans.

LXXXIV. *Meticulosorum ingenia* ingesto terrore, nec tamen sine condimento gratiæ, ad officium commodè rediges: *Generosos* secus, exacerbat terror, vt potius reddas obstinatior, aut alienes verius, dum eos, sic parare cupiisti, verum eos gratia, comitate, liberaliore conuictu (idque ad obsonii raritatem, non semper facili aut effuso, magisque adhuc grauitate agendi generosa, quæ reuerentiam personarum ingerit) tibi obstrictos pares. Verbo dicam, iniuriæ generosum irritant, mollem tum pusillanimum frangunt. Cum *mediis* aut *indifferentibus*, præsertim vero cum astutis; aut qui libenter insolescunt, adhibebis simul vtrumque, *terrent nonnulli, ni paucant*. *Morosos* denique & *intrusores*, lautior mensa, & aliquid pro tempore dando, tibi mercaberis. Rara tamen ingenia, quæ non hoc vltimo telo expugnare fas sit. Prout igitur hunc aut illum, ad tuum beneplacitum habere vis, introspecte naturam prius hominum, animi æque varii sunt ac vultus, vt agas, prout ad metum, vel generositatem inclinât, vel participat simul de viroque, vt quemque suo affectu aggrediari expugnandum, prout in aliquo hic,

aut

aut ille, magis prædominatur, metusne, cupido gloriæ, amor priuati commodi, publicum bonum, aut tenerior conscientia; obiectando dextre ad persuadendum, pericula, ignominiam, damna, iacturam publici, ingerendo scrupulos, & offensam DEI, & quæuis in contrarium, vel si faciant, omnia euentura in parte meliore: iam si omnino refractarii sint, recta sequendo, saltem in molliora quoquo modo deflectes, & concedes partem, velut Senecæ & Burrho visum, *ne utrumque NERO peruinceret, alterum concedere; vel certe euenet, (præsertim si cum generosis res est) vit negligent, si aliquid modo in speciem generositatis sibi concedatur, nec plane impugnari videant, alias nihil peruincere, seruire putantes; sæpe repeto: Hominum animi, sicut generosi equi, molli freno facilius reguntur.*

LXXXXV. *Qui amat accipere, negat nihil.* Non in priuatis modo, sed puta in publicis, facile habentur omnia, præsertim apud eos, quibus accipere dulce est; dum sunt semper venales & alienæ ministri potentia, immo mensarum placitorumque affectu. Non ex vano, inexpugnabilem urbem,

urbem, expugnandam facile credidit, in quam asellum onustum auro, intrandum didicit. Et Iugurtha, Romanum statum inclinari aduertit, debiteque illudit: *O venalem Romanam & mature perituram si emptorem inueniret, cum reperit plerosque ex curulibus, qui accipere oblata, non prompte recusarent, immo promptissime caperent, vendi sibi negotium amauit, cum venditores odisset, prodicionem, non proditores amaturus; viri ideo quicumque recti, etiam licite oblata, intra verecundiam, propiusque nolentes, acceptare debent, aut prorsus non acceptare, virtutis præmium in virtute quæsituri; hoc enim genus vitii, merita suauitatis condimento, facile insinuat se hominum sensibus, & leuiter modo tangentibus allinitur sine sensu. Facile qui accipit, facile dat sibi suaderi. Pessimum veri affectus venenum, sua cuique utilitas.* Merito pagina sacra rectos in populo viros, iudices, ducesque dum laudat, aut secus deprauatis dum succenset, his appetentiam munerum exprobrat, in illis contemptum oblatorum, velut solam rectæ popularis virtutis normam commendat. *Dixit Samuel ad vniuersum Israel (1. Regum*

gum (Cap. XII.) Loquimini de me coram Domino; utrum de manu cuiusquam munus accepi, contemnā illud, restituamque vobis. Et dixerunt: Non tulisti de manu nostra quidquam. Et Cap. VIII. Non ambulaverunt filii Samuel in viis eius, sed declinaverunt post avaritiam, acceperunt munera, & peruerterunt iudicium. Mirum dictu, quod peruertat veritatem, bonum publicum, & peruertat iudicium, qui propere accipit munera. Talesque hodie videas: In quorum manibus iniquitates sunt, dextera eorum repleta est muneribus (Psalm. XXV.) Potius igitur, non accipies munera, quæ etiam excæcant prudentes & subuertunt verba iustorum. Exod. XXIII.

LXXXXVI. Nullius artem reprehende, quod vel maxime offendit.

LXXXXVII. Multa in absentem statuuntur, quæ in præsentia non fierent, cura (si tute potes) ut dicendis de rebus aut statuendis ad sis præsens, cum auctoritate tua & amicorum, ne per absentiam conscientie facti arguaris, eaque importuna meticulositate, maiorem ingeras audaciam (æmulis) validius contra insurgendi, qui nisi tua imbecillitate fortes.

LXXXXVIII. Magnorum virorum diffidia, concilia, & mediatorem te interpone (etiamsi non vocatus) si auctoritate vales, sed procul ab importunitate, & sine alterius partis offensa, fac talia pro publico bono, & amore proximi.

LXXXXIX. Dum punis, priuatim puni, dum parcis, publice parce.

C. Habebis aliquem bonæ existimationis virum, qui pro te agat, & loquatur in publico, quam ut ipse pro te. Maior alienis dictis, in aliena causa fides, laudando vera, seu excusando liberius, falso imposita, tum opinatiua, & minortibi dicenti inuidia; quæ pro sua causa dicuntur magis ex necessitate propria, & pro animi passione, quam ex vero dici communiter creduntur.

CI. Quæ tibi aduersa acciderint, suppressime, aut tege lætis, prospera latius divulgæ.

CH. Sermones vulgi, velut nesciens ignarusque feras, prohibiti enim plures erunt quam veri, si prohibeantur, & nocituri.

CHII. Securitati consule prius, antequam vindicta, quosdam enim, haud tuto aggrediaris, ut cauere ab iis magis opportu-

num sit, quam ut aliquid acerbius in eos statuatur.

CIV. Iustitiam ama, & verax sis, quo magis fidem rebus tuis pares.

CV. Nonnulli dexteritati, tum prudentiæ, virtutisque suæ tantum fidunt, ut sponte sese coniciant in occasiones periculosas; negotia intricata, difficilesque conatus, supra vires aggrediantur, quasi in arbitrio sit, ex illis eluctari, tamque deferere promptum, quam irritare incepta, tum velut supra humanos casus constitutis, tum non errandi potestatem, sub imperio habentibus. Quod secus sit, dum tenemur potius a negotiis, quam teneamus illa. Non admittere vero occasionem, primus gradus est non errandi, de in posterior non errare. Ne DEUS quidem, dum probos vult nos fieri, peti voluit, quam *Ne inducamur in tentationem* quasi non peccaturi, si tentatio (id est mali occasio) absit. Non igitur quantum in nobis est, dubiis rebus nos volenter commitamus, ne apprehendamus plus animo vel manu, quam cui sufficere possumus retinendo, vel contra obluctantia constanter perseverando, nec sibi blandiatur

mens

mens, ut præsumptuosa opinione nostri, minus opinemur de virtute contrariæ partitis, dum volumus, ut eitemus occasiones errorum, immo ipsa mala. *Facilius aliqua non recipiuntur, quam exeunt, immo excluduntur venientia, quam expelluntur, dum fuerint admissa.* Qui admittit occasionem, admittit errorem.

CVI. Irasci, mala verba dare, ferire, nomini fidere, res quietas non sine re pro libitu agere, aut secus, in speciem auctoritatis desiderare, *Nomine magnifico seque otium levare*, in alios agendum opus conicere, superbire, tum inolescere, potestatem regendi nonnulli falso putant, cum alias suavitas agendi (prævia prudentia & cautione) rebus perficiendis totam possit. *Maxima flumina minimo sono labuntur.* Non tamen obsit rebus, sub irasci modice, intra gravitatem agendi, immo valde profit, ut viuacius in executionem urgeantur, *iram prudentem, esse cōtem fortitudinis*, non ex vano dictum, in consilium vero recte incipiendorum, sola prudentia cum deliberatione non affectata, ius semper habent. *Potestatem, cautis*

F 3.

quam

quam acerbioribus consiliis tutius haberi. Tacit.

CVII. Vitia hominum privatum publicæque, nihil magis intendit, quam cum male fecisse, ioci vicem habet, nec suspensio supercilio, sed excipitur cachinno. Exinde licentiosi, dum non timent DEUM, quod reliquum erat, excussa hominum reuerentia & pudore, male facere sibi complacent, vel dum in rectiores incurrunt, qui rigidiore fronte, tum verbo factum excipiant, indignantur, moneri nolunt, paucorum rigorem & censuram iniuriæ loco habent, dum plures iocoso intuitu, talia transeunt, velut approbantes. Moderni seculi, immo nouæ Politicæ ea labe est. Rigidæ priscorum Germanorum virtutis, non immerito causam annexuit Tacitus (de mor. Ger.) *Nemo illic vitia ridet, nec corrumpere aut corrumpi, seculum vocatur.*

CVIII. Non levis est prudentia *Moralis*, tum *Politica*, scire in suis domi, & ciuibus publice, quædam minora dissimulare, nec vetare, ne obtineas, vt peruincedo (quæ agnita vitari, nec coerceri possint) in peiora mala incurratur, ex iussorum & impunitatis contemptu, nisi aliquid fragilitati concedatur, velut profun-

fundissime sparsum Tacitus, tum alii. Nescio, annon tutius sit, quædam adulta & præualida vitia admittere, quam illud assequi, vt palam fiant, quibus prohibendo, pares iam non sumus, dum vero prohibita semel impune transcenderis, neque metus ultra, neque pudor est; Quædam tutius non prohibere, quam prohibita leuiter præterire, & fontem non accusare, quam accusatum non punire, nam euulgatus pudor, non satietatem vt multi rentur, sed incitamentum parit. *Coercitio plus damni in Rempublicam quandoque affert. Quam indecorum vero attrectare, quod non obtineatur, si velis? Quod nondum vetitum est, timeas ne vetere.* Tolerabilia sunt modica vitia, quam prohibitio, cui nemo paret. Mithridates continuo vsu veneni, naturæ suæ reddidit familiare toxicum, vt contra noxia induraretur: sic aliquæ malæ consuetudines, tum abusus consuetudine roborati, non tam obsunt Reipublicæ, (nam sæpe alterius virtutis interuentu, velut ad æquilibrium pensantur, & cum tempore conueniunt) quam præceptis correctio: prout violenta medicina, plus nocet ægrotis, & vim naturæ infert, quam ipse morbus

morbus, qui sensim utique conficit. Inter hyemem & æstatem, ver aut autumnus inest, inter diem & noctem diluculum, natura ipsa haud violenter, sed quasi per gradus, in mutationem se transferente; etiam virtuti horror imponitur, si seuerius se intrudat, non suauiter insinuet; cum tempore curandum, quod cum tempore inualuit. *Reptinæ nouitates sunt tanquam aduenæ & peregrini, quos admiratione plus, minus beneuolentia prosequimur.* Exinde nouorum Politicorum axioma vix improbauerim: *In seculis aliquando corruptioribus, homines industrios & satagentes, vsui magis esse, quam pro rigore virtutis nimium zelosos.*

CIX. Ne decipiaris, mature cogita, te deceptum iri. Sæpe diffidentia mater securitatis est, aut secus, si in vanis nimium scrupulosus sis, sæpe causa, inanis metus, nocet rei, nocet parandis amicis. Dubitauerim præterea, an modica calliditas, non sit in parte Politicæ prudentiæ, seu cautionis, pleno hoc obliquorum ingeniorum seculo, non ut circumuenias, sed ne circumueniaris, dum quemque pro suo ingenio scis metiri. Aliqui enim ita sunt incaute sinceri, si præsertim in blandiloquos & astu-

& astutos incurrant amicos, ut nihil sinistra intentione agi opinentur.

CX. Sis Politicus, non tamen ut te Catholicum esse obliuiscaris.

CXI. In priuatis publicisque negotiis, cum paucis vel cum populo, non semper idem tenor, modusque actionis seruandus. Dum habere probe cupis, verum secundum tempora, personas, immo cum iisdem personis, sed aliis occasionibus, rerumque circumstantiis modum agendi, variari necesse. Aliquando seueritas iuuat, aliquando eadem obest, sed prodest clementia & suauitas, aliquando munifice, aliquando parcius aliquos habere oportet, & dandi facilitas obest, tacere & dissimulare, nonnunquam exprobrare palam, aut tacito conducit. Aliquando properare aut cuncta perentibus statim annuere, aliquando differre in tempus, negare, difficilem se præbere, & graue supercilium monstrare, prodest, mollius aut austerius, cum auctoritate matura, vel submissius, familiariterque pro confidentia agendo. Nec CHRISTUS in sua Oeconomia, semper eundem agendi modum seruat, sed pro tempore variat; peccatricem mulierem ad pedes suos prouolueram

tam promptè admittit, peramanter aspiciat, bonum opus operantem laudat, eandem postea, licet pœnitentem, & in melius correctam, a sui amplexu arcet, seueriusque habet. *Mulier noli me tangere*, cum vtrumque intra peræqualem bonitatem ageret, illud intra summam clementiam, hoc cum Maiestate, non extra tamen gratiam, modo vario & causa, verum intra eundem amorem, dum simul arcet, simul solatur eandem, simulque honesto præficit officio. *Quid ploras? quid quaris? Vade ad fratres meos, dic eis loh. XX.* Dixerim, qui se aliorum exemplis, suæque probatæ semel praxi totos alligant, nisi aliquid in præsens mutant agendo, addant, minuantque, grauitè falluntur, potuit iisdem de causis, cum iisdem personis seuerior modus prodesse, cum quibus alio tempore, alio loco & occasione, nisi suauius agendo remittas de rigore, rem turbes, nec quod voluisti assequare, vti eadem vestis, non cuilibet corpori & ætati, sic praxis & exempla, tum imitatio, rebus & personis non quadrate feruiant, nisi pro tempore immutentur.

CXII. Animi constantia et ingenuitas iuuat in aduersis, superat inuidiam, arcet mala

mala: mollities secus, accersit periculum, cui vitam, animi fortitudo aut constantia non dabit, metus aut fuga rarius parabunt. Sic (apud Tacit.) accusati de amicitia Seiani, alii per molliem excusando, eo maiorem suspicionem sui cum mouissent, succumberentque in casu, *Marcus Terentius* ingenue quod verum erat, solus fatendo, constanter superauit intidiam, et euasit obiectorum pœnam, prout eius responsoriam, non sine gustu, et paranda doctrina legas apud Tacit. VI. Annal. Qui silentio tristi obiecta recipit, non modestia est, sed tacita confessio, aut iudicem tacite arguit scinitæ, quasi in maius defensione innocentia irritetur: qui autem negat, quod verè obiectum, seipsum accusat, non quod noluerit, aut de malefacto doleat, sed quod latuisse tantum expetiuerit, præsidium malitiæ ab occultis habiturus, immo metum prodit, ex facti conscientia et atrocitate, quod fateri veretur, non extinguit materiam obiectorum, sed irritat accusatorum æmulatorumque proteruiam, tum ad inquirendum et comprobandum ingenia, ne frustra obieciisse videantur, demum acuit

acuit audaciam, ut contra timentem grauius insurgant, inclinatum concitatus impulsuri in ruina. Qui secus ingenue fatetur, propius poenitentem est, ut doleat de obiecto, quod sponte agnoscit et corrigendum videt; dein, fortis utique animi signum est intuitu virtutis (sit vero, sit specioso) tum pro ingenuitate, aliquid dicto, facto, tentasse, non tamen malitiose, tum ex dolo, qui semper suspectior est, quam animi apertus candor. Non superbatamen debet esse facti confessio, nec velut exprobratio, quæ magis exacerbat, dum obstinatoris animi signum est, accusatorem et obiecta velut contemnens, sit potius, intra vultus verecundam amœnitatem, nec extra ingenuam modestiam, quæ innocentiae suæ (dum non turbatur) fidem facit, ac de clementia prudentiaque discernentis multum sibi persuadet; Aut si omnino deprecandum sit, non faciat tamen aliquis ut nimium abiectus, nec veste sordidatus aut squalidus, quod indignationem sæpe magis, quam miserationem mouet; verum faciendum ex memoria ingenuitatis et honesti. Sic, ut per varia casuum abeam (apud Thuanum) Joannes Frideri-

Fridericus Saxoniae Dux, victus prælio a Carolo V. Cæsare, et captiuus, cum pro nota rebellionis, decretum mortis, iussu Cæsaris adferri sibi videret, lusu latrunculorum tunc forte intentus, velut in aliena causa minime turbatur, Ernestum Ducem Brunsvicensem secum colludentem, simulque forti compatiemem constanter monuit, ut eo non obstante, lusu continuaret, suam innocentiam Cæsarisque clementiam, ea in parte sat pro se laboraturam, subiungens; qua infracti animi constantia, Cæsarem flexit, et periculum vitæ, licet non fortunæ, superauit. Sic apud Franciscum Guicciardinum (Histor. I.) Cum Rex Galliae Carolus VIII. (moto bello pro recuperanda Neapoli contra Arragonios) in Italiam cum exercitu se infunderet, ac forte per transeundum, a Florentinis, pro societate armorum et amicitia, in vibem receptus, contemptius eosdem haberet, condiciones aliquas grauiiores extorsurus, illi vero potentia Regis consternati, circa consensum tergiversarentur, solus Petrus Caponius, vir altioris animi, agendi constantia, rem animosque ciuium restituit, et Carolum plena generositatis voce, tum facto

facto, terruit, verba sunt Guicciardini (Hist. I.) Cum eius collega coram Rege stetissent consternati, atque a Regio scriba, compositionis capita iniquissima, scripto recitarentur, Caponius rei indignitate vehementer per-motus, libellos e manibus scriba abreptos, Rege spectante discepserit, & se abiturum prop-riens, voce concitata subiunxit: quando-
quidem tam iniqua postulantur, vestras vos instabitis tubas, nos campanas pulsabimus nostras, haud obscure innuens, eas contro-uerfias, mota plebe, armis esse decernendas: con-
stat, tanta fiducia verborum Caponii, terro-rem Gallis iniectum, secum reputantibus, tan-
tam in eo homine constantiam, non sine fidu-
cia alicuius paratae potentiae, & subsidiorum
esse; quamobrem, eo revocato Rex in equi-
tate, nec absens Florentinorum libertati desle-
xit. Sed cur vado per externa, cum ad-
sint domi exempla propria, idque in mea-
met causa. Cum per iniquitatem dela-
torum, recta plerumque civium vota in
sequiorem sensum trahentium, liberius di-
ctorum (ut fieri assolet circa libertatem)
coram Rege accusarer, ipseque ad interi-
orem Camerae me vocato, pro Maiesta-
te exprobraret, id, quod certe verum erat,

Augu.

Angustiae mihi undique, hinc mendacium
servile peccatum (si vera negarem) et
offensa DEI, illinc apertior offensa Prin-
cipis, si faterer, recollecta repente mente
in partem utique posteriorem peccare
malui, nec tamen apud pium Principem
peccavi, fronte ad amoenitatem (pro fidu-
cia constantiae, non extra tamen modesti-
am) composita, subiungens: Si qua a
me dicta, non profectum a malitia, aut in-
quieto ingenio, sed factum pro fiducia legis,
tum aequitatis, cuius assertorem pro Catholi-
ca pietate, ipsum Principem esse scirem; nec
mihi alias iurato Senatori, nisi cum lege lo-
quendum conveniret; cum igitur responsum
acceptandum, aut aperta lex, tum aequitas
impugnanda esset, quod nequaquam bo-
nus Rex apud animum pervincere potuit
(nam etiam iuxta populi libertatem con-
venientissimum erat) obiectio, intra in-
genuitatem responsi conquieuit; unde, uti
per cetera gestorum, alios sic eo casu,
me quoque publice ac privatim aequio-
ris animi, bonus Rex habuit praekonem.
Cessare debui, verum non extra materi-
am, vnicum adhuc constantis tum infra-
cti

cti animi exemplum apponere, Ferdinandi Arragonii Neapolitani Regis. Cum enim supra memorato Carolo VIII. Galliae Rege, victricibus armis Neapolitanam oram peruadente, ipsaque Neapolis vrbe, et Prætorianis cohortibus in victoris nomen desciscitentibus, Ferdinandus regnum deferere cogeretur, nihil spei relictum, quam ut cum paucis intimorum, relicta Neapoli, in Ænariæ Insulæ arcem, *Isleam* nomine, secederet, verum eadem infensa fortuna secuta in Insulam Ferdinandum, arcis enim *Isleæ* Præfectus, eodem quo reliqui Neapolitanorum morbo perfidiæ agitatus, in victorem Galum propensior, descendentem forte ex trirème, portas arcis occlusit: fertur, insperato perfidiæ spectaculo, consternatum prius, dein recollecta mente et spiritu (a desperatis et animi constantia consilio captato) paucis comitantibus, proximius portam arcis animose successisse Ferdinandum, ut partim mandatis, partim exprobratione collatorum beneficiorum, et exinde turpis perfidiæ, partim vultus Maiestate Præfectum flectere posset. Non plus tamen apud

apud perfidum ea valere, quam ut data nisi conditione, arce recepturum se Ferdinandum promitteret, si nemine comitante solus portam ingrederetur. Accepit ille prompte conditionem, non ut dissimulans, & exinde tacitæ offensæ suspectior, sed ut Maiestatis conscius, moxque adapertha porta esset. Tum vero in ipso portæ ingressu, non se Regem oblitus, ea confidentia, eoque vultu ac vigore animi, districto gladio in Præfectum & custodem portæ impetum fecit, ut satellites, qui armati in statione aderant, comminantis & imperantis simul Regis aspectu perterriti, extemplo portam aperuerint, reliquum comitatum recepturi. Quo casu manifeste apparuit, animi constantiæ, vel (ut Jovius ait lib. II. Histor.) Regum oculis, in omni fortuna, quandam supra humanam inesse vim, proditoribus autem degeneres esse animos, præsertim cum in ipsa perfidia deprehenduntur.



Pars Tertia.

POLITICO-MORALIUM.

I.

CONscios secretorum (etiam delinquentes) non habebis acerbius, ne irati prodant secreta, & res misceant.

II. Licet verum sit, nunquam conqueraris, quod male de te loquantur homines, aut enim cum senserint te offendi, peius loquentur in acerbiorē vindictam, aut denudaberis coram audientibus, de adversariis, cum non levi suspitione famæ; potius bona indulgentia fortunæ, dic, tibi satis amicorum, & bona de te sentire omnes, immo in præsentia tibi detrahentium, sinceritatem & candorem lauda, velut ignarus traductionis, ut consequaris, quod illi sinceri a te vocati, esse iuste velint, ne bonam de se opinionem amittant.

III. Cuique (sed præsertim in officio degenti) minima sui inobedientia, severius

ruius

Politico-Moralium Pars III.

rius observanda, ut minus serio imperata, sint in executione, quo maioribus iussis non ignaviter attendatur.

IV. Si quid in aliqua gravi materia difficile propositum, quod non statim intelligas, scripto consignari jube, aut prudentem ministrum delige, qui rem inquirat tibi sufficienter relaturus.

V. Nimiam magnorum comitatem, suspectam habe, nunquam te ille credet totum, non enim mutuo bono faciunt, verum suo, quatenus opera tua velut instrumento utantur, seposituri in partem, dum cogitatum perfecerint.

VI. Nonnunquam prudenter de gravitate & de jure demittere, necessum putabis, quatenus assequaris, quod voluisti, alloquendo prior, salutando, visitando, adeundo minores, familiaris in parte colloquendo, convictum eorum non aspersione, nonnulla dissimulando. Sed hæc modice adhibebis, velur obsonia rarioris fauoris, non ut lautitia perfusionis.

VII. Privatum otium, & exercitia tui cubiculi, sint gravia.

G2

VIII.

VIII. Spectacula generose edita, vt sunt ferarum nobilium certamina, hastiludia, in opinionem seruiunt auctoris, velut in *Laurentio Mediceo* observatum reliquit *Paulus Jovius*, qui in populo, tum apud exteros, æstimationem sibi parauit, magnanimitate expensarum, in honestos circum se clientes, in eleemosynas, obæratorum prompta subsidia, in equestres ludos edendos, in apparatus conuiuiorum, in colendos literarum Professores, in conquirenda quæ rara alicubi videbantur, quibus ille (verba sunt Jovii) ac præsertim munificentie auspiciis, longius famam suam extendit, quam quisquam alius æqualis, vel militarium armorum fulgore proficeret. Et vitam *Magni Consalvi*, apud eundem legas, quomodo in aula primum creuerit, dein apud milites, expensarum apparatu valuerit? omnium animos in se rapiendo, splendore pretiosæ togæ, armorum & convictus.

IX. Aliquid in tuis aut te ipso mutaturus, non uno ictu præcide, sed lenta opera, & quasi aliud agendo. Novitas enim & insperata sedulitas parit suspicionem.

X.

X. Patrii & antiqui moris, ac eorum, quæ populo placent, doce te esse amatorem, & imitorem.

XI. Non properet damna, sed lente, et sæpius dolens, propius ut libenter damnet, qui cito; immo pœnam infliges malis, non ex crudelitate et sævitia puniendi, sed ex æquitate discreta, corrigendo, non tollendo. Insigne senatus consultum in gratiam damnatorum factum Romæ. *Ne decreta Patrum ante diem decimum in ararium deferrentur, quo senatui libertas ad pœnitendum esset, & rigor interiectu temporis mitigaretur, idque vitæ spatium damnatis, ut prorogaretur* (Tacitus 3. Annal.) Hoc olim sancte in Ethnica Roma, Catholica nunc pietas, quidni plus requirat? Ante dies quindecim, in delinquentes ne decernatur, non inutilis mora sit, decretaque vt procrastinentur: Justa primo affectu, immo ab ratione, sæpe nobis videntur, quæ posterior dies arguat, si iterum decimoque inquires hæc, illave, falsa, imposita, opinativa, repetita, in trutinam vocando, præstat nocentium pœnam differre, quam (absit præcipitanter)

G3

ter) innocentem per errorem damnare. In quem errorem, ipse vix non impegi decernendo, scribo.

XII. Nunquam servilis sententiæ, auctor sis et fautor.

XIII. Qui vrgere negligit, habere non vult, non incipiendo, sed perseuerando res habentur. Eo prope collimat *Tacitus: multa ausis, aliqua parte fortunam affore.*

XIV. Sera experientia compertum habeo, eos qui prudentia dictorum et consilio valent, raro viles factis et exsequendo, dum satis habent ad rem bene gerendam apte consuluisse, aut a multarum rerum consideratione respectibus laborant, neque periculum sumunt agendi, aut dum aliquid obstat facto, agere dedignantur, quasi impugnare veritatem irati, cuiusdam (si dicere licet) *omnipotentia modo*, totum habere volentes, non vrgendo, non instando. Aut denique sit occulto naturæ arcano, cum aliis recte consulendi, aliis recte agendi, vrgendique modum dedit, ne fors aliquis supra humana attollatur, sed memor sit, huma-
na

na necessario aliquid ex imperfecto habere. Hos quidem cenſeo, consulendo viles, verum ad exsequendum, cordationes alios (qui non verbis, dictisque, sed magis loquuntur factis et rebus) adhibere oportet; seu (vt vulgus ait) sub cholericos, activos, non respectivos, quibus si aliquid obſtet, non terreri, sed impedita amouere, iterumque conari studeant, non cedere ipsi rebus, sed concedi sibi debere rati. Et Apostolus eandem vrgendi necessitatem suggerit, nec tentare modo leuiter (quod ex necessitate recti, habendum intendimus) sed instando animose (non tamen extra prudentiam) perseuerare docet. *Iusta opportune argue, increpa, obsecra, in omni patientia* & DOCTRINA. Audacia et actiuitas, tum constantia, sunt rectæ executioni fere parallelæ. Multi virtutem incipiendi, rari admodum finiendi, aut perficiendi, habent.

XV. Nemo fidenter rem gerere potest, qui non se maiorem credit eo, aut saltem parem, cum quo res intercedit, qui se inferiorem habet, timide aggreditur, ideoque parum ad rem proficit, intracta-

104 *Andrea Maximil. Fredro*
tractatu privato, seu in publico, circa
materias præsertim bellicas, togatas, ac
vel maxime in materia legationum, et com-
missionum cum exteris.

XVI. Publicam semper utilitatem &
religionem obtende, ne publico vsui, uti-
litatem priuatam, antepone videare.

XVII. Etiam non vestitos, comiter
alloquaris, & responde, procul tamen a
leuitate, & proiecta facilitate.

XVIII. Non velis videri, iocularis &
dicax,

XIX. Imbecilliores ad tuam opem
(sed ex iusto) confugientes, non deser-
tos patiaris, fidam enim operam præstant,
vide tamen, ne eo sub prætextu, flagitio
pollutis, liberum apud te asylum permit-
tas, & ex eo falsam protegendæ potentiam
præsumas, quæ nunc solum vera & glo-
riosa est, dum virtuti, non vitio patrocini-
atur.

XX. Pro diuinis maxime, & bono
zelo certabis.

XXI. Mutaturus sententiam, dic, uti-
litati publicæ te studere, non vulgi opi-
nioni.

XXII.

XXII. Non sapias ex ore tuo tantum,
sed boni consilii (& dictorum) quod e-
tiam ab alio prouenit, sis amicus & fau-
tor, quod est generosi animi, & virtuosæ
mentis signum.

XXIII. Qui super alienis prolatis quæ-
siunculis ludunt, verborum deprehensio-
res curiosi, nec acquiescunt recte dictis,
semper aliquid requirendo, aut rem non
intelligunt, aut sunt leuiculi, aut maligni,
aut contentiosi & garruli, aut genio præ-
sumptuosi, aut supra vulgi ingenium iu-
dicio valent, aut demum sunt fugillatores
stupidi. Si igitur quietus animo esse cupis,
fuge talium colloquia & conuiuium, dum
enim non finiunt, sed irritant materias,
exacerbant personas.

XXIV. In aduersis & desperatis, sub-
sidium ab audacia pete.

XXV. Consanguinitas magnorum ce-
dit in æstimationem, ideo per te, aut tuos,
eam quæres.

XXVI. Non rimeris secreta populi
(item amicorum) dandum aliquid liber-
tati sentiendi & agendi.

XXVII. Facta arguantur, dicta im-
pune

pune sunt, neque conuiuialium fabularum diſteria in crimen vocentur.

XXVIII. Parui errores non diſſimulandi, nam magnorum cauſa ſunt, *a venialibus facile itur ad mortalia.*

XXIX. Vno tempore multa ne ſuſcipias agenda, non enim perficies, & argueris incepti.

XXX. Non cogita, quomodo effugas mala, ſed quomodo ſtes fortis, & immotus contra, creſcunt ſi effugas, minuentur, dum ſubiſtes, poſſibilius vero ea ferre, tum contemnere, quam vitare.

XXXI. Defectus aut vitia corporis, tum fortunæ, immo iacturas omnes, prudenter tege, nam læta pariunt reputationem, triſtia contemptum.

XXXII. Monſtra aliquo per virtutem facta, tuam potentiam, immo & prudentiam, vt innotescas, vel ſi potentiam monſtrare non potes, ſaltem impotentiam defectusque, occultare ſtudebis, occaſiones quæ detegant vitaturus, vt bonam opinionem retineas, veteri monito: *Quod non poſſumus, nolle videamur.*

XXXIII.

XXXIII. Probationes eorum ſunt ingenia, circa res priuatim publiceque gerendas, qui cum omnia præſtare non poſſint, media bona exſequuntur. Illi vero (licet alias optimi ciues) minime probantur, quibus ſi non ſucceſſerint prima, media non arripiendo, per immoderationem animi dedignantur, rebus, ſibi que iſtis irati. Fac tu potius, non quod optimum velis, ſed quod melius in defectu mediſſimum poſſis, accommodando te ad tempus, mores, occaſiones, prout ſe offerunt, nam optimas occaſiones exſpectando, non aſſequeris, poſſibiles vero omittes, nihil præſtaturus, pro otioſo habendus. Muſicorum artem imitari præſtat, cum ſublimis notas numeroſe, cantu aſſequi non poſſunt, octava aut quinta (vtique) voce vel tertia imitantur tonum, modo ne a recto canentium choro, & modulo deſlectant, neque concentum turbent. Iudicioſi ergo viri, quæque oblata caſu, flectere ad conſilium. Verum in conſiliis capiendis, *illud plerumque nos decipit, quia non quid poſſit, ſed quid fieri debeat, aut neceſſe habemus, facile euentu-*

rum

rum credimus. Et respicimus consulendo, quod contra est, nam potius quid possit fieri, non quid debeat? prius cogitandum.

XXXIV. Aliena invidia diffamare ipsi student, qui detrahentium dicta recensent, apage cum talibus præcautoribus amicis.

XXXV. Quod tibi seruit in æstimationem, potius per te fiat, quam ut alteri faciendum permittas in Republica, facere pacem, nationes componere, magnas legationes obire, graua responsa dare, & alia.

XXXVI. Imperaturus aliquid nouum aut difficile factu, ab iis exequendum incipe, quibus maiorem tui obseruantiam inesse credis, atque metum, ne si ab audaculis primo & contumacioribus exequendum velis, atque illi primis imperatis per temeritatem resistent, etiam modestioribus, pertinaciam reluctandi ingerant. Iam secus quod a modestioribus inceptum, ad se perueniente ordine (ut iam non nouum) exsequenur, etiam qui fecerunt, in executionem instantibus, ne hi posteriores obsequio videantur.

XXXVII. Nulli te facias nimis sodalem.

Gau-

Gaudebis minus, sed minus dolebis. Immo turbam hominum (quoad salua gratia potes) vitabis, quia præsens, aut necesse imiteris alios, aut oderis, vtrumque autem deuitandum est, ne vel similis malis fias, quia multi sunt, neue inimicus multis, quia tui dissimiles sunt. Verum hoc supra humana ascendens mentis, et est animi DEO se præparantis.

XXXVIII. Cum omnia possimus, sola credamus licere nobis laudanda.

XXXIX. Diu secretus delibera, ne pudori sit, frustra tentasse, cito vero deliberatum fac, ne præueniaris.

XL. Licet aliqui recti sint ciues, et pro Republica zelosi, plerumque pro impatienti rigore & immoderatione animi, curando aut exprobrando, plus nocent Reipublicæ, quam ut proficiant. Potius (opinione saltem) videantur sibi boni ciues, quam ut vitia exprobrando, conscios errorum reddas, ut scienter peccent, cum assuefacti retrahi non possint, vel dum periculorum remedium, ipsa pericula rentur, & periculosius putant incepto, quam in peracio deprehendi. Re-

cte

cte quidam in Catone, optimo alias ciue, moderationem desiderauit; et Cicero de eodem: *Cato animo optimo utens, ac summa fide, nocet tamen interdum Reipublicæ, dicit enim, tamquam in Platonis Politia, non tanquam in Romuli sæce sententiam.* Si igitur in ea Republica viuatur, quæ deprauata sit, inutiliter ad quæque attendere scrupulosus velis, nihil effecturus, quam ut inutili angore conficiaris, nullo fructu in publicum; ab aliis, si potes, deflectendum, alia ferenda, alia non videntur, ac potius curabis, ut quoquo modo temperes mala & errores, quam ut toto corpore, te illis opponas, nunquam suffecturus. Noli igitur Catonifare, verum sæpius remittes de rigore, immo & de potestatis Maiestate dissimulationique studebis, quod non est infamare auctoritatem regendi, sed esse prudentem, simulque bonum, parentem & filios, non herum & subditos, regendo cogitare.

XLII. *Nascentis seditionis, tum audaciæ, patientia & modestia, magis est irritamentum, quam remedium, secus, dum adoleuerit, cauta & mollia, remedii loco magis succedunt.*

LXII.

XLII. *Prouide mature, ne populus rerum necessariorum, ac vel maxime annonæ penuria grauetur.*

XLIII. *Periculosos conatus, quos non potes auertere agendo, potentia, imperio, manu, vel soluere ratione, eludes commodissime tempore, differendo, de die in diem trahendo, moras nectendo, impedimenta studiose obtrudendo, ut interim impetus agendi, quoquomodo sistatur, vis hebetetur, ardor desinat, qui nisi initio intenditur, alias minus potens. Non sis igitur ager mora, spei impatiens, periculi quam moræ patientior: Ingratum habens quod tutum, sed ex temeritate spem capiens. Velut argute quibusdam censuit Tacitus.*

XLIV. *Sis taciturnus, facias potius, quam loquaris.*

XLV. *Sta semper verbo, ne fidem factorum dictorumque, in posterum amittas.*

XLVI. *In componendis priuatim publiceque rebus, dum media non valent, extrema proficiunt, sed tamen non extra metas virtutis.*

XLVII.

XLVII. Initia officii seu Magistratus, a magnis rebus tractandis incipe, (quo magnam expectationem factorum facias) sed quæ in te sint perficiendo, ne arguaris.

XLVIII. Viles plerumque, qui nimium (nec cum gravitate) ciuiles; Et viles, qui nimium faciles.

XLIX. Monstra, te a nullo dependere.

L. Ludicris rebus et leuisculis, ne occuperis, ne amittas auctoritatem.

LI. Interdum secedas et secretus sis, hoc enim parit expectationem, quid pariat tuum secretum.

LII. Cum nullo velis te [vt aiunt] indomesticare, nimia familiaritas parit contemptum, potius fac omnia, velut primum inchoaturus, ex eo gravitatem retinebis.

LIII. Non sis præcipitans aut valde lentus agendo, illud leuitatis, hoc est ignauitæ.

LIV. Quod facis, fac semper exquisitissime, Magis male tentata nocent, quam nihil gesta.

LV.

LV. Non opineris, sed scias.

LVI. Magna incepta incipe a diuino sacrificio, benedictionem Dei, et in vulgus apparatus maiorem inceptorum habiturus.

LVII. Non multa fac, sed magna et notabilia.

LVIII. Tunc veram tibi inesse potentiam credes, quæ a te ipso fulta erit, non ab alio.

LIX. Potentia tuetur auctoritatem, ideo quærenda in munita domo et milite.

LX. Potentia rectius beneficio ostentatur, quam maleficio, beneficia Regia manus, flagitium coloni vnus præstare potest.

LXI. Virorum literatorum et æstimatorum, tam domi quam ab externo, per literas (aut quouis alio modo) notitiam quære, interdum modicis munusculis, per occasionem eos deuincies, quatenus nomen tuum celebrent.

LXII. Non solum ad mores tuos aduertas, sed etiam tuorum, vt honesti sint, gravitatem redoleant, non fastum, immo per omnia modestiam.

H

LXIII.

LXIII. Male de te loquentes (immo pessime tibi volentes) vinces humanitate et affabilitate, velut nescius traductionis, potius, quam ut te omnino auertas.

LXIV. Non in ciuitate, sed prope ciuitatem manebis, ut omnibus conueniendi tui necessitas sit, partim ut commodius honesto vtaris secessu, (sine censorum) dum velis.

LXV. Sine ostentatione monstra, quæ in laudem tibi seruiunt, apte obseruatum reliquit Historicus in illo Romanorum, *Mutianus, quæ dixerat feceratque, arte quadam ostentator.* Quæ venustatem rebus non demunt, sed potius parant, si ante accomodentur, familiariter fidenterque (sine ostentatione affectata) agentibus, secus faciunt personæ theatrales et mutatae, quæ cum rectum aliquid in præsens egerint, exuunt deinde scenam, cito ad naturam rediturae. Ostentatio igitur modica pro tempore, si forte vitium sit in *Ethicis*, non certe in *Politicis*, nam famæ parandæ et auctoritati conducit, si cum venustate fiat; Postquam aliquis familiariter (velut per incuriam) ostentauerit,

H2

H

quod

quod in sui laudem seruit, deinde in iocos, et nonnullos erga seipsum censuras, arte declinet, nam vere, modestiæ titulum affectando nimium per omnia, laudatque neglectim intermittendo, maiore damno occultamus, quod in æstimationem nostri seruit, cum non modica famæ parandæ iactura. Nec semper succedat (apud eos præsertim, quibus per exteriora viros metiri & æstimare mos est, velut Samsonis olim, in capitis capillo vires, his effusio in barba, auctoritatem magnorum requirentibus) quod Iulio Agricolæ; (apud Tacit.) *ne notabilis celebritate & frequentia occurrentium esset vitato amicorum officio, noctu in urbem venit, cultus modicus, sermone facilis uno aut altero clientum comitatus, adeo, ut plerumque quibus magnos viros per ambitionem æstimare mos est, viso aspectoque illo, quærent famam pauci interpretarentur.* Et Otho parandæ militari auræ, ante signa pedester, incorruptus, famæque dissimilis. Verum conuenientissime hic ponatur, quod Gramondus (Histor. Gall. lib. 1.) ait: *Principi Sueffonio a plerisque pro naxuo data, sui æstima.*

H2

stimulatio, at levis hic naevus viro principi, qui si dotibus animi valet, cur diffiteatur, naturæ donum? Principibus, conscientia virtutis propria, nunquam vitio vertitur, quippe raro in res magnas via est, per sui despectum; Multum interest Principem inter & privatum, illi ad famam omnia dirigit, modicis, quod vitium huic, sæpe illi virtus, quod homini privato superbia, Principi magnanimitas est.

LXVI. Legationis splendore, paratur reputatio apud externos, magis tamen legatio ponderatur a prudentia viri.

LXVII. Impertinentes tuas actiones amputabis, ut feriis magis attendatur.

LXVIII. Novarum machinarum bellicarum, et aliarum structurarum adinventio, parit æstimationem.

LXIX. Non congregiaris cum eo sapius, quem maiorem te credis, ne auctoritas tua ex comparatione vilescat.

LXX. Academiæ fundationes, aut quod publico servit usus, parandæ servit æstimationi.

LXXI. Ecclesiæ procures, tibi deinceps habes, nulla enim te potentius, capiuntur

untur aut habentur homines, quam religione, provocabis vero amicitiam, iura & ordinem tuendo, cum iis conuersando, Eleemosynam largiendo, incepturus vero magnum aliquid in Republica, cura primo, Episcopum aliquem (e potentioribus) partium habeas fautorem.

LXXII. Eos nonnunquam negligentius curari oportet, qui tua cura subsistunt, seu sint filii, seu clientes, domestici, seu milites, dum enim ad tuam curam respiciant, negligentes sibi redduntur & amittunt industriam. Necessarium igitur maiori ex parte suæ curæ ut relinquuntur, discantque sibi in parte providere, & acuant industriam, alienæ curæ non in tantum se committentes, quin plus a sua opera expectent.

LXXIII. Nulla munera aut officia, ignaro te distribuantur, ne alteri, sed tibi beneficium debeat.

LXXIV. Aliquis vir bonus nobis diligendus, pro exemplari virtutis, ante oculos habendus, imitando.

LXXV. Principi viro, honestius putata offendisse, quam odisse, hoc mollis ac
in

in se ipsum scævientis animi, illud vti que fortioris altiorisque mentis indicium, mal- le sibi vti que ex alio, quam de se iniuri- am vindicare, caue tamen vindictam.

LXXVI. Aut rem non tentate oportet, aut si tentas, omnibus viribus quod insti- tuisti, coneris perficere, nam bis ad eun- dem lapidem offendi periculosum, & con- temptui obnoxium reddit; dum argueris impotentia, & inconfiderate incepti, nisi alias in cursu operis aduertas, te non re- ctum opus cepisse, tunc vero desistere, vile & gloriosum tibi putabis.

LXXVII. Excelsi animi est, nunquam in acerbitates verborum deflectere, factis se vindicabit vir fortis (pro virtute) non verbis.

LXXVIII. Ad retinendam auctori- tem valet, si habeas penes te viros æsti- matos, doctrina & rerum gerendarum dexteritate valentes. *Et qui in vulgus grati.*

LXXIX. Nihil impossibile pete aut impera, neque impossibilis, (exequendo) legis auctor sis, cum impossibilitas factum excludat, posse non satisfieri legi, docet,

ut primum lex, dein auctor legis contem- natur. Falluntur ideo, qui parvis de- lictis, maximas poenas statuunt, aut pro- hibent fieri, quod difficillime vitari, aut iubent, quod impossibile fieri potest, nisi in exsequenda lege, in tantum sint (cum rigore) scrupulosi puniendo, atque in ferenda lege, fuere vrgendo: Nam si v- nius poenam intermiseris, reliqui intermit- ti sperabunt, aut (pro multitudine delin- quentium & consensu) immunitatem ob- tinebunt. Possibilia ideo & tolerabilia petenda, vetanda, iubenda omni in tra- ctatu, œconomico, bellico, rogato, faci- lior consensus in obsequium, penes possi- bilitatem.

LXXX. Nemo perfectam habere po- test auctoritatem in Republica, nisi qui togata simul & bellica consilia probe tra- ctat, in curia & in castris, suarum parti- um aliquos habiturus, ab altero suaden- do, ab altero vrgendo, & modice territan- do potens, quarum duarum rerum maxi- mus in Republica respectus, etiam si ali- quis non terreat, verum quia pro poten- tia potest, vim necessitatis suadendo audi- enti adfert.

LXXXI *Ingenia vniuersalia*, raræ gentes, rara pariunt secula; rari ideo sunt, quos suspiciat orbis, aut si sunt, pro magnis habet, nam multam in gentibus possunt; vti habuit Alcibiadem & alios Græcia: Scipionem, Pompeium, Iulium Cæsarem Romæ; iam ætate posteriori Hispania, Magnum Consalvum; Polonia *Joannem Tarnouiskium & Joannem Zamoyiskium*, iidem magnos, vel certe si toga bellicæ facta penderes, vere Consalvo maiores (sed prout nostra septentrionalia, ab oculis altioris Europæ, etiam a scientia tam admiratione remota, præsertim cum nostros scriptores, pro negligentia aut pro modestia, talia orbi propalare ad posteritatis admirationem piget) dicendo facundos, simulque agendo promptos & potentes, priuatim bonos facultatum æconomos, tamen non suspensio supercilio lautos, liberales, ciuiles, & extra leuitatem comes, cum grauitate amoenos, toga & sago per omnia rerum momenta (*incipiendo & finiendo*) expeditos, nec leui ex respectu de sententia mobiles, publica priuatis antepponentes; *suarum æque ac aliorum recte consultorum, non super-*

superbos sectatores, amicitias parare scientes, domi & foris in omni apparatu & conuictu magnificos sententia in toga graues, simul præterita, instantia, futura, consilio pensantes, fortes in bello Duces, acquirendo & retinendo, aut cunctando vincere, aut dum ex re oportuit, committere prælia promptos, per statarias pugnas, velitationes, campo & expugnandis ex arte vrbibus expeditos, ad comoda ex hostium erroribus capienda vigilantes, militaris disciplinæ seueros exactores, externorum societates parare gnaros, grauitatem in omni actione seruare scientes, & simul (vt ait ille) *comitate & alloquiis officia provocantes*. Patriæ morum & institutorum tenaces, quod vero summum & maximum, actione non insolentes, sed ciues pacatos, non aspernantes æqualitatis, iustos, pios, zelosos Diuinorum cultores, simul & propugnatores, demum (Velleii dicam verbis) viros in tantum laudandos, in quantum virtus intelligi potest. Qui in vita sua nisi laudandum, aut fecerunt, aut dixerunt, aut senserunt. Quisquis alias te magnum venditas, si tibi vnicum horum deest, extra vniuer-

vniuersale ingenium, & extra magnorum famam positus, aliqua in parte virtutis politicæ poteris esse perfectus, sed non vniuersim agendo magnus. Vnius partis in virtute, non omnium.

LXXXII. Nonnulla sunt ingenia, quæ nisi in magnis negotiis se explicare possunt, & potenter agunt, in paruis (dum contemnunt, vel angustos limites agendi habent) velut victa, & nihil valentia impingunt, implicantur, vt sæpe, cum magna fecerint alias, in paruis arguantur, cum æmulantur naturam magnorum nauigiorum, quæ super altum mare triumphant, & fluctus contemnunt, in portu aut in lacunis, velut nihil profutura, hærent, vt a paruis Myoparonibus præternauigantibus illudantur, illudendi ipsi, nisi essent in paruo, alias agere impotentes. Immo communiter fit, vt parua negotia, magnis ingeniis plus difficultatis adferant, confundendo verius sua paruitate, quam vt supra vires sint, dum sunt similia, tensis ferarum retibus, quæ Tigrides Leonesque capiunt, non quia ligant, sed quia implicant, & molliter involvunt, impediendo verius, quam vinciendo. Ad

dam

dam adhuc; Iudiciosos viros, breuiloquio plerumque & modestia gaudere, vt audaculis sciolisque (dum in consulendo, multa loquacitate obstrepunt affectate, & suffurata apud vulgus Principemque auctoritate substruuntur) cedere quodammodo, velut inferiores aut inscii videantur, nam sunt *decernendo* (seu asserendo, vel censendo) quam *disquirendo aptiores*, & pondus rei pensant, non sonum, ratiocinationum superfluarum sunt nauseatores, nec in mediis dubiorum hærare amant, cum recti iudicii indulgentia, sine flexuosis sinuosisque indaginibus, scopum ipsam rerum, prompte probeque vident, vel vt clarius dicam, magis *positivo* & *præctico*, quam *scholastico* aut *speculatiuo* sensu abundantes.

LXXXIII. Nec illa ingenia omittenda, quæ tum nisi potenter, zelose, aut secus leui passu rem aggrediuntur & agunt, prout irritantur vel non, aut priuatus respectus illis adest, alias tentant modo leuiter, dein negligunt, dum euenit, velut vris, quibus nisi exagitatis, maxima vis adest. Exinde sic agere, non est ex virtute, sed

sed magis pro impetu, pro affectu & pro animi passione, prout in nobis hæc aut illa irritatur, & inualefcit. Talia ingenia commodissime maligna vocaueris, aut priuatipeta, aut passionata, aut communiori titulo, *Affectata*.

LXXXIV. Misce vt partim quæras amicitiam, partim tua quærat, vt acquirere eam, non emendicare, aut profusa submissione vel cura, emercari videare; Ingrediaris potius, non irruas in amicitiam, affectate.

LXXXV. Si tibi amicus aut cliens in vno non satisfecit, aut ad palatum non accessit, potius similes occasiones vita, non vero statim per omnia desere aut abicere, in rem enim aliam, poterit esse utilis, nam perfectæ virtutis hominem, quo in orbe quæres aut inuenias? ad rem meam Diuus scriptor. *Non indignabundus feras aliorum defectus, quia & tu multa habes, quæ ab aliis oportet tolerari, si non potes talem te facere, qualem vis, quomodo poteris alium habere ad tuum beneplacitum? libenter habemus alios perfectos, & tamen proprios non emendamus defectus, volumus, quod*

quod alii scribe corrigantur, ipsi tamen corrigi nolumus, displicet larga aliorum licentia, nobis tamen nolumus negari, quod petimus, alios restringi per statuta volumus, & ipsi nullatenus patimur cohiberi. Omnia potius omnibus parces, tibi nihil.

LXXXVI. Neminem lauda aut vituperas absentem, peiora enim illi de te narabuntur, immo non fac in præsentia, laudatum superbum reddes, vituperatum aut reprehensum, per rigorem amittes amicum, cum te censorem magis agnoscat, quam familiarem.

LXXXVII. Sed tamen vituperatum defende magis, quam vt assentiaris, de se quisque expectaturus, quod facis de aliis in præsentia.

LXXXVIII. Alloquendo, quærendo, consilium petendo lentus sis, nec quasi sedulus, ne omnia tribuisse amico videare, & contemnaris, quasi nihil per te valiturus, potius quandoque in tempus seponere, non tamen diu negligere in pretium amicitia.

LXXXIX. Reprehendendum amicum priuatim admone honeste, sapius vero, quasi

quasi nescius, dissimula, pro amicitiae libertate.

XC. Partim locum superiorem da, partim tibi cape, parem te teneas, non inferiorem, aut supra.

XCI. Iocos vita, qui leuitatem pariunt, sed tamen affabilitate fouetur amicitia. Falluntur, qui sub nomine affabilitatis, licentiosis disteriis, *aequivocationibus morosis*, tum verborum affectatis argutiis, facetorum, iucundorumque famam parare sibi cupiunt, dum potius scurrarum, cauillatorumque titulum merentur, DEUMque offendunt: utendum erit iocis, sed qui non perpetui sint, verum per incuriam velut attracti, condimenta sermonis & obsonia, non perpetuus ad nauseam pastus, ne vice solatii, fastidium pariant, praesertim dum in iocando, aliqua pars odio digna habetur. Iocus sit, sine scommate, sine alterius damno, sine dolore, sine leuitate, secus non iocus erit, verum exacerbatio contentioque studiosa.

XCII. Si offensus sis, reprehende, aut parum te auerte, post obliuione sponte occasi-

occasionem amicitiae, & facilitatem; aut per alium insinua, ne difficultate reconciliandi, auertas amicum, & amicitiam suffoces.

XCIII. Familiaribus aut intimis alicuius, per te aut tuos innotesce, da bona verba coram, de eo, quem amicum credis.

XCIV. Iuua omnimode afflictum amicum, ut bene illi tecum esse videare.

XCV. Plures amicos quaere, doce te plures habere posse, dum velis, neque tibi satis sit, vni alligari.

XCVI. Cura ut maius pretium in amico sit tuae amicitiae, quam in te amici, & monstra dum potes iuando, consulendo, plus illi tecum interesse, quam tibi cum illo.

XCVII. Non admitte superbam censuram amici, ne superiorem agnoscas, etiam ipse noli censurare, nimius rigor suffocat, libertas sentiendi, faciendique fouet amicitiam.

XCVIII. Potius apertum inimicum malis, quam dissimulanter amicum, ab eo prouidere potes, ab hoc vix caueas, sed hoc

hoc inter pares: vere dictum, *Arma aperta palam vites, fraus & dolus occulta, eoque ineuitabilia.* Malis tamen utique, alteri esse dissimulanter amicus, quam aperte hostis, specie amicitiae, multis superior esse potes, & iniurias illatas, honesto praetextu atque occasione coercere, (sed intra metas virtutis) aperta hostilitas similem ab aduerso prouocat, plerumque studio praeueniendi, periculofam.

XCIX. Caue ne in quenquam conferas beneficium, quod cum alterius iniuria coniunctum, non enim taliter mereberis de illius amicitia, quam huius prouocabis in te odium.

C. Nunquam [quoad tute & prudenter poteris] contemptum tui donabis, etiam amicissimo, statim responde, vanum ea in parte *discretionis nomen*, leuior iactura amicitiae, quam existimationis, illa reparatur, haec nunquam, amissa, sed tamen fac, modice reprehendendo iniuriam illatam, non vero acerbius vindicando.

CI. Non vero ad quamlibet iniuriam amici emouearis, quae per inaninaduertentiam illata, eo casu illatam quasi non intelli-

intelligere debes, scio quidem, moderationem istam animi, non omnibus esse probatam, qui praesertim putant, nullam iniuriam sine sensu transmittendam, metu ne si veterem iniuriam feras, inuites nouam, verum tales, cum reddere formidabiles se cupiunt, hoc simul efficiunt, ut nemo cum illis habere commercium velit, cum enim labi, prona gens mortales simus, & subinde affectu, seu incogitantia abripiamur, quisque metu offensa, istos odii tam properos tenacesque fugiet, ceu bestias feroces, solitudini relinquens suae. Sed tamen iniurias per petulantiam insultandoque factas; exemplo cum fiunt, coercendas puto, non ultionis studio, sed castigando, ut in posterum modestius in te, & in alios se gerant, neque in te ipsum postea eo facilius peccetur, quasi ex facili omnia tolleraturum.

102. Nunquam amico aut inimico (quod loco magni consilii habe) aliquid de te acerbius dictum factumque exprobra, sed quasi nescias.

103. In evitandis mutuis iniuriis, aut retorquendis acerbitatibus, imitere prudentes digladiatores, qui concurrento, non semper oppositu armorum, adversum istum retundere opus habent, sed apte corpus suum in partem declinando, aut humiliando, aut contrahendo, vulnere subtrahunt & vitant, ut illud suæ fortitudini, sic hoc non decori, sed arti tribuendo. Tu quoque haud prudenter facias, si cuique acerbitati, auctoritatem opponere, & in periculum dare velis, potius te ab iniuria recipienda declinabis, aut receptam velut nesciens, aut (cedendo fortunæ) medius inter dissimulantem, humiliter feres, condonando fragilitati, aut antiquæ amicitiae, aut inanimaduertentiæ, aut temporis, aut occasionis, immo ipse tibi, ne, dum retundere vis, nec tamen possis, eo maius vilipendium in posterum patiaris. Nonnullorum vero sociorum est natura, quos velut duros filices, molli subiecto pulvillo comminuas, & in rem, prout velis, apres, diutius exceptos, haud contundas,

sic

sic illos, facilius nonnunquam humanitate, quam oppositu austeræ gravitatis devincias, prout alterutrum succedit, in rem dextre accommodaturus. Aptissime in rem (sparsum) Seneca. *Aut potentior te, aut impotentior læsit? si imbecillior? parce illi, si potentior, tibi: prudentiori cedamus, stultiori remittamus. Amicus est? fecit quod voluit inimicus? fecit quod debuit, multos absolvemus, si cæperimus ante iudicare quam irasci. Nonnulli se ipsos volentes inquietant, dum interpretatione quædam eo perducunt, ut videantur esse iniuriæ, cum non sint, immo quosdam dum vana concitaverint, irascendo perseverant, & causas offensarum sponte a longe petunt (immo imponunt) ne videantur cæpisse sine causa. Multa nos iniuriæ transeunt, ex quibus plerasque non accepit, qui nescit. Non vis esse iracundus, non sis curiosus.*

104. Meliorem esse surreptorem administrum, modo prudentem dextrumque agendo, quam inertem, licet alias fidelem; potiora ut auferat, ruborem vtiq; ille habet, hic totum pessundat per inertiam. Rem certam dico ab experientia.

105. Præmiis retinetur amicitia, verum præmia bis sunt dulcia, dum promittuntur, aut cum dantur; promitte tu prius, postea interiecto tempore dare poteris, bene ait ille: *Diu desiderata, dulcius obtinentur, cito data vilescunt.*

106. Pueris feminisve quæstus, viris actio conuenit, aut saltem dissimulatio.

107. Prout ingenium nostrum, in hanc aut illam, recti prauamque partem naturaliter inclinatur, hæc aut illa exempla, tum consilia, promptius sequimur, aut fugimus, ut velut lupum auribus tenere, tum aquæ characteres imprimi contendas; sic quosdam in hoc illudque inducere contra genium naturalem, frustra enitaris, flectuntur in tempus, sed non transferuntur, nec franguntur, dum velut in scena, mutuatam pro tempore personam, diu sustinere non possunt, cito ad naturam reitari, *vulpem pilum mutare non mores.* Consilia magnanimitatis, generosæque mentis conatus, si *meticulosi* suggeras, promptius illi (dum timent) exempla dissimulationis, in speciem cautorum

&

& modestiæ amplectuntur. *Parcis*, tenacibusque, munificentiam, viles erogationes, splendidos pro auctoritate apparatus, suadere frustra studeas, sed rationes turpis parsimoniei, sub velamine inutilis prodigalitatis, & decoctionis bonorum, promptius illi sequuntur. Deinde *trucibus ingeniis Clementiam*, humanioraque quid proponas frustra? cum illi in seueritatem nimiam, importunumque rigorem, sub imagine iustitiæ, & correctionis malorum, proniores. *Lenta*, cautaque dein *temerariis*, suggeras paruo effectui, dum in argumentum audaciæ constantisque animi, incaute, præcipitanter, inconsiderate, periculis se committunt, male ceptis persistunt, *errant, non prouident.* Avaris quæstuosisque ingenis, *recti honestique legem* (ut ad famam præcipua rerum dirigant) non persuadeas, cum sub velo civilis accepti, licitorum, tum necessitatis in illicitos quæstus deuoluuntur, cum decipiunt ipsi, non deceptos se tunc aiunt, astutiam (ad iniuriam virtutis) prudentiam agendi &

I3

cautio-

cautionem vocantes, vel demum prout natura hominum iu hanc illamque virtutem aut vitia, pronior est, facilius aut secus difficulter inducimur & suademur. (*Vide notationes meas Politicas puncto XII.*)

108. Circumspecti cautique viri per omnia, magnis rebus gerendis valent, nam lenta & prouida, summæ rei proficiunt, verum negotiis minoribus, aptiores, qui nimia consideratione non laborant, quæ sæpius obest, aliqua enim impetu, & sorte promptius habentur, nec (si hoc illudve curiose circumspecias) quod in rem est, assequare. Dubitatio de euentu (ex nimia consideratione) plerumque animum inuoluere amat, opinione periculi, & diffidere facit, illud modo considerandum, ne quod intendis, contra rationem sit, contra formam recti & contra conscientiam.

109. Dandæ consolationis, tum componendorum animorum, non melior ratio, quam fateri iustum patientis (sit animi, aut fortunæ, sit corporis) dolorem,

dein

dein adhibere dextre lenimenta ex casu humanorum, & instabilitate fortunæ, quæ eodem passu vadere nescit, esse causas doloris, nec deesse remedii, tum solatii. Animi dolorem interpretatione quandoque maiorem reddi, corporis morbos tum fortunæ casus, augeri longa imaginatione, aut nonnunquam sola opinione, verum ad melius consilium, præsertim vero ad *Diuina*, & nostri iustam pro demerito pœnam, sæpe reuocandus animus. Qui secus componendis acerbitatibus aut doloribus, remedium putant, negare iustam causam doloris, falluntur; nam sic directe pugnant in affectum patientis, velut mollitiei aut iudicii eum arguendo, nec ideo sanant morbum, verum, (contraueniendo) in maius irritant animum. Potius ingenue fatendum, *iustam doloris tum offensæ subesse causam*, sed modum habendum. Atque sic est recte condoluissè, simulque probum se amicum profiteri velle, dum eadem lance dolores, qua ille ipse qui dolet (nec leuiter contempnimque) pensamus. Con-

14

ceden-

cedendum nonnihil ægritudini animi, & præconceptæ opinioni, ut iuuisse infirmitatem dolentis, compatiendo, non impugnasse studiose, immo condemnare (*dum non pro dolentis parte loquimur*) videamur. Laudo peritiam aut argutiam, medici cuiusdam Poloni, cum in ægrum nobilem incidisset, diutino capitis dolore agitata, ex eoque infana imaginatione profectum ut sonum campanæ, dein campanam in cerebro sibi enatam obfirmatus animo asseueraret, negantibus possibilitatem morbi aliis medicorum, & ægrum insanix arguentibus, corporis simul & animi dolorem auxerunt: verum ille argutior, reliquis abire iussis, velut medendi inertiam exprobraturus, indignabundus, nouitati morbi longa oratione condoluit, promptitudinem curandi simul offerens. Interim æger, assentiri medico, prehensare salutis patronum, simul fidenter, animum & corpus (superaddita pingui satis curationis mercede) offerre curandum. Exinde medicus, opinioni patientis nonnihil indulgens, comparata

parata subtilissimo artificio modica nola, vomitorias poriones ordinauit, tum vomentis caput, in speciem compatiens sustentans, supposita pelui nolan manu aptissimi occultatam, cum sonitu, cadere fecit, vomitu velut è cerebro prouocatam, ut imaginationis insolentiam simul & morbum, nouæ artis commento, demeret ægrotanti. *Sape dolimus aut offendimur, quia offendi nos putamus.*

II. In omni actione dubia, maius in eam partem peccare, quæ utique corrigibilis, quam quæ corrigi nequitiam potest, aut saltem in eam, quæ minus damni, dubique habet. Vetus dictum, *Inter duo mala minus eligendum.*

III. Quæ non potes tuto conseruare aut assequi, licitis artibus contentione, litigii, vel fortioris manus, interpositis dextre amicis & agendi auctoritate, adipisci conaberis, meditationis, & securæ, honestæque pacis artibus; deinde protractione, dissimulatione, meliore occasione, & (res sensim emolliendo; perficies in melius, mora, vel saltem adlaborabis, ut in

maius nocendi, media, & potestatem, alteri parti quomodo prior auferas, audax, cautus & prudens. Artibus pacis, rem dum aggredieris, semper habes in potestate, ad artes rixarum bellicue, ut pro commoditate (dum velis) recurras, secus in contentionis campum, dum temere te dederis, extra potestatem iam erit (sed nisi pro arbitrio fortunæ) pax & quies ut statuatur, æris profusio, periculaque ut vitentur. Per omnia igitur prima sit tibi artium mediationis, (quoad supersunt) *Pacis* id est cura, rixa, partiumque collisio, semper sint ultima, & ex summa necessitate. *Velut in militari- bus meis, quæ propediem fero, artes pacis, bellicue, fusius dabuntur.*



POLITICO-MORALIUM.

I.

NUnquam proba vires, & armorum exercitia, etiam laceffitus non exerce, videaris tamen exercitatus, ad retinendam opinionem sciræ dexteritatis.

2. Non verbo contende aut disputa, sed quod sentis, sine affectu narra.

3. Cum iis non contende, neque mo- ue litem, quibus potentia impar es.

4. Ciceronis præcepto. *Amicitia quæ non placent, dissuenda magis quam discin- denda, quasi dictum velit, ut lente sepo- nas amicitiam, & ab alia dissuescas, quam ut contemptim abiicias, illo enim modo, saltem cessabit amicitia, hoc vero para- bitur inimicitia, ex contemptu sui, per præcipitem auersionem; Non statim igitur mutabis stylum amicitia, ut sal- tem familiaritates sint sepositæ, non inimici- tia susceptæ.*

5. Si vera alicui loqueris, dic neque te pro conscientia dicere aliter, neque illum aliter facere posse, obtende pericula, ni fiat, malle te veritate (cum salute amici,) displicere, quam placere assentatione cum periculo; libertatem interim sequendi (velit nolitve) propone.

6. Non statim petis aut intercessionem amici annue, etiam assensurus, deliberaturum te ai, ne ille sibi totum te vendicet, & facilitate amittas auctoritatem, aut dependentiam (ut aiunt) agnoscas, gratius item venit beneficium a deliberante, quasi non a leuitate, profectum, sed a ratione.

7. Non vnum amicum in consilium voca, sed plures, ne vni tribuisse & te credidisse totum (quo superbum reddas) videre, aliquando studio præteri.

8. Talia loquere coram amico et cliente, quæ diuulgata, pudorem aut metum non incutiant, vere ait ille. *Ita amicum habeas, ut fieri inimicum putes.*

9. Nunquam totalem tui fiduciam habeas, sed verearis potius, in secunda fortuna

tuna amicos parabis, in aduersis pro subsidio habiturus.

10. Nunquam te aliter amico vni credes, ut partem securitatis, aliunde tibi non relinquant.

11. Multis ex similitudine morum est amicitia, sed hanc circa honesta quæres.

12. Aduersarii aut hostis, diuersa sunt nomina. *Aduersarius* vitio nostro nobis aduersatur: *Hostis suo*, ut aduersarium vites, te corrige, ut hostem amoueas, illum corripere oportet.

13. Pileo et comitate, multi parantur amici, et facilitate aditus, *vili emitur, qui pileo & familiari verbo emitur.* Mauritiū Auriaci Principis dictum.

14. Facetiis abstine, quæ ubi multum ex vero traxerunt; acrem sui memoriam apud amicum relinquunt, sed tamen in sermone, nimium intensa verborum seueritas, aut triste supercilium vitandum, quod loco grauitatis, nomen morositatis aut superbæ parit, nisi ciuili honestaque comitate utaris.

15. Non omnium quandoque rerum scien-

142 *Andree Maximil. Fredro*
scientem te simula, agendo otioso similimus.

16. Antequam aliquid promittas, cogita impedimenta, quæ occurrere possint, an difficile sit præstatum? an sine tui alteriusve fastidio fiat? ne post pænitet at promissi.

17. Non sis properans in delectu amicorum, nec statim ac affectus ducit, inimicum pectus aperi, lucteris cum affectu volenti, vide prius, an virtuosus, an constans, an taciturnus sit, *an tuus, non tuæ fortunæ amicus.* Sunt quidam simulate virtutis (quæ omni malitia deterior) facie non animo boni, *habitu & ore* (Taciti utar verbis) *ad exprimendum imaginem honesti, exerciti, cæterum animo perfidiosi, & subdoli, avaritiam & libidinem occultantes.* Politice et ingeniose nequam; qui eo prodigaliter amicitiam obligant, quo magis violant, quærunt amicitiam, sed quam ad suum commodum referant, quæ alias inter bonos, reciproca probatur, nihil debere se aliis, sed ex superbia deberi sibi totum rati; colloquuntur familiarius, sed venena tantum exsugunt verborum,

Polonico-Moralium Pars IV. 143
borum, conuersantur; sed qui nisi reprehendendum vident, cum totum damnare non possunt, nævum studiose quærunt, aut per malitiam adstruunt bonorum factorum cæci aut ob. iusissimi, detrahendi tantum memores, nunquam minus amici, quam cum amicitiam ostendant, sub specie amicitiae, quemque facile inuadentes, et quibus, si resurgat, exemplar bonæ virtutis *Cato*, non se tuto credat. Quidni tales fugias? aut saltem probes prius, nisi sapiant venena melle vincta, ut minore damno feras titulum solitarii, melancholici, vel (si familiaritatem vites) fastuosi, quam ut familiare et intimum pectus aperire velis, tamen a nota vitantis.

18. Aliorum exemplo metiaris amicum, si alteri fidus erat, si non decepit, si aliorum famam recte coram tractat, prope est, ut idem tecum sit.

19. Parum Melancholici, in amicitiam deligendi, modica Melancholia propius constantiam est, effusa lætitia prope levitatem; sed plerumque falso nomine Melancho-

lancholiam nuncupamus, dum potius grauitas morum vocanda, aut si licet illa, prudentibus viris, per honestas actiones pellere illam, in potestate semper est, præsertim dum adhibentur in amcenitatem conuietus, amici et faceti conuietui clientes, verba et sermocinationes, in materia graui, seu circa priuata, conuiuæ, musica, latrunculorum et chartarum lusus, histriones scenici, deambulatio nemorum, hortorum, aut ueratio, balnea, nauigatio, uenatio, equitatio, hastiludia, iaculationes arcuum, scloporum, tormentorum ad metam collimatio, res œconomica, architectura palatiorum et fortalitorum, tum modicus secessus, *causa pietatis*, vel prætextu expediendorum negotiorum publicorum, in quam rem seruiunt domorum abdita triclinia, et recessus, demum lectio librorum, præsertim vero Historiæ, si ad geographicas tabulas reducat, tum Geometria practica, distrahunt otiosum tempus, nec leuiter recreant animum. Insuper (idque maximum) temporis iusta diuisio, in singula

singula negotia, tam seria, quam quæ ad amcenitatem conuietus, fallunt diem, & melancholiam pellunt.

20. Qui necessitate ad amicitiam tuam compulsi, ab aliis repulsi, aut a te commoda sperant, illi haud durabiles in amicitia, vide ergo, ut sponte amici fiant, non ab alio respectu, sed tamen *occafio* nobis sæpe parat amicos.

21. Pares tibi in moribus quæres amicos, si sapias. Ex dissimilitudine morum non solum disiungitur amicitia, sed noua paratur offensa; Quid cum amico conuenias? Si tu melancholicus, ille hilaris, tu domesticus vel solitarius, aut affectata grauitate stoicus, ille liberalior, publicam lucem amans, tu de libris, ille de equo, arcu, bello loquens, dum ueretur quisque, ne multa ingrata, tristitia minusque popularia, aut necesse ferenda in te, aut imitanda sint, igitur penitius (& sine complacentia) naturam reuolue prius; vere definit amicitiam ille, *ut sit mutua ac beneuola animorum sibi similitum, in bono consensio*. Raros exinde
K
videas

videas in orbe veros *amicos*, licet multos habeant ad conuictum *Sodales*.

22. Si in familiaritatem incurrant homines audaculi, verbo & ioco impetuosii, ac prope importunitatem, fere eandem faciem indue, iocum ioco solue, media tamen cum gravitate, & acceptam acerbicatem dissimula, vitaturus, posthæc congressum (verum procul a nota vitantis) nulla enim re magis in leuitatem incurres, quam a talium familiaritate sociorum.

23. Si in magistratu tibi posito, morosi aut importuni allocutores occurrant, quærulando, petendo, multa garriendo, utique non acerbè, loquentes excipies, sed modeste (morositatem eludendo) respondebis, rem esse tanti momenti, quæ in aliud tempus differatur, commodius audienda, nostri partem interim, cæteris quoque audiendis deberi. Absit vero, ut aliquem effusis pollicitationibus trahas, vel ludifices, modeste potius comiterque excusabis, non facturus, quam ut mentiaris, eo plus odii & leuitatis postea para-

para-

turus, quo magis placere voluisti, inani-um pollicitator, vnde simul impotentiam tuam prodas, dum præstare promissa non poteris,

24. Grauiiores sæpè succrescunt offensæ, post reconciliationem, si dissimulanter reconciliaberis, præstat quandoque amicitiam in tempus differre, ut interim omnis materia offensarum, amoueatur.

25. Importuna excusatio, est accusatio sui, vel alterius opportunissima.

26. Intimo amicorum, immo neque uxori, secreta Reipublicæ reuelanda.

27. Sint tibi certi dies, quibus cum domesticis clientibus liberius colloquaris, nec asperneris quandoque hilariorum (*media cum gravitate*) conuictum, nam illa tristis sui Heri, perpetuaque obseruantia, alienat per modica domesticorum affectus, ut leuius quandoque ducant, non munerari, quam negligentius præteriri, præsertim illi generosioris mentis, quos tenacius per humanitatem habeas, quam profusa liberalitate (in cætera superbus) pares. Non clientum

K2

modo

modo, verum sanguine iunctorum, bonos erga te parabis affectus, & arte quadam humanitatis retinebis, medius tamen inter elatam grauitatem, interque (ad obsonii raritatem) familiaritatem effusam, nam secus si oderint, acerrima sunt proximorum odia, maximeque *inimici hominis, domestici eius* (Math. Cap. V.)

28. Mordaces alicuius (vel populi) sermones, non magna vehementia, sed ingeniose refutare, vel potius per iocum, aut tacendo, eludere debes.

29. Commissurus aliquid tractandum alicui, causam non refer, verum serio iunge, & posce operam; vel si refers rationem, non tuum priuatum commodum sapiat, sed publicum, ac proinde exsequens, quo libentius commissum exsequatur.

30. In gerendis negotiis, vtilior est opera eorum, qui ad tuam opem & liberalitatem respiciunt, quam qui beneficiis iam a te onerati, ideo quodcunque agredieris opus, & socios perficiendæ rei quæris, fac eos aliquid vtilitatis exinde sperare.

31.

31. Non semper secretus sis, sed aliquando popularis, parandis amicis, sine quibus nihil præstatur. Non hab eas vero amicos, qui non quæris, quæruntur, non quærunt. Immo quærunt popularem.

32. Mordebis neminem ore, calamo, vultu, accusabis neminem, sed potius modice laudabis quemque pro merito virtutis, non velut ille (apud Tacit.) *Optimum quemque iurgio laceffens, & respondenti reticens, ut pauida ingenia solent.*

33. Ea occulta vis linguæ & verbis inest, vt seu amando, seu offendendo plus in animis hominum posse verba, quam facta, re ipsa experiare, ideoque *gravius maledictis, quam male factis exacerbamur, & difficilius contumeliam perferimus, quam damnum*, male facta dolorem, maledicta contemptum nostri ingerunt, qui altius ferit, quam dolor, nim in animum intimum pugnat, & in mentem, ille in corpus tantum, aut quod est, circa. Tum e conuerso, gratiora sunt generosis pectoribus bene dicta, quam bene data, vt fere

K3

inter

omnes actiones (si amicos parare cupis) in verba prius quam in facta (& linguae magis, quam manuum operationes, nam lingua altius quam gladius ferit) intentus esse debeas, seu quid acerbi, seu quid grati, auribus & animis hominum efferas, quae est honesta ad capiendos hominum animos fallacia; recte ait quidam: Lingua modica pars corporis nauium gubernaculo similis, in cuius paruulo motu, totius nauigii regimen, immo salus & interitus vertitur. Minore utique impensa obuenit, multa bene dixisse, quam multa dedisse: Verum si vtrumque recte adhibeas, pluribus felix eris amicis. Adde, *acerbe facta vim inferunt, atque ideo terrent simul offendendo*, ut necesse metum cuiusdam venerationis, seu respectum sui incutiant, acerbe dicta, dum inermiter exacerbant verius, quam offendunt, odium, non terrorem mouent, ac proinde inermis irae contemptum, tum indignationem apud audientem pariunt, cum audacia maiore in ultionem. Sic Germanos olim terrebant Romanorum arma,

&

& officii admonebant simul, postquam vero sub *Quintilio Varo*, ab armis, ad inermem verborum conflictum, & litigiosa ventum iurgia, quasi ad reliquam iniuriam id summum adiceretur, implacabiles ideo facti, nec astimatis amplius legionibus Romanis, eas oppressere. Ait *Florus* (lib. IV.) *Germani postquam tristes togas, & sauiora armis iura viderunt, duce Arminio, arma corripunt, &c. Vnius causarum Patroni, os sicutum, recisa prius lingua, quam in manu tenens Barbarus. Tandem* (inquit) *vipera, sibilare desine*. *Ferdinando Arragonio Regi Neapolitano*, secus, non maius argumentum fuit Neapolim recuperandi, quam cum accedente ad urbem victore, *Carolo VIII. Galliae Rege*, publice valedicturus Neapolitanis (Gallorum partes aperte secutis) suauissima eos Oratione allocutus, ut eius sermonis, ob idque æquioris animi memoria, postea desiderium in Neapolitanis excitaretur, *Ferdinandi reuocandi*, Gallo relicto, a cuius Praefectis, inhumanius tractabantur (*Franciscus Guicciardinus Histor. lib. I.*)

K4

Sic

Sic præstat, etiam erga nos male affectis (quos punire aut cohibere non possis) bona verba dare, penes moderationem animi, quam pro impetu asperius tractatos, in maius exacerbare, nullo in rem tuam commodo. Præterea in sermonibus *non semper* (ut Didaci Savedræ ad plenam loci doctrinam per diuersa casuum, monitum includam) *formulis aliorum ordinariis. Et generalibus responsis utendum, hæc enim cum dantur omnibus, satisfaciunt nemini, nec parum affligit mentem animum, si responderi sibi videat, quod norat iam ante, quodve prius etiam, quam proferretur, ad supplicis aures peruenerat. Nec semper audiat Princeps, roget interdum, nam qui non sciscitatur, de re plane cognoscere non potest. Inquirendum igitur, ut status causæ penitus perspiciatur. Iuste succensitum olim Vitellio, qui breui auditu, quamuis magna transibat, impar curis grauioribus.*

34. Non minus prudentis est viri, scire quod dicat, quam quid taceat, sæpe (importune prolato verbo) multa bene
incepta

incepta, in aduersum iuere, præsertim si efferatur, quod suam partem ab aliqua coniectura prodere, aduersam vero præcauere, aut temeritatem prouocare possit. *Recte Æmilius Probus: Opportune tacere, non minoris est prudentiæ, quam diserte loqui.* Eorum præsertim, qui alto honoris gradu subsistunt, sunt *alata verba*, amant facile in vulgus deferri, ut præstet, opportuna quandoque tacere, quam obliquas *Cortesanorum* interpretationes experiri.

35. Titulos inusitados sperne, oblatos modice excusa, nam sunt prope inuidiam.

36. Iudicaturus lites, nihil profer præter decretum, ne affectus pro altera parte colligi possit, quod erit extra inuidiam. *Exiit personam iudicis, quisquis amici induit.*

37. Si aliquid detrahunt tibi homines erige potius animum, sciens, æmulam magnorum esse inuidiam, meliorem esse utique acerbam inuidiam omni amica commiseratione, sed vide, ut intra metas virtutis hæc habeas.

38. Contemne linguarum calamarumque vulnera, & vinces, nullum illa lœdunt, nisi volentem, verum is contemptus ex animi generositate & conscientia propriæ virtutis, non ab ignavia proveniat, velut de Nerone Suetonius. *Nihil eum patientius quam maledicta & conuitia hominum tulisse, vel contemptu omnis infamiae, vel ne, fatendo dolorem, irritaret in peius ingenia.* Sic fere incorrigibiles dum sumus, obiecta flagitia, non pudoris, sed ioci loco habemus, vnicum nonnullorum studium male agere, dein factum excusare. *Impius cum in profundum venerit, contemnit. Letantur cum male fecerint, & exultant in rebus pessimis.* (Proverb.)

39. Cedendum aliquando furori populi, quam obfistendum, tacendo multa diluuntur.

40. Vide, ne alium statum quam populus tener & amat, spirare videare, idoque commodis populi studere te monstra, iuuando loquentes, in aduersis compatiendo.

41. Etiam aliquando infra genus tuum

um te abiice, nec mensam populi fuge & conuictum, de Augusto Tacitus: *Populare credidit misceri voluptatibus vulgi.*

42. Liberalem te præbe, rebus non potes? nemo verbis pauper est; nemo tristis a te recedat, nulli tristem faciem, & rugosam frontem monstra, etiam ex iusto negaturus.

43. Auaritia & parcitas, egregie facitis (ac proinde bonæ famæ) obstant, non amicitias ciuium pares, non clientes habeas, non seruitium publicum, pace aut bello probe tractes, quin aliquid erogare necesse habeas, quod parce erogantibus, quo grauius fit, eo remotius a bonâ fama absunt, immo re ipsa malam habent, fere eo collimat dictum: *Qui parce seminat, parce & metet.* Liberalitatis igitur in conuictu & Munificentia (erga clientes tum amicos) nomen, modo tamen extra prodigalitatē naturam, egregius quisque vir sibi parer, honeste erogando, in argumentum obtinendi amoris primum, dein habendæ auctoritatis inter ciues. Sed liberalitatem dum exerce-

ercemus, ex riuo hauriamus oportet, non ut fontem ipsam exsiccemus: Qui per ramos carpunt arborem & fructum, sequenti ætate, renatos iterum colligunt, qui secus ad radicem securim admouent, ipsam, fructumque nunquam rediturum perdunt, sic erogationes honestæ, proportionatæ, planeque inexhaustæ sint, quæ ex prouentu, non quæ ex alienatione fundorum, tum originalis boni (*sola perdendi cura*) apparantur, nam alias cito desinant. Is igitur impensis diu sufficit, qui *ex ramo* (dicere si licet) *non ex trunco viuere studet*. Quæri exinde potest? quare fit, ut auari parentis successores, plerumque prodigales fiant? vii fuit Caligula post Tiberium, Antonius Caracalla post Seuerum Imperatorem, & alii passim; ratio in promptu, Dum paratam inueniunt gazam & opulentiam (ex aliena opera) per totum habent, ingenerari necesse ex dudum præparato, nullam sui & suorum in præsens curam (nam quæ non peperit sibi, quisque minus amat, cum propius

prius labor magis pensatur, alienus uti gratuitus, lenius habetur) sed potius ex remissione curarum corruptelam, ut sit primum malus usus gazæ parentum, dein luxuria, tum insolentia, exinde aliorum contemptus, postmodum veniat (modo sine vulnere) egestas.

44. Audacissimum quemque e plebe, beneficiis vince tibi obstringe, dum senseris, quibus capiatur, virtuosos tamen & modestos, in amicitia interiori præpones, hi dum pro virtute agunt, rectum semper constanter, & sincere faciunt, illi sæpius insolescunt, & modestiam in amicitia facessunt, nec debere se, sed debere sibi totum volunt, deuincies tamen tibi illos, *non ut profint, sed ne noceant*, imo prodesse poterunt pro tempore, si recte utaris. Argute in rem Velleius (lib. II. histor.) *Brutum amicum habere mallet, inimicum magis timeres Cassium, in altero maior vis, in altero virtus*.

45. Ab asperioribus verbis caue, verum mollioribus utere, etiam non laudaturus

daturus, etiam reprehensurus.

46. Negatio mollibus vestita verbis, gratior est tristi morosæque largitione.

47. Potius odia lenitate (humanitate admitta) vincuntur, quam mutui odii pertinacia.

48. Iterata beneficia fortius stringunt, velut repetita vincula fortius innectunt, ideo frequentia potius, quam magna confer, quo diutius dando sufficias, nam vere homines, beneficiis passim vtuntur, ceu floribus, tam diu gratis, quam diu recentibus, marcescit eorum memoria, nisi sæpius dando renouetur. Sæpe vero dare non sufficias, si magna simul dederis. Deinde scias oportet, cariorem esse cuique modicam recompensam, pro virtute & merito, magisque debere gratiam exinde datori, quam quoduis magnum donum, in obuios petitores effusum, hoc enim accipiendi modo, non ad virtutem nostram, sed ad fortunam, liberalitatemque conferentis, honos refertur, illi priori, vtrumque simul pensatur, & munus, & quod maius est munere, virtutis

tutis nostræ æstimatio, cuius esse quisque sibi conscius, & ab aliis pensari quam maximum cupit, vel secus improbari, grauiter inoleat. Immo illo posteriori modo, est sæpius inconsiderata largitio, ne dicam effusa, prodigendi facilitas, mollis animi partus, illo vero priore, dantis prudentia, vera liberalitas, & meritum illecebra vocatur.

49. Haud firmam amicitiam aut diuturnam parari crede, quam dando retines, ni adhibeas, cum reuerentia tui auctoritatem. Vere ait ille: *Quis magnitudine munerum, non morum constantia amicos sibi parat, meretur magis quam habet.* Cum enim satis acceperint, quantum opus habent, aut benefaciendo deficias exhaustus, vel saltem nisi auaræ expectationi, magnitudine dandi sufficias, reiciient te, nec amplius curabunt. Fundamentum ergo parandæ & retinendæ amicitiae penes virtutem & auctoritatem morum (cum reuerentia tui) pones, beneficia vero, & comitatem habebis, velut pro condimento tenacius retinendæ.

Pecca-

Peccauit in eo Iulius Cæsar, cum omnia petentibus amicis ex facili concederet, quæ aliquando prudenter recusari poterant, vnde plures amici eum confecerunt, quam inimici, quorum non expleuerat spes insatiabiles, tanta enim nonnullorum amicorum importunitas, vt quamuis multum acceperint, iniuriæ tamen loco habeant, plus accipere potuisse, dum facilitate obtinendi, assuescunt esse *petaces*. Idem in Galba reprehendit Tacitus (*Histor. I.*) *Hantes in magna fortuna amicorum cupiditates, ipsa Galbæ facilitas intendebat, cum apud infirmum & credulum, minore metu, & maiore præmio peccaretur.* Ignis, ambitio, tum auaritia, nunquam dicunt satis, plus apposueris, plus semper inflammantur. Caue ideo assuescias amicos importunis petitionibus, obuia facilitate concedendi, potius nonnunquam petentibus humaniter recusa, non quod præstare nolis, sed in aliam occasionem differendo, vt dissuescant importunitati, *assuescant repulsæ*, ruborem petitionis habituri, nec aliter istos

Petaces

Petaces vitabis, vel potius *instar* generorum equorum, amicos alendos, non saginandos studebis, obesi non tam expediti, verum segnes, ad tuum libitum ferendo labori.

50. Inde enascitur prudens monitum, ne amicos, tum domesticos clientes, quorum opera indiges, spe præmii in factum prouoces, aut facere aliquid assuescias, potius negotium propone, & operam amice require, vt pro necessitate officii factum aggrediantur, exsolutori de sua virtute expectationem. Si vero aliquid daturus es, non in recompensam offer, sed ex beneplacito, adiecta post præstitum opus mora, quod enim in recompensam datum est, non obligat in futurum accipientem, sed soluit debito recompensæ dantem.

51. Non tantum de amicis & clientibus dictum esto, sed de stipendiariis militibus, ne prudens Dux assuesfaciat milites recompensæ, potius officia militaris virtutis & obsequii requirat, prænam propositurus non facturis, quam

L

præ-

præmium alacribus, quod offerendum tamen, sed ex insperato.

52. Qui rem bene habere vult, rei perficiendæ sit diligens curâtor, *potius in negotio, quam post negotium, malefacti operis seuerus exactor*, quid iuuat puniuisse, aut reprehendisse, cum tamen res male facta manet, nec renocari potest, prodest quidem correctio in posterum, sed in præsens damnum habetur. Eo prope collimat Tacitus dum ait: *Præstat officiis (seu negotiis) non peccaturos præficere, quam punire cum mala fecerint.* Prout certe rem non aliter probe assequaris, quam si apte negotiis præficias, non qui superiores, neue qui sunt inferiores, sed qui officio proportionati, & velut e condicto pares. Illi primi, officium commissum, infra capacitatem dignitatemque sui habebunt, illudque negligent, nec offerenti gratiam debebunt, sed potius offendentur, iudicio parui muneris, velut contemptos se ægre ferentes, secus item inferiores, dum non sufficient munereri, rem agendam pessundabunt, ut iudicii arguaris, qui imparibus agenda contu-

contulisti, volens tui ipsius deceptor, velut si Myoparoni piscatorio, classis nauarchum præficias, aut obuio remigi, prægrandem quadriremem curandam si committas, hic per inertiam regendi, eam perdet, ille muneris vilitatem contemnet infra dignitatem habiturus. Vel perinde superuacaneum fiat, ac si magno pedi, paruum calceum induere contendas, vel secus toga virili, vestire infantem (onerandum potius, quam ut ornatur) velis, in hoc turpi excessu, in eo peccaturus defectu. Oportet igitur, secundum genium cuiusque (prout in artem agendi hanc aut illam natura inclinat) munera cuique committantur, non vero e contrario, Togata, viris bellicis, Prouincialia, maritimis; ludicra, senis & grauibus; iuridica tum forensia, ruralibus: amœna, tristibus: turbulenta pacatis; laboriosa, delicatulis; regenda, obedire nisi & subesse aliis commode scientibus, intricata, non expeditis & hæsitantibus: Religiosa, politicis. Denique (repetito dico) parua, ingeniis magnis,

164 *Andrææ Maximil. Fredro.*
paruis. Satis prudens in eo Tiberius, de
quo Tacitus (VI. Annal.) *Poppæus Sa-*
binus a Tiberio maximis prouinciis imposi-
tus, nullam ob eximiam artem, sed quod
par negotiis, neque supra erat.

53. Quæ ratio non potest, sæpe tem-
pus sanat, noli anxius esse, *verum tempus*
in consilium voca, nonnulla difficiliora
tempori, aut potius Deo, sananda per-
missurus. Sic ille apud Historicum: *Con-*
silium cui impar erat fato permisi. Non ta-
men fac desperabundus. *Sæpe meliori*
fortunæ, locum fecit aduersa.

54. Non qui res, sed magis qui tem-
pora disponere scit, vel vtrumque, rem
habet, recte autem disponit, qui bene di-
uidit. *Ego & tempus, contra duos*, Caroli
V. Cæsaris dictum. Solus scit agere, qui
tempore non nescit vti.

55. Caue morosos, qui momenta re-
rum trahunt in offensam sui, non aliud
lucri ex talium conuictu reportabis, nisi
cum indignatione acerbitatem, dum sunt
similes stomacho nauseabundo, qui etiam
suauia male accipit & fastidit.

56.

56. Minores virtutes affectum vulgi
mouent ad amorem, excelsa virtus, nisi
magnorum mouet iudicium, ad pen-
sandum & æstimationem, hæc erga su-
periores necessario usurpanda, sed cum
minoribus, nisi minorum virtutum vsus,
cum enim illi altas capere non possint,
stupent verius eas, quam amant. Prout
igitur cum magnis, aut minoribus res
tibi, sic virtutem (vtique omnium haud
neglector) hanc aut illam, studiosus ad-
hibebis, si sapias. (*Vide Notationes meas*
Politicas puncto XII.)

57. Semper cautus sis, & haud fide.

58. Caue inimicos laudantes. *Nam*
quo incautius decipiant, palam laudant. Im-
mo cauebis amicos, placere nimium vo-
lentes & susurrone.

59. Tuum secretum sit clausum, &
nisi vni alicui, aut tibi soli, apertum; Sed
cauendum, ne silente lingua vultus, o-
culi, ac cæteri gestus loquantur, vt quod
maxime celatum vis, in lucem protra-
hatur.

60. Dicto vulgari: *Male bene positum,*

L3

ne

166 *Andreae Maximil. Fredro*
ne moueas, ne fiat peius.

61. Affectus, inimicus bonæ rationi, qui eum non regit, regitur, neque te ira, neque nimius amor ducat, sed mediocritate laborandum, nisi velis errare. Qui minus ex affectu habet, plus ex ratione.

62. Qui amat nimis quietem & secessum, qui breuiloquentia gaudet, ad vsque affabilitatis comitatisque defectum, quæ Stoicum & graue supercilium gerit, morosus dictorum factorumque in alios censor, qui parce erogare cupit, qui facile dicto offenditur, nec scit (salua tamen grauitate & virtute) dissimulare multa: paucos amicos sibi parat, nec multum in populo potest; impossibile est, cum nemini te amicum dederis, dari tibi aliquem velle, aut si vis habere, necesse remittendum aliquid ex rigore, quod virtuti non contrariabitur, sed eam adornabit, sæpe virtutis legem falso putamus, cum potius viuendi morositas est.

63. Cauti aut nimis quieti, dum esse nonnulli

Politico-Moral. Pars IV. 167
nonnulli volunt, otiosi fiunt, cum aggrediendo, terrentur difficilibus, vel cum non ex voto, res alias cadant, vel cum sibi (quæ recte fecisse conscii sunt) a maleuolis succenseri, indigne ferunt, vel dum sunt agendo nimis scrupulosi nec plane resoluti, & leues offensas metuunt, quod mollis & ignaui verius, quam quietem appetentis animi signum est. Fateor, nihil agentium facta non improbari, non errant, dum nihil agunt otiosi, velut apud Tacitum Hordeonius Flaccus. *Non compefcere ruentes, non retinere dubios, non cohortari bonos ausus, sed pauidus, segnis, odiosus & secordia innocens; & Galba magis extra vitia, quam cum virtutibus, in quo cum segnitia esset, sapientia vocabatur.* Tales non habent inimicos, sed nec amicos quoque, dum negliguntur, errare vero, dum nobis succenseri, aut offendi, vti hoc alienæ malignitatis, non autem nostri vitii, sic illud, prorsus humanum est, cum non qui minime errat, sed qui prompte erratum corrigit, & a casu intra virtutem
L4 assurgit,

assurgit, prudens est: Hominis actio, (dum hominis est) aliena prorsus ab errore esse non potest. Diuina nisi errore vacua tamen a malitiosis, male intelliguntur, modo illud in homine laudatur, dum non confundi, sed prompte se recolligere, intra magnanimitatem sui, potens animus. Falluntur ideo, qui ab usu & tractatu rerum leuibus terrentur, ut recte succensuerit illis Justus Lipsius (Epist. 39. Cent. 2.) *Contemni a te humana gaudeo, quæ me quidem auctore, pedibus etiam trahe, sed ita ut contemptus iste, ab alto quodam animo sit, non quo ipse se contemnat. Hoc modestiam aut sapientiam censes, iacere? nihil agere? ad nullum vitæ genus collineare? ignauia est; magnorum etiam sæpe ingeniorum pestis.* Subit enim (ut ille inquit) inertiae ipsius quædam dulcedo, & inuisa primo desidia postremo amatur.

64. *Pro ultimo.* In gratiam cuiusque prudentis & virtuosi ciuis, adiiciendum putauimus, ut si ad recta præcepta vitam moresque componat, & in altum agenda-

agendarum rerum pro virtute contendat, fore ut incurrat in malignantium linguarum censuras, inuidorum odia experturus; quæ plerumque virtutem exercere amant. Ne igitur acerbitate vir prudens confundatur, sed potius in partem melioris fortunæ trahat, certum argumentum magnitudinis habiturus, inuideri sibi, quam ut inuideat, modo rectæ virtutis conscius sit. Continua observatione compertum, non posse magnorum Catalogo inferri, nisi qui prius asperam inuidiæ viam decurrat, aut dum eam calcauerit, tum vere fortunæ altioris gradus, substrui sibi ab occulto fato speret. Non certa sermonum acerbitas inuehitur in vilem colonum, quia sola ignobilitate & inertia securus, quem per omnia fors infima, semotum ab hominum fama, & tutum ab inuidia facit, non inuadit humilia tugoriosa, verum altas petit domos, aut potius eos exercet viros, qui extra abiectorum sordes positi, in conspicuo præclaram agunt vitam, ut vere dicatur.

170 *Andree Maximil. Fredro*
Æmulam magnorum esse inuidiam. Velut
altius noster Tacitus. *Sinistra erga emi-*
nentes interpretatio, nec minus periculi ex
bona fama, quam ex mala. Si penitus in-
trospicere liceret intum inuidorum
pectus: quidni videretur intus crudeliter
laniatum, animus exesus, mens inuidiæ
curis decocta, ut potius cum loquuntur,
aut de te sibi vindicant, potius de se iis
grauiores pœnas sumant, non in te ver-
bo, sed in se continua magnitudinis me-
ditatione sœuituri. Illum tua generosi-
tas vexat, hunc in rebus gerendis gra-
uitas arguit, aut morum pulchre com-
posita venustas confundit, iam incipi-
endorum & agendorum prudentia, in
contrarium nitendi æmulationi obluca-
tur. Plerumque vero magna fama in
magnos & officiis degentes, *quos nobili-*
tas, opes, honos, aut aliqua insignis clari-
tudo; rumoribus obiicit, quem ergo mise-
rum, & infra genua sua abiectum (nec
supra pro virtute assurgentem) videre
mallent, superbum & obliquæ virtutis
clamant, non quia tu vere sis, sed quia
illi

Politico Moraliū Pars IV. 171
illi animo ægri, nequam, malitiosi, ma-
ioris virtutis impatientes, ut eo ipso in-
feriores se agnoscant, dum invident. Ad
rem meam facer scriptor, *Inuidiam, por-*
tatilem infernum vocauit, ut quem inui-
dum dixeris, viuum potius martyrem
voces, & in horas morientem, nihilque
peius in pœnam optes, quam ut rectum
facias, quod inimicus inuideat: *utinam*
inuidi ubique oculos haberent, ut omnium
felicitate torquerentur. Torquetur sane
quisque inuidus, cum alterius felicitas,
sui animi Tyrannis est, quod alterius for-
tunæ gloriæue accessit, sibi demptum pu-
tatur, aliorum diuitiæ, sua pauper-
tas, aliorum affluentia, sua macies,
sua fames, & cum magni esse non pos-
sint, nec cæteros malunt, in se nequam,
in cæteros haud boni. Ergo ne quera-
tur de inuidis vir prudens, gaudeat po-
tius, nisi malit vocari miser, nec se al-
tum stantem magis arbitretur quam dum
hoc malo iacet: Inuidiæ similes mete-
ororum ignibus fatuis, qui sequentem
fugiant, fugientem sequuntur, sic illæ,
nisi non contemnent nec conscio pro-
priae

priæ virtutis, nocent, gaudeat (inquam) magnum sibi inesse, quod inuidorum oculos fodiat, mentem decoquat, animum compungat, sibi in triumphum, æmulo in confusionem. Senecæ super hæc verbis vsurus. *Male de me loquuntur: faciunt non quod mereor, sed quod solent, male loquuntur? bene nesciunt loqui, non iudicio faciunt, verum morbo, non de me loquuntur, sed de se. Moueretur si de me Marcus Cato, si Lælius, si duo Scipiones loquerentur: nunc malis displicere laudari est, non potest ullam auctoritatem habere sententia, ubi qui damnandus est, ipse damnat. Quibusdam canibus sic innatum est, ut non pro firmitate, sed pro consuetudine latrent, dicam ultra, male de me loquuntur, sed ipsi otiosi, alienos labores et conuiuio secure prospectantes, & quos publica quies aliis laborantibus molliter habet; vel quod alibi dixi, sæpe tibi repete, desiderari ad maiorem perfectionem virtutis, aduersarium habere, ut æque victus sit aduersarium modeste tulisse, ac alia recte fecisse. Non*
igitur

igitur bonum eum iudica, quemcunque aliorum dictis factisque obloquentem audieris; videsne aquas per se sapidas & dulces, qualem terram præterfluant? puram, amaram, sulfuream, salisam, lutulentam, eius saporem purum, aut secus amarum, sulfureum, salsum, lutulentum, & male olentem sapere; Sic iudicia nonnullorum de rebus. bona sunt aut mala, prout animus, vnde feruntur. Habent bonæ apes, vnde suum mel ab acri vrtica decoquant, araneis etiam rosa sui veneni materia, non quia rosa mala, sed quia nisi venenum quærit aranea. Non igitur (quod sæpius suggero) conqueraris, non ferrum in vltionem posce, non exitium tibi obloquentibus meditare, si vir bonus es, quam ut eo stimulo in altum virtutis enitaris, plusquam satis honestissimæ & triumphalis vindictæ (si ea vindicta vocanda) dum tibi inuidetur habiturus, vnde quod maximum in humanis, virtute superabis inuidiam, quæ non nisi bonæ virtutis constantia superatur, vi nunquam, sed ut potius incite-

incitetur. Sed cum omnia feceris, non semper eandem virtus in orbe habet æstimationem, in aliis eadem laudatur, in aliquibus non item. Ergone hodie non sunt viri, virtute, iudicio, morum gravitate, agendique peritia, Manliis, Scipionibus, Fabiis, cæterisque Romanorum & Græcorum magnis nominibus pares? Sunt omnino, verum seculi vitium, non virtutis defectus, ut non videantur, cum in ea tempora non inciderunt, quibus totum virtuti concedatur sine invidia, & locus & æstimatio, & præmia, *Et agendi occasio*, verum potius illa, hominum malignitate compressa iacet, latetue. Quid enim inter malitiosos possis? si corrigas? dum sunt mali passim, facile offendas multos, ideoque indignantur, si agere velis? invident, nec ideo iuuant, immo studiose recte faciendum præpediunt, tenebras virtuti aliorum inducere amantes, ne comparatione, ipsi prodantur, aut vilescant. Prisca ætas ingenua erat, circa rectam simplicitatem, æquum habens virtutis intuitum, dum
plures

plures essent recti, quam in devia vitiorum abeuntes, neque ideo superbia obstitit, quo minus ductum et consilium meliorum sequerentur, facile exinde se erigebat virtus in maius, cum seu ageres, pensaretur, seu adiutoribus & instrumentis agendi opus haberes, præsto adessent inter bonos, rectum volentes, aut quod velis, facere scientes. Facilius erat Scipioni, vigentè militari virtute Romana, magnum Ducem pro Romanis agere, Annibalem vincere: Carthaginisque deprimere fastum, & Africanum nomen pro se mereri, cum tot haberet in exercitu scientes ordinum ductores, bello iussorum *apta exequendo instrumenta*, quam si alias posterioribus seculis, labente disciplina, inter rudes, cohortium administratos armis agendum aliquid veniret. Aut *Porcio Catoni*, censoriam exercere erat promptum & reducere ad normam recti omnia, in vrbe, in qua nondum per omnia adoleuerat flagitium, & agendi licentia, quam eius pronepoti *Catoni Uticensi*, cum eius ætate

ate prævaleret licentia, & ex opibus im-
 mensis fastus, tum insolentium turba.
 Nullibi igitur minus possunt recta ingenia,
 quam si inter eos venerint, qui scioli, præ-
 sumptuosi, & insolentes, tum rudes, tum im-
 periti, pertinaces. Exinde causa proxima
 est: In populari Republica concor-
 diam vigere non posse, dum quis-
 que præsumit audaculus, sciolusue,
 nec alium sequi vult, aut primatum
 concedit meliori, verum sibi asserit in-
 solenter, rem in diuersa trahens, fœ-
 cunditatem ingeniorum nonnulli tunc
 vocant, cum potius agendi insolentia in-
 ualescit. *Ad concordiam vero necesse omni-*
no; ut uni duobusque concedatur, qui ex
virtute præcant rectum acturi, cæteri sine
scrupulo & murmure sequantur, immo
iuuent confidenter vniti, nec distra-
hant rem abeuntes in diuersa, dum enim
singuli præire volunt, vniuersi confun-
duntur. Sed hæc obiter. Quantum vero
ad famam & æstimationem Principum
virtutis, euenit illis, velut quidam re-
cte annotauit: Tametsi vnus aliquis Prin-
ceps,

ceps, iisdem bonis artibus Rempubicam mo-
deretur, quam alius gloriosissime eam mo-
deratus est, æque tamen acceptus futurus
non sit, nec parem habiturus laudem, nisi
subditorum, vtriusque quoque naturas, æ-
que probas esse contigerit. Addam ampli-
us, nihil magis vulgus, quam ordinem
odit, mauultque malos dominos, mo-
do sine ordine & in licentia, quam bo-
nos experiri, modo sint extra ordinem,
ad normamque legis & virtutis, tum per
omnia modestiæ ne componantur. Exin-
de secus, malis Dominis, in subditos ars
sola illecebrarum est per obliqua, vt
cum aliquorum fortunas emungant, in
alios pro insolentia sæuiant, vniuerso-
rum libertatem per diuersa aggredian-
tur, verbo tamen familiares sunt, & sua-
tiloquio laborant, arte varia lenocin-
um, fucum actioni inducere amantes,
præsertim dum priuata vitia, mutuas in-
ter se insolentias, & scandala populo con-
donant, immo studiose conuiuent, in
speciem licentiosæ libertatis, dum cui-
que malum esse, & in solefcere in alium,
 M impu-

impune licet. Sic versutorum, aut quoquo modo obliquorum amicitia, inescantur magis aliqui, quam eorum, qui ad virtutis legisque normam, se recte componunt, dum illis prioribus, libertas speciosa, & amcenitas conuictus, inest, hi pro virtute & modestia, tristiorum regulam viuendi, & morum quendam rigorem, inducunt, æstimantur quidem, sed non amantur. Sic illecebræ mundi, quæ *temporalia* viris spiritualibus vocantur, plures sectatores habent: quia lætiora sunt aspectu, & ab exteriori sensu pensantur, licet exitu posthæc tristitia, quam solidior virtus, cuius pretium & æstimatio, altiori menti subiacet. Ex eodem fonte (ad propositum ut redeam) *boni domini, apud malos peius audiunt*, & nisi amissos vulgus agnoscit, seroque dolet, aut secus, mali æstimantur, dum illis populi sunt assuefacti, moribus, epulis, venatu, facilitate, luxuria, tum exercitiis conformes; velut Neronis vitia haud minus adamauerat populus, quam virtutes aliorum veneraretur,

&

& in Vitellio (idem obseruauit Tacitus) studia populi tum exercitu; raro cuiquam bonis artibus quæsitæ perinde affuere, quam huic per ignauiam: Quid mirum igitur? si ne Diuina quidem vulgus probat, Moyse populum ex Ægypti seruitute eductum, cum ordinatissime molissimeque habet, manneis de cælo panibus, delicata coturnice dum pascit, periculis insuper, in manu Dei potenti, dum promptissime adest. *Portans populum in sinu, sicut portare solet nutrix infantulum: Murmurauit populus contra Moysen, dicens: Cur fecisti nos exire de Ægypto, utinam mortui essemus in terra Ægypti, in mentem nobis veniunt cucumeres, & pepones & cepæ, & alia.* Causam rei scire placeat? en cape: Moyse ad virtutis legem animos populi componebat, in Ægypto in corpora sæuebatur, hominum vero proteruitæ, tristiorum esse modestiam virutis & correctiuam legem, dum intimum animum petit, quam corporis exteriorum seruitutem, Ægyptus crassa carniū epula, &

M2

igno-

ignobiles delicias seruilibus ingeniis obtrudebat, Moyſes altioreſcā ſuppe-
ditabat, & aſſerebat (ſed non ſine re-
gula) libertatem, quorum niſi ingenui
altiorisq; mentis homines, ſunt capa-
ces, ingeniis abſurdis & non intelligen-
tibus, niſi quæ ſenſu exteriorē penſan-
tur, placent, præſentia minora dum
intuentur (infascinati) futura ma-
iora negligunt, ſimulq; obtreſcant ſu-
perioribus. Tamen vniuerſim, (vt ve-
rum fatear) inuidiæ, ſermones vulgi,
& acerbior cenſura, in principes viros,
aut quoquo modo æſtimatos (præſertim
qui admoneri per ſingulos nequeunt,
tum in quos nulla poteſtas eſt) non obſit,
ſed neceſſaria vt plurimum eſt, idque
communis boni cauſa, ſi enim immeri-
to iactetur, prodeſt tamen, ne depræ-
uentur, qui boni ſunt, immo ad altiora
calcar habent, velut præmoniti, dum in-
tro ſe (num verum ſit?) introſpiciunt,
& ſimul humanorum admonentur, ſi ve-
ra eſt, in melius corrigit, vel ſaltem ne
peiores euadamus, acerbitate aut metu
maio-

maioris ignominia nos cōercet: *Merito
conſtitutus eſt honor in opinione aliena, vt
ſcilicet in metu ſimus, cumque actiones no-
ſtræ, ab aliorum dependent iudicio, omni-
bus ſatis facere ſtudeamus: Etiam libertatis
in Republica ſignum eſt, obtreſcatio, in ea
enim, quam tyrannus oppreſſam iam tenet,
neutiquam permittitur.* (Didac. Sauedra
Symb. XV.)

65. Vltimum monitorum illud eſſe
debuerat, ſed manum amouenti de ta-
bula, en occurrit dictum, ore ab Ethni-
co, vere Catholico-politicum, tibi, alte-
ri mihiq; mature ſciendum. *Qui notus
nimium viuit omnibus, ignotus moritur ſibi.*
Vel quod rectius Dicus ſcriptor. *Qui
vixit velut immemor DEI, moritur in ſi-
ne tandem oblitus ſui.* Felix viuit, qui me-
dios inter negotioſi ſeculi dies & fortu-
næ blandimenta, furto ſibi ſubducit ho-
ras, aut ſaltem extrema vitæ applicatu-
rus DEO, explicatus ſponte, ab huma-
norum curis, rectius illas deſerturus ipſe,
quam vt relinquatur inuitus ab illis. *Mi-
nimum eſt quod reſtat vitæ ſeni decrepito*
M3 Bar.

(Barthol. Gramondus lib. 2. Histor. Gall.) *quique Reipublicæ & amicis plane inutile est, annus unus & alter, quo victurum se sperat, multum æternitati valet, momento paratur æternitas, felix aut infortunata, qualem sibi quisque procurat.* Non immerito Seneca illudit Senibus, humana nimis studiose disponentibus, in multos velut annos victuris, *Nihil turpius est, quam senex vivere incipiens.* Pulchrum immo, dum vivimus senes, sed mortui mundo, victuri tandem nobis, cum vivimus Deo.

A DEI Nomine, incepti hæc monita, in eodem finiui, qui mihi rerum Alpha & Omega, tuisque actionibus, utinam sit oportet, immo sit necesse omnibus, dum verò ad eum, nostra plene diriguntur, ut quid? (bonis) opus his aliorumque monitis, aut secus, quo magis a diuinorum cogitatione & amore (quasi ab ultimario summoque bono) recedimus, neque hæc, aut mille talia, satis ad cautionem, recte agendum sufficiant in doctrinam, etenim quo magis sumus error

ronci

ronci circa eligendum verum bonum, plus in passiones animi incurrimus, & vario illidimur, quam ut narrari cautio possit, turbamus inquieti alios & turbamur vicissim ab illis. Scire enim, breui compendio rem grandem, te oportet.

Commotiones seu *Passiones animi*, oriri ex *absentia* aut a *præsentia boni*, sit *veri*, sit *opinatiui*, per se autem verum & perfectum bonum, non est, nisi solus Deus; nam reliqua bona sunt ab hoc, vel propter hunc, id est, in hoc. Quæ autem extra hunc, sunt tantum non solida, finita, transitoria, aut opinatiua, vel falsa bona, prout cuiusque opinio ex temporali sibi statuit, & ex appetitu falso, immo, si penitus perpenderis, sunt vere, ipsa mala; Ideoque post lapsum primi parentis, & post amissam originalem gratiam, (velut possessionem Dei, id est Veri, summi & ultimarii Boni) *passiones animi*, non possunt non esse in homine, dum quiescere non potest, sed per hæc, aut illa vagatur, velut in via, quaerit, inuenit quodammodo, nec materia-

M4

libus

libus (*mentem habens immaterialem animumque*) plene satiatur, sed irritatur verius, dum est extra metam perfecti boni positus, adipisci vero, illud non potest, nisi (*pro sorte meritorum*) post e mensam vitæ viam, occupet in visione Deum, qui uti infinitus est, solus vastam & plane infinitam mentem hominis, sufficientissime implet, & perfectissime terminabit; Immo, in hac vita, qui magis Deum animitus meditantur, minus de illicitis animi passionibus habent, ipsi quieti, dum falsi, opinativi, nec proportionati hominis animo boni contemptores, & incurii, meditatione Diuinitatis, quasi in possessionem *veri Boni*, mature & ante tempus incipiunt inuolare: Atque hinc est, *materia & causa omnium Virtutum*, studio (qui est vnicus finis humanæ voluntatis & actionum) habendi veri, summi & perfecti boni, aut secus, circa eius absentiam, tum in eligendo errorem, aut malitiosam inconstantiam in quærendo, est causa commotionum & passionum animi, tum ex non domitis, *causa immateria vitiorum.* AP-

APPENDIX. I C O N I N G E N I O R V M.

Genera Ingeniorum (seu Animorum) varia, seu BONA,
seu MALA sunt.

In genere BONORUM panuntur.

Ingenium Frugi, Rectum & Simplex, Reale, Probum (seu Integerrimum) Æquum (seu Amans iustitiæ) Apertum (seu Candidum vel Sincerus) Clarum, Ingenuum, Verax, Graue, Judiciosum, Solidum, Prudens, Validum seu Firmum, Constans & Stabile, vel Perseuerans. Tenax verbi, Infractum, Assiduum, Sedulum, Studiosum, Serium, Defæcatum, Matutum, Consummatum, Sobrium, Practicum (seu Pragmaticum) Viuax (seu Vegetum) Erectum, Peræquale, Excellens, Penetratiuum, Consideratiuum, in se retractum, Profundum, Discretum (seu Discernens)

nens) Perspicax, seu res a longe, & ante tempus prospiciens, *nec sciens fallere, nec falli se finens*, Cautum, Vigilans, Prouidum (seu Circumspectum) Sagax (vel Solers) Expeditum (seu Promptum) Extra dilationes positum, *consultisque facta coniungens*. Sui compos, Recollectiuum, Aptum & Habile, Industrius, Conceptuosum, Speculatiuum, Capax, Elegans, Castigatus, Efficax, Facundum, Loliticum, Nobile. Diues & Ecceundum, Versatum, Laboriosum, Conabundum, Actiuum, Alacre, Indefessum, Generosum, Magnificum, seu Magnanimum, Animosum, Altum (seu Altioris spiritus) Cordatum (seu virile) Inrepidum; Æquanimus, Pacatus (vel Quietus, seu Mansuetus) Actione suaue, Clemens, Commiserariuus, Temperatus, Verecundus, Religiosus (aut quæ aliæ deopti animi dotes) Ciuile vel Urbanus; Populare, Beneuolus seu Benignus, Fidus, Lentus, Cunctabundus, Sedatus, Qualitatus, Frugalis, Tractabile, Sociabile, Come (seu Affabile)

bile) Morigerus, Liberalis, Hospitalis, Humanus, Amicabilis, Amænus, Festiuus, Docilis, Corrigibilis, Concinnus, Recte compositus, seu Cultus vel Comptus, Moderatus, sui potens, Amans Publici, *Vniuersalis*, Mediocris, Liberus, *Non dependens nec Obnoxius*.

Dictum pro genere bonorum ingeniorum erat satis, verum nulla festinatio, transgredi cogit mentionem Elogiorum, quibus arguto satis breuiloquio *Velleius Paterculus*, magnorum olim nominum viros (per diuersa genera virtutum & rectorum ingeniorum) passim decorauit. Vir in tantum laudandus, in quantum virtus intelligi potest. Nihil in vita sua nisi laudandum, aut facit, aut dixit, aut sensit. Tantis adornatus virtutibus, quantas perfecta natura aut industria, & mortalis conditio recipere potest. Neque dicendus, neque silendus sine cura. Viri cuius operum & ingenii magnitudo, instar magnorum voluminum. Per omnia virtuti similis. Ita omnia simul, ita singula ex omnibus agens,

gens, tanquam expeditissimus ille tantorum negotiorum mole, huic uni negotio vacaret animus. Nunquam recte faciens, ut facere videretur, sed quia aliter facere non poterat. Natus ad omnia, quæ recte facienda sunt. Vir severitatis latissimæ, hilaritatis prisæ, actu otioso simillimus. Fœmina (nam & huic sexui sua quoque decora sunt) nihil muliebri habens, præter corpus. Cuius potentiam nemo sensit, nisi aut leuatione periculi, aut accessione dignitatis (*Vel leius Paterculus passim in Historia.*)

In genere MALORUM ponuntur.

Ingenium Obliquum, Malignum (seu Malitiosum) vel Nequam, Cholericum (seu Iracundum) Igneum vel Ardens, aut secus Tepidum, Imperiosum, Officii insolens, in alios Inquies, & Abusivum, aut secus, operæ tædio, vel inertia se ipsum conficiens, Acrè, Violans, Trux, (seu Ferox) Flagrans (seu valde volens) Impatiens, Vehemens (seu Impetuosum, Præceps, aut Concitatum) Desperatum, Præcox, Cerebrosus, In-

sociabile,

sociabile, Illiberale, Inclemens, Invidiosum, Zelotypum, Pertinax seu Obstinatum, Proteruum, Incredulum, Morosum [seu Absurdum, Sordidum, Subrusticum aut Insulsum] Cynicum, Dubium seu Dubitativum, Consternatum, Meticulosum (vel Pavidum) Irresolutum, nullius ausus capax, Futuri socors, Ægrum, Ærumnosum, Querulum, cui nunquam bene, Incurium (vel Negligens, seu Neglectum transitorieque agens) Perfectorium, Obliviosum, Impeditum (seu non expeditum & Hæsitans) Inexplicatum, Involutum, Tædiosum seu Fastidiosum, vel Nauseabundum, Inexplebile, Nouicupidum, id est, *præsentium intolerans, mutationis avidum*, Curiosum, sibi complacens (quod laborat Philautia) Jactabundum, Affectuosum, Passionatum, Affectatum, Tumidum (seu Præsumptuosum, Fastuosum, Ventosum aut Arrogans) Pompaticum, Impendiosum, vel Sumptuosum, Laudipetum, Inane, Vanum, (*quod facit tantum in speciem, aut non solita pensat,*) Ambitosum, Æmulum,

mulum, seu Æmulatorium, Ostentatium, Sciolum, Fucatum, Exuberans, *verbis, gestu aspectuue magnificum, Rerum et solidæ mentis vacuum* (vel quod est totum in exterioribus & in lingua, *ad numerum nisi totum faciens*, aut si dicere licet, *Vano Stoicum*, tum Superciliosum) Mendax, Sufurroneum, Dicax, (id est Garrulum, Clamosum, Loquaculum, seu Vaniloquum, et Intemperantiis linguæ; vel Sermonis insolens, et immodicum, aut verbis nimium) Detrectatorium, seu Oblatratiuum, Impudens, Scommaticum (seu Conuiciatorium, Satyricum, Aculeatum aut Canilofum) Succensorium, Illusorium, Nagatorium, Argutulum, Jocularium, (*visu amabile, facieque amænum, intolerabile factis et moribus*) Sugillatorium, Procax, Vexatorium, Infimulatiuum, Humile, Tenue, Abiectum, Pusillanime, Superstitiosum, Flagitiosum, Probrosus, Scandalosus, Impotens sui, Dissolutum, Prodigum, Luxoriosus, Voluptuarius, Delicatulum seu Deliciosus, Effæminat-

tum,

tum, Seditiosus, Effrene, Inquies & Turpidum, seu Turbulentum, Incentorium, Suggestiuium, Vecors, Insolens, Refractarium, Calcitrosus, Audaculum, Insanabile seu Incorrigibile, Perniciosus seu exitiosus, Asperum, Immoderatum, Horarium, Ambulatorium, Mobile, Inconstans vel Instabile, Fluctuabundum, Vagabundum, Leue, Credulum, Fragile, Lubricum, Recidiuum, Latebrosus, Furtiuium, Erroneum, Opinatiuum, *Alienirians & interpres, sui obtegens*, Implicitum, Obscurum, Criticum, Vertiginosus, Vesanius, Fanaticus, Extenuatiuum, aut secus Exaggeratiuum, Exprobratiuum, Mirabile, Varius, Phantasticus, Ambagiosus, Chimericus, Intricatus, Labyrinthosus, ambiguum (seu Anceps) Neutrale, Deceptorium aut Fallax, Infidum, Mille artifex (quod & Machiavellicum vocant) velatæ astutiæ, seu palliatæ malitiæ, Mentitæ frontis & formæ, Captiosus, Impium Iniquum, (seu iniustum) Auarus, Parcus (seu Tenax) Subdolum, Priuatiperum (*id est,*

est, in tantum hoc aut illud agens, vel non, tum amicitias colens, in quantum priuatus respectus adest, aut se transferens, unde plus utilitatis speratur, amicitias utilitate probans. Venale, Quæstuosum, cui id æquum, Honestum, id ex publica libertate nihilque turpe quod fructuosum) Rapax, seu Alieni cupidum, Effrons, Præuasticatorium, Falsarium, Hyppocriticum, Simulatiuum, Sycophanticum,, Infame, Perfidum, Versatile, Iniuriosum, Graue, Dolosum, Infidiosum, Subastutum, Versutum, (seu Vastrum) Quoduis struendi et destruendi artifex, Temerarium, Furiosum, Sæuum, Efferum seu Tyrannicum, Vindicatiuum, Sanguinarium, Inexorabile, Contentiosum (vel Discors et Diffidiosum) Rixosum, Aduersum, Criminatorium, Suspica, Diffidens, Rimatorium, Indaginosum, Substultum seu Fatuum, Intrusum, Adulatorium, Assentatorium, Importunum, Petax, Seruile, Nimis placens (vulgo *Placentinum*) Effusum, Immodicum, seu per omnia nimium, Fatigabile, Tardum (seu Pigrum, Desidio-

ium,

sum vel Socors, & Operas fugiens) Procrastinatiuum, negotio pendulum, Ignatum, Languidum, Effæctum (seu Exoletum, Exhaustum vel Enerue) Fractum, Otiosum, Molle (seu Infirmum) Respectiuium, Hebes, Iners, (seu Imperitiuum vel Rude) Friuolum, Ineptum, Vulgare, Impar nec proportionatum suæ sortis, vel negotio (aut secus) supra sortem vel negotium, Debile, Stupidum seu stolidum, Obtusum, Incapax, Non intelligens, Confusum, Durum, Inhumanum, Tetricum, Distractum, Mistum, Suspectum, Omnium formarum, Nullius aut inferioris iudicii, vnico verbo non satis exprimendum.

Deingentis INDIFFERENTIS sunt.

Ingeniosum, Officiosum seu Obsequiosum, Largum, Insinuatium, Acutum (seu Subtile) argutum, Discursiuum, Lepidum, Facetum, Iouiale, Familiare, Affectatæ simplicitatis, Illecebris potens, Seria iocis miscens, demerendis hominibus genitum, Lautum, Facile (aut secus) Difficile, Domesticum, Solitarium

N

(aut

Segrex, vel secessu gaudens) Melancholicum, morum & vitæ contractioris) Triste, Austerum, *Omnibus amicum, Nemini familiare*, Reconditum, secretum, Arcanosum, Circuitium (id est, quod directe cauet aut veretur) Apprehensivum, Meditabundum, Dissimulativum, coacti moris (id est, quod non ad Naturalem libertatem Venustatemque, sed velut coactos actus habet, nec ab intima virtute, sed ab affectato artificio) moræ impatiens, Properum seu Festinans, Feruidum, Sollicitum, Sedentarium, Priuatum, Taciturnum, Arcani capax, Scrupulosum, Zelosum, Rigidum, Indignabundum, Seuerum, Censorium, Negotiosum, Auctoritativum, prisci moris, Immobile, Stoicum, Sequax, Flexibile, Scholasticum (quod magis Scholam & curiositates rationum, quam praxim sapit) sibi Fidens, Securus, Audax, cui nihil arduum, nihil supra spem, in obstantia ruens, Luctabundum, Satagens, Vastum, Extremum (id est, per intervalla in summo gradu boni aut mali, repente sibi contrarium

trarium) sed hæc in indifferenti ponenda, prout in bonam aut malam partem agunt.

Alia igitur *Ingenia*, ex bono genere magis aut minus participant & sunt bona, aut meliora.

Alia mere ex genere malo, & sunt pessima.

Alia ex utroque simul. Prout vero minus ex malo, plus ex bono trahunt, (tristi enim privilegio fragilitatis humanæ, nemini fere per omnia bonum esse licet) utcumque temperantur, aut magis aut minus mala sunt.

Demum: Alia *Ingenia* hominum. Dum quodvis genus vitii erudite exercent, ex quavis plane virtute trahunt partem, mistim, simul virtutis, simul astutiæ (& astutis unico verbo non satis exprimenda) peritissimi artifices. Quos sub pallio, facile rebus imponunt, sunt vero omnium ingeniorum publicis priuatisque negotiis versandis astutissima, simulque viuendo familiarissima, non enim simplici stylo agendi rem transmittunt, sed agunt to-

tum ex arte, & cum condimento, obuia & vltro læcessens (iocisquæ respersa) inest comitas, solutior (ad familiaritatem) conuictus; querulantibus & afflictis (notis atque ignotis) prompta condolentia, effusa promissa, res vero, ipsaque largitio, admodum pauca, sed nisi pro tempore amœna, & prius ante ostentata, ideoquæ expectatione grata. Offensarum deinde aperta dissimulatio, aut ioco eludens argutia, cum tamen sensim immineat, velut per incuriam vindicta, eo magis intimum amicum feriens, quo subtilius & ex occulto meditata, vt fere talia ingenia, *Uniuersalia* vocauerim, nisi sint in materia obliquorum. Nihil illis tentando magnum aut difficile, (sed pari ausu, sapius vero neglectim, velut somnum & inertiam simulantes, immo specie iocantium magis, quam serio) aggrediuntur, velut subiugatam materiam versant, membraim excutunt, per digitos transmittunt, principium, medium, finem, apte concordant & exsequuntur, aut secus pro arbitrio negligunt, expli-

explicant se familiariter, nec hærent, nec aduersis confunduntur. Cum vero obtrudunt falsas imagines virtutum, & inescant specie boni, vitia liberius exercent, decipulis (Sirenarum ad instar) sine sensu plerosque inuoluentes, vt non prius capi se sentiant, quam dum sunt, nec regressus amplius datur, vt recte habeantur Ægyptiorum latronum more (apud Senecam) quos *Philistas* vocabant, *qui in amicitia speciem, in hoc completebantur obuios, vt iugularent, vel denique alias, sunt, velut de quodam ait Tacitus: Cui quamuis infami inerat industria: nec virtutibus, vt boni, sed quomodo pessimus quisque vitiis agendo valebat.* Talia ingenia rarius tulit orbis, vique verum fatear, ætate mea, quæ vidi (inter) quæ noui, vix duo aspexi.

Nec illud pensandis pro recta virtute ingeniis omittendum.

Per *Excessum* aut *Defectum* boni, falsam speciem nobis imponi virtutis, idque pro defectu iudicii; cum non probe dignoscere scimus, ex eoque fallimur,

virtutem dictitantes, cum inest facto vitium, unde iniuria fiat rectis, dum prauis ex falso, nomen virtutis, & laus adstruitur. Alibi sparsim; hic accumulatissime ponimus cautionem.

Pœna igitur & debita Castigatio, (seu *Iustitia Correciua & Panalis*) sæpe degenerat (per *Excessum ex Abusu*) in Seueritatem nimiam, aut Sæuitiem vel Cruelitatem, grauitatem, importunitatemque rigoris, immo in vindictam vel vltionem, aut ex præcipitantia in pressuram innocentiae. *Iustitia restitutiua* aut *Commutatiua*, in grauamen indebitum, emundtionem fortunarum, circumuentionem, extorsionem, et iniuriam. *Amor æquitatis*, aut *titulus Patrocini*; tum *Protectio*, vel alias *Innocentiae suæ* tum aliorum, aut *iniuria vel damni* (immo quandoque *legum, publicique boni*) *defensio* aut *zelus*, per excessum degenerat, in Præuaricationem (seu irritationem) causæ, ac ipsius legis, tum iustitiæ, aut in ostentationem insolentem potestatis & potentiae, aut in affectatum æquitatis titulum.

alte-

alterius vero partis iniuriam, grauamen, seu despectum; Ex eoque in modum indebitum & inquietum agendi, tum in maiorem recti ordinis (immo nonnunquam quietis mutuae) irritationem, seu in exacerbationem conflictumque (prout potentes sunt) partim & publicas turbas; vt quandoque *respectu emergentium* virtus dissimulationis (intra prudentiam adhibita) plus profit, quam æquitatis prætensæ, aut actionis, nimius rigor, scrupulus, & præcipitantia. *Usus summæ potestatis*, degenerat per Excessum, in Insolentiam pro libitu agendi, violationem iurium, ac post oppressionem. *Ordo debitus & potestas*, degenerat plerumque in Iussorum institutorumque intolerabilem grauitatem aut rigorem ex eoque præcipitantem pœnam, & importuna verbera, immo nonnunquam, ex inconsiderata ordinatione, in maiorem confusionem ordinis & rerum. *Politica praxis, & necessaria legis regula*, in actionem Stoicam, aut Scholasticam ratiocinationem, (tum intra discursum, citra

N4

vero

vero praxim) naximas. *Iusta potentia* in oppressionem aliorum, tum iniuriam. *Ratio statuta* in nimium regendi rigorem, prætenfa iura Maieftatis, & tristem inquisitionem. *Æquatributa & subsidia belli*, in insolentem emunctionem subditorum, *Bona instituta, leges & crebra consultatio*, per Excessum pariunt, multiplicitem edictorum (immo Leuitatem et contradictoria) ac deinde abufum, iufforumque contemptum. *Catholico Politia*, per nimium rigorem et excessum, degenerat in preffuram populi, ac post in *Sophisto Politiam*, et obliuionem confcientiæ. *Libertas* in licentiam. *Maturior re-collectio, Deliberatio & multa Confilia* in mobilitatem ingenii, tum confilii et facti, tam in inconstantiam, aut fecus in maiorem pertinaciam, vel animi obfirmationem in præconcepto, aut etiam tarditatem; vnde agendi tempora, deliberando confumantur. *Actiuitas & Feruor seu viuax animus, tum mens feria vel negotiofa, promptaque actio*, in igneum (et inquietum) feu insolentem genium, Factionem,

Erro.

Errores, Impetum, excessiuam iram, et pœnitendorum occasionem. *Dissimulatio*, degenerat per Excessum, in reconditam iram, ex eoque circumuentionem, fraudem, occulta molimina, et Vindictam, vel fecus in obliuionem pertinentiam aut incuriam.

Dicam vltra. *Liberalitas, Beneficentia seu Munificentia*, per excessum seu abufum, degenerat in prodigalitatem, aut profusionem. *Virtutis præmium, seu iustitia Distributiua, vel præmiatiua*, in adulationis tum officiorum (quæ moschum non sudorem, aut puluerem redolent) recompensam, vel in prouocationem temerariæ cupidinis petacium (quibus postea dando non sufficias, aut sine offensa negare non possis) ex obuia facilitate dandi. *Parsimonia, & Debitus* (fruenti aut dispensandi) *Ordo*, in Parcitatem. *Fortunarum licitum augmentum, & Frugalitas, modicusque bonorum usus*, in Auariti-
am, et Inuidiam alienæ fortunæ, tum affluentæ. *Affluentia, rectaque bonorum fruitio*, degenerat ex abufu, in Ostentatio-

N5

nem

nem aut Luxum, vel inanium studium, ex eoque occasionem defectus, immo (per decoctionem bonorum) inopiæ. *Iustus petendi & habendi pretextus*, per excessum degenerat, in astutas inuentiones, inquietam actionem, appetentiam alieni, importunitatem, seu insolentiam petitionis et instantiæ, circumuentionem, imposturas, usurpationem, tum rapturam. *Licetum acceptum aut munera*, per excessum (immo per actus frequentatos) degenerat, in Inuerecundiam accipiendi, deinde amicitiae et seruilis obsequii (tum conscientiae ac denique veritatis) venundationem, tum in appetendi abusum, immo in corruptionem virtutis, *Magnificentia* in Superbiam et Profusionem inutilem, vel superfluum (immo quandoque difficilem, ne dicam impossibilem) conatum, et sua prompte perpendendi studium. *Innocentiae excusatio*, per excessum degenerat in praxim euadendi, fallacias, vel artificiosum effugium (quod vulgus vocat astutam inuentionem) *Excusatio iusta, seu petitio iustitiae*, degenerat

rat

rat per excessum in malignitatem, imponendi scientiam et mendacia.

Deinde *Morum amœnitas*, degenerat per excessum in Leuitatem. *Conuersandi amor & Hilaritatis (seu Festiuitatis) studium*, in Petulantiam, imo quandoque in otiosam vitam, Propinationem, ac post Dissolutionem linguæ, actionis, & inhonestatem, vel quales otii ab fonte emanant malorum riuus. *Affabilitas & promptitudo sermonis, tum Urbanitas*, in affectatam actionem, Insolentiam, importunitatemque verborum, seu loquacitatem. Deinde, in Diffamationem, imo in leuitatem responsi, ex eoque occasionem, ut emergant pœnitenda. *Sinceritas verborum & Actionis, Confidentia, tum candor, Ingenuitas & Apertus animus*, in Propagationem tacendorum, & impatientiam secreti, tum in prodicionem sui (& aliorum, rerumque) incautam, & in occasionem emerfuri damni, aut in meram garulitatem, immo in facilitatem nimiam, & leuitatem actionis. *Promptitudo Amicitiae*, habet excessum, Actionis leuitatem,

aut

aut facilitatem cuiuscunque obuiæ amicitiae, tum effusos & nimium apertos, in speciem sinceritatis actus, ex eoque Instabilitatem, seu Inconstantiam. *Officium obsequii promptitudo, Alacritas, aut Diligentia*, degenerat in Intrusionem, tum importunitatem, & parit lassitudinem, dein leuitatem conciliat, immo parit mutabilitatem, aut amorem quæstus, ut illuc amicitia transferatur, unde plus utilitatis speratur (velut alibi diximus.) *Facilitas, Affabilitas aut iocositas*, parit per excessum importunos sermones, Dicacitatem, scommata, Vexationem, Diffamationem, seu Obtrectionem, & Sugillationem rerum, aut plerumque mendacia, dein parit euitatem. *Amicitia sinceritas & confidentia* degenerat in nimiam familiaritatem, ex eoque contemptum, vel alias (sub prætextu confidentiæ) degenerat in insolentiam, indecentiam dicti aut actionis, fallacias, iniuriam, ex eoque iurgia, tum offensas. *Verecundia, Mansuetudo*, seu (dicti, aut facti, ususque fortunarum) *Moderestia*, in abiectam humilitatem, & cul-

tus

tus indecentiam, Inciuilitatem, immo in sui posthabitionem, seu vilipendium, tum quandoque in mericulositatem, seu pusillanimitatem. *Debitum officii, seu honor in alios*, degenerat per excessum, in Seruitutem, aut turpem dependentiam, & de rebus sensum, non qualem recta ratio aut ingenuitas dictat, sed qualis inspiratur, tum in animi abiectiōem, aut in deformē obsequium, nec ingenuam adulationem, sui vero ipsius contemptum, seu prostitutionem honoris, immo nonnunquam in politicam hypocrisin. *Auctoritas tum honor debitus sui, aut Grauitas*, deinde (quod proximum est) *iusta petitio promotionis, præsecurarum, Officii, tituli* per excessum degenerat, in turpem Ambitum, Superbiam, præsumptionem, Factiones, Fastum, Æmulationem, Æqualitatis odium, seu (nonnunquam in Inciuilitatem ex aliorum contemptu, vel (quidquid alicui accessurum in melius) Inuidiam, imo destructionem; Superfluum vero sui cultum, formularum exigendarum morositatem & nimium scrupulum,

pulum, immo (vt affatim fastuosis suppetat impenſis) degenerat in Auaritiam, & oppreſſionem quoquomodo minorum, tum iniuriam, ne dicam in publicas turbas, velut ſuperbiæ malum, multa cognata vitia poſt ſe trahit, priuatim & in publicum.

Addam ſuper hæc. *Beneuolentia vel Bonitas, ſeu promptitudo*, degenerat per Exceſſum, in Facilitatem nimiam ex improvidentia, aut in actionis (promiſſorumque) leuitatem, et ſermonis, ſeu in actus incautos et incurios (quod ſimplicitatem, immo quandoque *ſupiditatem* vulgus vocat) *Bonus pro æquitate zelus, aut debita in contraria indignatio: Dein (Prætextu ſeruandi ordinis) Rigor, Feruor & Aſteritas*, degenerat in iram exceſſiuam, Affectum aut importunum ardorem, ſeu flagrantiam, et inquietudinem mentis, modumque indebitum agendi. *Clementia, tum Commiſeratio, & ex eo prætenſum Patrocinium*, in Indulgentiam nimiam et Impunitatem, immo Incentiuum vltioris malitiæ. *Benignitas aut teneri-*

tudo, affectus, in Mollitiem animi. *Neceſſitas*, (quoad corpus) in nimiam eius molliem et ſuperfluorum curam, tum appetentiam. *Recta ſuæ virtutis conſcientia, et elegantia attributorum*, in Philautiam, complacentiam ſui, aut Jaſtantiam. *Generoſitas animi*, prout huic vel alteri virtuti, aut ſimul pluribus annexa eſt, (nam ſola, præſertim ſine heroicis virtutibus animo ineſſe nequit) degenerat diuerſimode in Exceſſum actionis & Inſolentiam, Impudentiam & proſtitutionem famæ, aut denique (*ex elatiore rerum contemptu*) degenerat, in pertinentiam incuriam, vel prout, per diuerſa genera vitiorum, aut exceſſum virtutum, paſſim hic ſuggeſtum habes. *Religio vel Pietas*, in ſuperſtitionem. *Probitas, pietas aperta et titulus Virtutis*, in Hypocriſin. *Quies, Modeſtia, tum animi tranquillitas, et laxamentum, aut prætextu requieſcentia*, in Ignauiam, Deſidium, tepidas actiones, & amorem otii, aut in Inciuilitatem, vel ſolitariam & inſociabilem vitam. *Taciturnitas*, in, Reticentiam oppor-

portunorum. *Timida conscientia*, in inanem scrupulum. *Iustus dolor animi*, aut multa rerum consideratio, degenerat in mœsticiam, seu mentis angorem, Impatientiam, indignationem, Iram excessiuam, Abominationem rei vel personarum, & indebitam actionem, aut denique furorem.

Demum *Audacia tum animositas vel Magnanimitas*, per excessum seu Abusum, degenerat, in Temeritatem aut furiosam actionem, tum periculi euidentis (immo quandoque personarum) ex nimia sui fiducia contemptum, aut rerum impossibilium supra vires conatum, & ex eo leuitatem, vel in impudentiam actionis, aut in inconsideratum impetum agendi. Deinde in falsam præsumptamque audaciam, seu desperationem. *Securitas* in sumam incuriam, aut negligentiam, & contemptum alieni consilii. *Fortitudo* degenerat per Excessum, in Imperuositatem, aut Ferociam. *Iustum bellum vel Belligeratio* degenerat in insolentiam irritandi, aut temeritatem, flagitia

flagitia, deuastationem, protractionem, aut carnificinam, inutilem alieni vsurpationem & rapinam, vel rabiosam ultionem, aut quæ alia tristis eius partus proles. *Perspicacitas, licita cautio aut circumspectio, tum conscientia alicuius defectus*, in Respectum nimium, Diffidentiam, vanas suspiciones, Desponsionem seu Abiectionem animi, Credulitatem nimiam, reconditam mentem, inanemque timorem, seu pusillanimitatem; aut non nunquam in ignauam desperationem. *Constantia et stabilitas, vel infractus animus, seu robur animi*, per excessum degenerat in Pertinaciam. *Celeritas tum properantia seu Actiuitas* in præcipitantiam aut Impatientiam moræ, dein in Inanimaduercientiam, occasionem (immo accelerationem) mali aut contemptum considerandorum, & incuriam, ac post damnum. *Cunctatio*, degenerat per excessum, in Tarditatem, Amissionem occasionum, tum in Ignauiam. *Cautio industriosa, vel præuidendi prudentia*, in Astutiam, fallacias, Versutiam & Dolum.

O Veri-

Veritas Propositionis, seu Narrationis, aut Dictorum prudentia; in Contentionem, Pertinaciam sermonis, ac dicacitatem superfluam, deinde in Impugnationem oppositæ veritatis, seu affectatam destructionem illationis, loquendo nonnumquam, magis ex alieno instinctu & arbitrio, tam pro aucupanda gratia, quam pro veritate. *Veritas correctiva, aut debita reprehensio, tum censura,* degenerat per Excessum, in Importunitatem dicti, Diffamationem, Exprobrationem morosam, tum exacerbationem & offensas. *Prudentia ratiocinandi aut Discursus,* per excessum parit Garrulitatem, aut Ostentationem, & Insolentiam dictorum, fucatos sermones, friuolas probationes, & verborum rationumque pigmenta. *Studia et artes,* Curiositatem, quæstionem, pruritus disputandi & contentionis, tum importunas nouitates. *Scientia et Experientia,* degenerat plerumque in nimiam sui confidentiam & præsumptionem prudentiæ, alieni consilii rationisque contemptum, & ultimo habet, Confusionem.

Ac

Ac deinceps.

Ex defectu virtutum, vitia sunt. Ideoque aliud est *recte agere vel esse prudentem agendo,* aliud agere feliciter ex successu, scire incipere et tentare leniter, aut trahere tantum: Immo secus, agere neglectum et metuentes, vel denique per audientiam et pro impetu animi, ignoranter inquietare actiones, irritare, vexare, et confundere materias. Aliud *Probe (dicto facto) expedire, tum adimplere, vel alias, respondere directe,* aliud eludere. Aliud est *Esse scientem,* aliud Sciolum. Aliud *Esse audacem,* aliud Audaculum. Aliud est, *Esse in aliquo genere Virtutis,* aliud sibi videri, aut haberi velle affectate. Aliud est *dolere, vereri, vel agere aliquid filialiter, id est, pro virtutis amore,* aliud pro seruli pauore, impulsu, aut respectu, seu pro formidine pænæ. Aliud *esse Amicum eticum, Constantem, Promptum,* aliud agere Adulatores, Assentatores, Hypocriticum,

O2

verbo

verbo effusum, leuemque, realitate vacu-
um, Intrusum, mensæ asseclam, mentitæ
frontis, Sycophantam, Cortesantum, Su-
furrionem, Obsequiosum, tuæ fortunæ
(immo sui causa) non tui amicum, vel
potius magis familiarem, quam amicum,
visu amabilem, re ipsa subdolum. Aliud
Exequi aut esse in re, tum spe certa vel pra-
xi, aliud esse tantum intra verba, pro-
missaue, tum discursum, aut intra falla-
cia omina ex futuro euentu. Aliud est,
Nolle sponte cessare, quiescere, aut sibi con-
sulto temperare, aliud deficere, otiosi, vel
plane non posse, velut argute Seneca:
Nolle, in causa est, non posse, prætenditur.
Aliud est, *Consilium petere*, aliud vexare,
tentare, aut expiscare tantum, seu quæ-
rere placencia et assensum, velleque de-
cipi. Aliud *Consilium dare*, atque aliud
materias irritare, eludere, immo non-
nunquam suauia innuendo (aut vera om-
mittendo) adulari, assentiri, rebusque
illudere et denique fallere. Aliud *Habere*
iustam agendi causam, aliud habere affe-
ctatum prætextum. Aliud est, *Facere quod*
est

est virtutis et esse realiter bonum, aliud ces-
sare a malo, et esse tantum non malum,
velut ille de Galba: *Magis extra vitia,*
quam cum virtutibus. Aliud est, *Esse di-*
cretum (ut vulgus communiter *Officiosita-*
tem Politicorum, seu Promptitudinem vocat)
aliud oblitum sui, et esse plane rerum in-
curium, mollem, et nimia familiaritate
peccare. Aliud est, *Esse eloquentem aut*
persuadendo fortem: aliud esse affectate
loquaculum, pigmentis verborum et co-
loribus ludere, imponendo rebus aliis,
dein alias per astutiam et Sophismata
eludendo, (tum prout conducit, ampli-
ficando, extenuando, obtegendero) falsa
statuere, proba inuertere, personas de-
nique, resque fallere. Vel si quæ dantur,
aut rectius dici possunt alia.

Exinde, pro insolentia ingenii, plerum-
que vitiis, nomina virtutum imponimus,
aut secus per malignitatem, vitiorum no-
mina, adstruimus virtuti, quod necesse
(recto ingeniorum virtutisque pen-
satori) cauendum.

Hinc proximum dicere

TRIPLEX

POLITICORUM GENUS,

I.

Sunt *Catholico-Politici*, qui rationes status et artes agendi, ad regulam conscientiae vocant, aut quod extra sit, vile, securum, laudabile, æque illicitum putant, candidæ mentis, nec ancipites, aut ex simulato capriosi, cauti tamen et prudentes. Horum actiones, apud versutos præsertim & obliquos (quibus occasio faciendi pro iustitia est, & nisi dicta circuitiua, factaque arcanosa non aperta, sed obliqua, tum inuoluta placent) ruditaris notam ferunt, verum Deus illis, uti rectis, aperte fauet, et supra media humana succurrit, ut plus solidiusque possint quam alii.

2.

2. *Stoico-Politici sunt*, qui inter honesti regulam, quidquid agendum sit, actum quidem volunt, sed cum ad Stoicum rigorem se componunt, et cuncta vocant, nihilque casui, tempori, et rebus condonant, morosi aut *Scholastici* Politici sunt potius, quam prudentes et Practici. Nec sanant aut componunt res, sed materias irritant sapius, tristes aspectu, contracta fronte, facie suspensi, non ad civilem comitatem, sed velut ex Cathedra, totum agentes, rapiunt res agendas, non reprehendunt, urgent non amant, nec etiam amantur.

3. *Sophisto-Politici*, qui res agendi, fallaciis refertas habent, acerbitatem factorum, iocis eludentes, seu obtegentes suauiloquio, virtutis tum amicitiae larvam induunt, quo malignius noceant, post rem priuatam cuncta ponentes, non verbo stant, non scripto, sed totum ad suum sensum detorquent, licita, illicita, pari studio inuoluunt, eoque magis suspecti, quo plus dissimulationem inter rem agunt, ex tacito magis meruendi

Caue

217 *Andr. Max. Fredro Icon Ingeni*
Caue (suadeam) hos, sed vix per sum-
mam prudentiam caueas. Tales plerum-
que suis artibus se ipsos inuoluunt, læta
rerum exordia, sed tristem euentum ha-
bent. Documentis quid opus? Consenuit
orbis, nec alium illicitorum, quam tri-
stem vidit exitum, sola virtus æterna
manet, concutitur illa, sed non frangitur.

Quartum genus Politicorum assignari
potest, qui sunt Intermedii, de his iudi-
cium non fero. Tu fer *Lector*, libenter au-
diam, nec inficiabor.

Hæc mea Catholico-Politiam loquun-
tur, & suadent Lectori.

Laus Uni inSS. Trinitate DEO.
& uni Virgini Matri Dei gloria.

F I N I S.

